

## مکتب و جمعیت

مؤلفی :

قولومبیا دارالفنون مدرسارندن

جوده دوری

John Dewey

مترجمی :

معارف وکالتی احصائیات مدیری

عولی



تالیف وترجمه انجمننجه قبول ایدلشدور .



استانبول — مطبعة طاهره

۱۹۲۳ — ۱۳۴۰

## كوچوك بر مقدمه

بوكتابك ايلك اوج بابي مهروه روئي نك ۱۸۹۹ ده شيقاغو دارالفنوننده ويرديكي اوج قونغه رانسدر . ديكركلر ده اولجه Elementary School Record مجموعه سنده نشر اينديكي باحثك اوافق تفك تعديل و تبديلرله يكيدين نشر ايديش صورتلردير . هيئت مجموعه سي « The School and Society » عنواني ايله بر كوچوك جلدده جمع ايديشدر . بو ترجمه اصلنك ۱۹۲۰ تاريخلي ۱۴ نجى طبعندن يايلىمشدر .

روئي نك شخصي قناعتلري ايله ، شيقاغو دارالفنوننده تاسيس اينديكي « ايلك مكتب » ده كي تجربه لرليك نتيجه لرني احتوا ايدن بو مقاله لر ده كي فكرلر بوكون ده تازه لكك ريني ، خصوصيله بزم ايجين ، بوتون قوتلري ايله محافظه ايدىيورلر . بو اعتبارله لسانغزه نقل ايدىيما سي فائده لي كورولمشدر .  
تأليف و ترجمه كلياتنه داخل اولان و بوندين اول نشر ايديلن « مكتب و چوجوق » عنوانلي اثرده مهروه روئي نك تربيه فلسفه سي حقنده جنوره دارالفنونى تربيه مدرسي قهويارده ك چوق قيمتلى بر تحليلي واردر .



# مکتب و جمعیت

مؤلفی : مہرہ دوی

۱

## مکتب و اجتماعی ترقی

مکتبی ، معلمہ طلبہ ویا معلمہ ابون آراسندہ برشی اولق اوزرہ ، فردی بر نقطہٴ  
رؤیتدن تلقی ایتمک استعدادندہ یز۔ اک چوق علاقه دار اولدیغمز نجهت، بالطبع، طانیدیغمز  
منفرد بر چوجوغک کوستردیکی ترقیدر . اونک ، یولنده انکشاف بدنسی ، اوقومه ،  
یازمه، ترقیم قابلیتنک ایلرله مہسی، جوغرافیا وتاریخ معلوماتنک آرتماسی، طور و حرکت،  
جوالت ، انتظام وسی اعتیادلرینک تکملی - مکتبک ایشی حقندہ ایشته بونلرہ بکزمہ  
معیارلرلہ حکم ویریز . وبویله یامقده حقل یز . مع مافیہ ساحہٴ نظرنک توسیعنه احتیاج  
واردر . اک اینی والک عقلی بر آنا بابا کندی اولادی ایچین نہی ایستہرسہ جمعیتدہ بوتون  
چوجوقلری ایچین اونی ایستہمیلدر . مکتبلریمز ایچین بوندن باشقا مفکورہ دار  
وسوعسزدر ؛ واکا ابنا ایدہجک فاعلیتدہ دہموقراسیمز ایچین مہلکندر . جمعیتک  
کندیس ایچین ساحہٴ حقیقتہ چیقاردینی بوتون شیر ، مکتب توسطیلہ ، اونک مستقبل  
اعضاسنک الی آلتہ قونور . جمعیت ، کندی اک کوزل فکرلرینک ، ینہ کندی وارلق  
ایچین ، بوصورتلہ ظہور ایدہجک امکاملرلہ ، تحقق ایدہجکنی امید ایلر . فردجیلک ایلہ  
جمعیتجیلک بورادہ برلہ شیر . آنجاق کندیسنه وجود ویرن بوتون فردلرک نمای تامنہ  
صادق قالمقہدہرکہ جمعیت ، دیگر مہرہانسی براحتالدن زیادہ ، کندیسنه صادق قالاییلر -  
جمعیتک بوصورتلہ کندی کندیسنه ویردیکی استقامتدہ مکتبدن داها قیمتی هیچ برشی  
یوقدر . چونکہ مہرہانسی مہرہ [۱] ک دیدیکی کبی « برشی کندی کندیسنه تنی وانکشاف  
ایدرکن برمشکل بیک مجدددن داها دہ کرلی در . »

تربیه ده یکی حرکتی مناقشه ایدرکن، کنیش، یعنی اجتماعی نقطه نظره اهمیت ویرمه من صورت خصوصیه ده لازمدر . یوقسه مکتب مؤسسات و عنعناتنده کی تحوللر تک توك معلملرک عندی ایجادلری کیی کورولور ؛ اگ فناسی ککوب کچی برهوس ، اگ ایسی ده بعض تقرعاتده اصلاحات - مکتب تحولاتنه زمین تقدیر اولان مستوی بودر . لوقوموتینی ویا تلفرافیده شخصی ایجادلر تلقی ایتک پک اعلی معقولدر . صنایع و تجارت طرز لرنده واقع اولان تحوللر ناصیل ده کیشن اجتماعی وضعیتک ، تشکل ایتکده اولان یکی جمعیتک احتیاجدرینه اویق ایچین واقع اولان جهدهک محصولی ایسه تربیه اصولنده و پروغراملرده وقوع بولمده اولان تعدیلاتده اویله در .

ایشته دقتکزی صورت مخصوصده جلب ایتک ایسته دیکم بودر : اولو اورتا « یکی تربیه » دینله ییلن شیئی جمعیتک کنیش تحوللرینک ضیاسی آلتنده تلقی ایتک غیرتی . بو « یکی تربیه » بی حادثاتک عمومی کیدیشه ربط ایده بیلیورمی یز ؟ ایده بیلیورسهق « یکی تربیه » ماهیت متجدره سنی غایب ایدر ؛ وساده جه منفرد چوجوقلرله اوغراشان پداغو غنرک فائق ذکالی روحلرندن صادر اولان برایش عدایدیلکدن قورتولور . اجتماعی تکامل کلنک برجزئی صایلیر . و هیچ اولمازسه عمومی آنا خطرلری اعتباریله غیر قابل احتراز کورونور . بناءً علیه اجتماعی حرکتک بللی باشلی صفحه لرینه باقلم ؛ صوکراده مکتبه دونم و بواجتماعی حرکتک اویق ایچین اونده واقع اولان جهده شاهد آرایلم . مکتبک بوتون زمین فاعلیتی قاوامق پک زیاده امکانشز اولدیغندن نظریی اگ چوق ، عصری مکتب حرکتکده انموذجی برشین - که ال ایشلری دینیور - حصر ایده جگم . بو ، اگر اومدیغم کیی ، ده کیشن اجتماعی شرائطله مناسبتدار ایسه ، دیگر تربیوی تجددلری ده بویله اولارق قبول ایدر ، کچرز .

موضوع بحث اجتماعی تحوللر اوزرنده چوق توق ایتهدیکم ایچین اعتذار ایتیه یورم . ذکر ایده جگلم اوقادار ایری حرقلرله یازیلی درکه قوشارق کیدنلر بیله اوقویایلیرلر . عقله ایلک کلن تحول ، دیگرلرینی کاملاً کولکده براقان ، حتی مراقبه سی آلتنده طوقان ، صنایع تحولدر - یعنی ، طبیعتک قوتلرندن واسع مقیاسده وبلا مصرف استفاده تأمین ایدن بویوک اختراعلری حصوله کتیرن علم تطبیقاتی ؛ بوتون جهانک صنایع استحصاللره واسع برخرج بازاری حائی آلماسی ، بوپازاره اشیا ینیشدیرن بویوک اعمال مرکز لرینک تاسسی ، جهان بازارینک مختلف محللرینه توزیعات یاپاییلمک ایچین اوجوز و سریع نقل

واسطه لرینک ظهوری . اک خفیف باشلاقیجنه نظر آ بیله بوتحول واقع اولالی برعصردن زیاده زمان کچمه مشدر ؛ اک مهم صفحه لرندن برچوخی بوکون یاشایانلرک قیصا عمرلری ایچنه داخدر . بوتون تاریخده بوقادار سریع ، بوقادار شامل وبوقادار تام برانقلاب داها بولوناییله جککنه انسان زور اینانیر . بوانقلابک تاثیریه یروزی ، حتی اشکال طبیعیه سنه و لرنجهیه قادار دکیشیور ؛ سیاسی حدودلر سیلینیور ، ایلهر یله یور ، کر یله یور ، کویا کاغد خریظه اوزرنده کی خطرلر مش کیی . دنیانک هرکوشه سنده انسانلر طویلانیور ، یکی شهرلر میدان چقیور . تحوله کی حیرتبخش ناکهانیک و عمومیک حیاتک اعتیادلرنی ده کیشیدردی . طبیعتک حقیقتلرنی تحری مراقی نامتناهی درجه ده تنبیه و تسهیل ایدیلدی ، وبونلرک حیاته تطبیق ، یالکز قابل اجرا دکل ، تجارت نقطه نظرندن الزم بیله اولدی . حتی طبیعتلرک پک دهرین نقطه لرنده دوردینی ایچین اک محافظه کار اولان اخلاقی و دینی فکر و علاقه لریمز بیله صورت عمیقده متأثر اولدی . بوانقلابک تربیه شکلی وسطی بر صورتده اولمقدن زیاده برتأثیر یاماماسی عقلک آلامایاجنی برکیفتدر .

فبرقا سیستمندن اول او وجوار صنایعی سیستمی واردی . بوکون بر ، ایکی واک جوق اوچ نسل کریه عطف نظر ایدنلر اوی صنایع ایشلرک بوتون انموذجی شکل لرینک ایچنده میدان کتیریلدیکی و یابوتون بوشکلرک اطرافنده طویلاندینی بر مرکز اولارک کورورلر . البسه لک دوقومار اک زیاده اوده دوقونوردی ؛ طائله افرادی قویون قیرققی ، یاباغی طارامق ، یوک اکیرمک و دستکاهده ایشلرک خصوصنده آلی یاتقین انسانلردی . بر دوکمه باصینجه اوی نوره غرق ایتک یرینه ، ضیا استحصالی ایچین ، حیوانی کسمکدن باشلایان ، یاغی آریتک ، فیتیل یامق ، موم دوکک کیی اوزون اوزادیه زحتلی ایشلر قاتلانمق لازمدی . اون ، کرسته ، غذا ، مالزمه انشائییه ، او اشیاسی ، حتی جیوی ، منتشه ، زمه و سائر کیی معدنی اشیا بیله اک یاقین جواردن ، هر وقت آجیق دوران وکوز اوکنده ایشلرین ، هر زمان ایچنده قونو قومشونک طویلاندینی دکانلردن تدارک ایدیلردی . مواد ابتدائییه ناک چقتلرکده استحصالندن استعماله صالح اشیا حاله کلمه سنه قادار بوتون وتیره اعمال کوز اوکنده جریان ایدردی . ایشلرده طائله خلقتدن یالکز شو بو دکل طائله ناک هر بر فردی آیری آیری حصه داردی . چوجوقلرده قوت ، قدرت قازاندقجه تدریجاً متنوع فاعلیت وتیره لرینک اسرار و خفایاسنه نفوذ ایدر ، ایشلر

یاتی شیرلوردی . حتی مساعی به حقیقه<sup>۱</sup> اشتراك نقطه سنه وارینجه به قادر بوتون بوفاعلیتئر  
بلا واسطه و شخصی علاقه ایله واقع اولوردی .

۲. بنوع حیاتك نئمن ایتدیکی انضباط و یریحی و سنجیه پایچی عاملردن صرف نظر  
ایده مهیز : انتظام و هنر ، مسئولیت ، برایش یایق و میدانه برشی چیقارمق مجبور تی  
اعتیادلرینك تربیه سی . دائماً حقیقه<sup>۲</sup> پایلاجق برشی ، و بوشیك اعمالنده طامه نك هر فردینك  
صاریلانجی برایش حصه سی و دیگر لرله برله شه جکی برایشترك سعی ساحه سی بولونوردی .  
قدرت فعلیه سی فاعلیته قازانان شخصیتلر فاعلیت ایله بسله نیر و فاعلیت ایچنده ده نه نیردی .  
کذا طبیعت ایله و حقیق اشیا و مواد ایله دوغرودن دوغرویه تماسدن ، بونلری فعلاً  
قوللانمادن ، اجتماعی لزوم و فائده لرینی بیلمه دن دوغان دهرین و درونی معلوماتك تربیوی  
معنا سنده کی اهمیتیه کوزدن قاجیرلما یز . بوتون بونلرده مشاهده ، مهارت ، انشائی  
بخیل ، منطقی تفکر ، و حقیقتلرله بلا واسطه تماسدن آلینان شأیت حسی دواملی بر صورتده  
تربیه کوروردی . اوده اکیز مه و دو قوما فاعلیتنك ، ییچی دستکاهنك ، ده کیرمنك ،  
فوجیچی ، ده میرچی دکانلرینك تربیوی قوتلری متادیا<sup>۳</sup> حال فعلده ایدی .

مینحصراً معلومات و یرمك مقصدیله اولره اشیا درس لرندن هیچ بری ، جفتلکده  
ویا باغچیه د نباتات و حیوانات آراسنده باشامق ، اولرک حیاتلرینه قاریشماق و باشا شلرینه  
دقت ایتک ایله قازانیلان بیلگی نك یریی ، کولکسی قادر بیله ، طوتاماز . اعضای  
چواسك تربیه سی مقصدیله مکتبه ادخال ایدیلش تربیه طرز لرلنده هیچ بری عائلوی  
اشتغاللرله یومی و صمیمی علاقه نك احساس حیاتنده تولید ایتدیکی اویانقلق و دولونلق  
ایله رقابت ایده مهیز . وظیفه لر پادیرمقله کله خاطره سی ( حافظه سی ) تربیه اولونایلیق  
علم و ریاضیه حوسلریله ده استدلال قوتلری ایچین بر درجه به قادر علمی انضباط قازانیلا بیلیر ؛  
فقط<sup>۴</sup> فاولوریه اولسون بو ، آرقاده حقیق بر محرک ، و اوکده حقیق بر محصول ایله بر  
شیر یاتماق استلزام ایله دیکی دقت و محاکمه تربیه سی ایله مقایسه ایدیلنجه ، آز جوق  
اوزاق و کولکلی قائلر . حال حاضرده صنایعک تمرکزئی و تقسیم اعمال او و جوار مشغولیتلرینی  
فعلاً - هیچ دکلمه ربیوی مقصدلر ایچین - ازاله ایتدی . لاکن چوقوقلرک محتواضع ،  
حرر متکار و بالطبع اطاعتی اولدق لرئی او اسکی کونلرک کجوب کیتدیکنه ، آغلامق ، اگر  
آغلامق و آه و فغانه بونلرک کورئی کله بکترخی امید ایتمه یور شوق و فائده سز دره ده کیشین  
جنوی شرائطلر ؛ بناد علیه تربیه حسیلوی هر جهمه بر تحول و قوی مقصدی تأمین

کافیدر. ضایع ایندکلمه مزه مقابل قازاندقلمیزی بیلیملی یز که شونلردر - مساعفه (تساع) نک تزیادی ، اجتماعی عا که قابلیتک اتساعی ، طبیعت بشریه دها کنیش بروقوف، سجه علامتلیک قیراخی واجتماعی وضعتلرک تفسیری خصوصنده دها شدید براوانیقلى ، مختلف شخصیتلرله مناسبت کفیتنده دها بویوک برحمت نظر، تجاری فاعلیتلرله دها واسع برتماس . بوملاحظه لر بوکون شهرلرده دوغان چوجوقلر ایچین دها زیاده حائز معنادر . مع مافیة شائی بر مسئله قارشیسنده یز : بوقازانچلر عزی محافظه ایتمکله برابر حیاتک دیگر جهتی تمثیل ایدن شیء - شخصی مسئولیتلری انکشاف ایتدیرن و چوجوغی حیاتک فیزیکی شائیتلرله مناسبتنه نظراً تربیه ایدن اشتغاللری - مکتبه ناصیل ادخال ایدم جکمز ؟ مکتبه دونجه کوریورز که حال حاضرده الک زیاده کوزه چاربان، مهوود ال ایشرلرینک، دستکاه وأو صنعتلرینک ، دیکیش وطباختک درس لر آراسنه ادخالی تمایلی در .

بو ، « مقصدله » ، یعنی اولجه طائله یوردنده تطبیقنه اعتنا ایدیلن بر تربیه عاملی شمدی مکتبک تأمین اجتماعی دوشونولرک، تام شعورله یاییلمش برشی دکلدرد، دها زیاده انسیاقیدر، تجربه ایدیلش، کورولش که بویله فاعلیتلرک چوجوقلر اوزرینه حیاتی بر تاثیریری وار ، بونلر اونلره دیگر هیچ برطرزک ویرمه یه چکی بعضی شیر و پریور. ال ایشرلرینک حقیقی معناسنک شموری حالا اودرجه خفیفدر که ایشر علی الا کثر یاریم ایستکله ، قورما قاریشیق و رابطه سز یاییلر . بو حالی معذور کوسترمک ایچین سرد ایدیلن سیدر اَلم بر صورتده کفایتسر وخی بعضاً تماماً خطالی در .

بو ایشرلرک مکتب سیسته ممزه ادخالنه الک زیاده طرفدار اولانلری بیله استنطاق ایدنجه ، تصور ایدیورم که ، اونلرک لزومی حقند ، عمومیتله ، دیکله یه جکمز الک باشلی سیدر ، بونلرک چوجوقلرک تماماً حاجی [۱] علاقه و دقتلرخی اشغاله مدار اولمالری در . بونلر چوجوقلری منفعل و آخذ دکل، آییق کوز و فعال ایدیور؛ اونلری دها فائدملی، دها قدرتی و بالنتیجه اولری ایچین دها یار دیمچی یاییور. اونلری مستقبل حیاتلرینک عملی وظیفه لرینه بر درجه یه قادار احضار ایدیور . - قیز ایسه لر حقیقه آشچی و ترزی اولماسلر بیله اهلیتلی او مدیرلری اولماپ ، اوغلان ایسه لر ( تربیه سیسته ممز مکتبلریمیزی تام اولار ق یالکمز حرفت و صنعت مکتبلری حالته قویمش اولسه یدی ) مستقبل مسلک لرینه حائیر لاییرلر . بوسیلرک قیمتلرینی آ ز کورمه یورم . فی الحقیقه ، چوجوقلرک ده کیشن

حال - و وضعیترنده کورولن بوسییلردن کله جک مضاجه مده ، دوغرودن دوغرویه مکتبله چوجوئک مناسبتنی مطالعه ایدرکن بحث ایده جکم . فقط بوقطه نظر طوبدن آلتیجه کفایتسز درجه ده دادر . تحت ، معدن ایشلری ، اکیومه ، دوقوما ، طباحت فاعلیتی یاشامانک و اوکر نه نک اصولری اولقی اوزره تلقی ایتمه لی یز ، آیری آیری درس لر اولارق دکل .

اونلری اجتماعی معنا و دلالتلرینه کوره ، یعنی جمعیتک دوامنده استناد ایندیکی و تیره لر انموذجلری ، چوجوئلری جماعت حیاتنک ایلمک لازمه لر ایله انسیت ایندیرن طاملر ، و انساک آرتان وقوف و مهارتی ایله بواحتیاجلری قوشیلادینی یوللر ، خلاصه بر عطا قیم آلتلر ، اولارق تلقی ایتمه لی یز ، که مکتبک کندیس ییله ، بونلرک تأثیر ییله ، ایچنده درس اوکر نیلن جمعیتدن آیری بر محل اولاجق برده ، جماعت حیاتنک حقیقی فعال برشکلی اولور . جمعیت مشترک خطلر اوزرنده ، مشترک روحله و مشترک هدفله قارشی چالیشدقلری ایچین بڑ آرا ده دوران و برلکده طوتونان انسانلرک مجموعیدر . مشترک احتیاجلر و هدفلر متزاید بر فکر مبادله سنی و متزاید بر حس تجاذب برلکنی استزام ایدر . حال حاضر ده کی مکتبک طبیعتی بر اجتماعی وحدت حالنه تمضی ایده منه منسک جئثرنی سببی ایشته اصل بومشترک مستحصل فاعلیت عنصرتک تقدانیدر . او یون ساحه ستده ، او یونده و سنورده اجتماعی تمضی کندیس کندیتنه و او کته کیتمه یه جک سوژده حادث اولور . چونکه بایشلا جق برنی وارد ، بر فاعلیت واقع اوجقدر . ایشته بو ، ایشک طبیعتی اقسامی ، رهبر و پیروزلرک سچیلوب آیر یلا سنی ، مقابل ایش برلکنی و منافسه یی استزام ایدیور . بونک کی ؟ دو شکانده ده اجتماعی تمضی ایچین محرکه و رابطه یه احتیاج وارد . اخلاقی جهتدن بایکجه ، شیمیدیکی مکتبک خبیع ضعیفی ، بر طرفدن اجتماعی نظام ایچین مستقبل اعضا حاضر لامیه چالیشیرکن ، دیگر طرفدن بومستقبل اعضای اجتماعی زوحدن ضوک درجه ده محروم بروسط ایچنده یتیشدیرمه سنه در .

اشغاللر مکتبک عهده مرکزلی حالنه کتیر یکنجه ظهور ایده جک فرقی کللرله اقاده ایتمک قولای دکلدر ؛ چونکه بوفر ق محرک - ده ، روح - ده و هوای محیط - ده در . انسان فعالیتله دوو بر موطیاعه کیر و بده بر چوق چوجوئی یمک حاضر لامیه مشغول کوردیکی زمان ، آرزوئی مشغول و ماطل بڑ آخذلک و ممنوعیت حالی ایله شاطر وجوشقون بر فعالیت حالی آراسنده کی روحی فرق یوزه چارپاجق درجه ده بارزدر . واقعا ، مکتب



حقننده کی خیال روحیلری: متادسرت چهرلی منظره ایله مألوف اولان کیمسه لری بوحال بردنبره شدتله صحرار ، لاکن چوجوقلرک اجتماعی وضیمتلرنده کی تحولده عینی درجهده شدتله کوژره چارپار واقعهلری و حقیقتلری سادهجه بلع ایتمک اوقادار فردی برایشدرکه ، عطیمتله ، انسانی خودبینیه سوق ایدر . صرف بیلنکی اکتسابی ایچین آشکار هیچ بر اجتماعی محرک یوقدر . وبونده موفقیتک صریح هیچ بر اجتماعی قازانچی ده موجود دکدر . فی الحقیقه بو طرزده یکانه مقیاس موفقیت ، تعیرک فنا معناسیله ، رقابت طرزیدر - اعظمی معلومات ادخارنده ، هانکی چوجوغک دیکرلرندن داما ایلری کیتیمک موفقیتی کوسزدیکنی آکلامق ایچین درس و امتحان نتیجهلرینک مقایسه سی . بوحال مکتبک هوای محیطی اولمشدر ، اودرجهده که وظیفه یاپارکن چوجوقلرک بربرلرینه یاردیملری بیله بر مکتب جنایتیدر . مکتب فاعلیتی ، زرده سادهجه درس اوکرنمیه انحصار ایدیورسه اورداه تعاون ، ایش برلکنک و اشتراک مساعینک اک طبیعی رشکلی اولاجق یرده ، یاننده کی آرقاداشی وظیفهلرندن قورتارمق ایچین کیزلی برجهدهد حالی آلپور . ایش فاعلیتنک موجود اولدینی یرده ایسه بوتون بوحال ده کیشیور . بوراده باشقالرینه یاردیم ایتمک ، یاردیم کورنی طاجز دوشورن بر مرحت شکلی اولمایور ، سادهجه ، اونلک قوتلرینی سربست بر اقان ، والجالرینه کنیش میدان ویرن بر معاونت اولپور . شفاهی دؤزده سربست محاوره لر ، فکر تعاطیلری ، تلقینلر ، مقدم تجربه لک کرک موفقیت ، کرک عدم موفقیت شکلنده نتیجهلری درسک اک حاکم نقطه لری اولپور ، منافسه یکلنجه ، بوده فردلرک مقایسه سی شکلنده اولپور ، لاکن بلع ایشدکلی معلوماتک کیتنه نظر آدکل ، یاپدقلی ایشک کیفیتله کوره - یعنی قیمتک حقیقی جماعت معیارینه کوره . بوراده مکتب حیاتی غیرشکلی [۱] ، وبویله اولدینی ایچین داما زیاده استیلائی و منتشر صورتده اجتماعی برقاعده اوزرنده تمضی ایتمشدر .

مکتبک انضباطی ویا نظامی بو تعصینک ایچنده بولونور . بالطبع نظام سادهجه غاییه اضافلهدر . اگر غایه کز قرق الی چوجوغک بر طاقیم درسلی اوکرنمیه سی ، صوکر ا معلمه آکلاماسی ایسه ، ایستمدیککز انضباطده بونی تأمین ایده جک صورتده اولاجقدر .

[۱] Informal ی غیر صوری کله سی ایله ترجمه ایتمک داما دوغرو اولوردی ، لاکن Form جذرندن کلن مشتقانی تورکجهده دالما « شکل » جذرینک مشتقلی ایله ترجمه ایتمک عادت اولدینندن نظر ادی عفافله ایچین بویله ترجمه ایدیلدی . - مؤرجم :

فقط استهداف ایدیلن غایه اجتماعی ایش برلکی و جمعیت حیاتی روحنك انكشافی ایسه  
 انضباط بوندن دوغمالی و بوغایه ایله متناسب اولمالی در . بر طاقیم اشیانك اعمال وانشا  
 ایدیلدیکی یرده بر نوع نظام آذر ؛ ایچنده چالیشیلان صنعت دستکاهنده بر نظامسزلق  
 واردر ؛ سکوت یوقدر ؛ اوراده چالیشانلر معین وثابت بدنی وضعیتلرده دورمقله مکلف  
 طوتولمازلر ؛ قوللری قاووشدورولمش دکلدر ؛ کتابلریخی شو ویا بوصورتله طوتولاری ایجاب  
 ایتمهز . بوراده انسانلر دورلو دورلو شیرلر یامقله مشغولدرلر ؛ فاعلیت نتیجهسی اولان بر  
 قاریشیللق و عجله جیلک واردر . لاکن نتیجهلی شیرلر یامقندن و بونی ال برلکی ایله اجتماعی  
 برطرزده اجرا ایتمکدن دوغان کندی نوع و انموزجنده خصوصی برانضباط موجوددر .  
 بونقطه نظری قاورایچه مکتب انضباطی حقنده کی بوتون تلقیریمز ده کیشیر . بحرانی  
 زمانلرده سزمرزکه بزده کی یکانه انضباط ، حدس حالته کلش یکانه تربیه حیاتك کندیسندن  
 آ لینمش اولاندر . تجربه دن ، کتابلردن ویا باشقارلینك سوزلردن ، فقط تجربه ایله  
 علاقه دار اولق ارزده ، اوکرندکلریمز ساده جه بوش جهلر دکلدر . لاکن مکتب حیاتدن  
 اوقادار اوزاق طوتولمش ، و حیاتك شرائط عادیه سندن و محرکلردن اودرجه تجرید  
 ایدیلشدرکه چوجوقلرک انضباط قازانق ایچین کونده ریلدکلری اویر ، سطح ارضده ،  
 تجربه نك ال زیاده کوجلکله بولونایله جی محلدر - تجربه ایسه انضباط اسمنه لایق اولان  
 بوتون انضباطلرک آ ناسیدر . دار وثابت برعننوی مکتب انضباطی خیالک حاکم اولدینی  
 برده درکه انسان ، انشائی برسعیده یاباجق برحصه صاحبی اولمقندن ، روحاً اجتماعی اولدینی  
 قادر شکلا ده ظاهر وقابل تماس اولان برنتیجه نك حصوله فعلاً یاردیم ایتمکدن چیقان ،  
 داها دهرین و نامتناهی درجه ده داها کنیش انضباطی کوزدن قاجیرمق تهلکه سنه معروضدر -  
 بویه اولمایان یرده ایسه ایشه او ظاهر وقابل تماس شکله عطفاً مسئولیت اجرای نفوذ  
 ایدر و بوکا استناد ایله دوغرو برحکم ویریلر .

متنوع شکله فعلی اشتغاللرک مکتبه ادخالی مسئله سنده عقیده طوتولماسی ایجاب ایدن  
 مهم جهت ، بونلر سایه سنده مکتبک بوتون روحنك تجدد ایدم جکی در . مکتب بونلر  
 واسطه سیله حیاته قایناشمق طالعه مظهر اولاجق ، و چوجوق ایچین ده ، استقبالده یاشانماسی  
 ممکن برحیاته مجرد وبعید صورتده معطوف درسلر اوکرمنیلن بر محل دکل ؛ برمسکن  
 اولاجقدر ، چوجوق بومسکنده استقامتی برحیات یاشایارق اوکرمنه جکدر . مکتب  
 کوجوک مقیاسده برجماعت ، ریشمی بر جمعیت اولق طالعه نائل اولاجقدر . ایشه اساسی

واقعہ بودر ، ودوامی ونظامی جریان تعليم بوندن صدور ایدہ جکدر . یوقاریدہ توصیف ایدیلن صنایع نظام اجتماعیہ جوجوق ہر حالہ مساعیہ اشتراک ایدیوردی ، وبو ، اشتراک ایتیش اولوق ایچین دکل ، استحصال ایچین دی . تربیوی نتیجہلری شائی اولقلہ برابر عرضی وتابع ایدی . مکتبہ [۱] تعقیب ایدیلن انموذجی اشتغاللر ایسہ اقتصادی تضییقدن آزادہ در . غایہ محصوللرک اقتصادی قیمتلری دکلدر ، اجتماعی قوت ووقوف انکشافیدر . بویلہ ، دار منفعت دوشونجہلرندن آزادہ لککری ، روح بشرک مختلف امکاتلرینہ کشادہ لککری درکہ بو عملی فاعلیتلری مکتبہ صنعتک متفقلری ، علم وتاریخک مرکز لری یاپیور .

بوتون علملرک وحدتی جوغرافیادہ بولونور . جوغرافیانک معناسی ، اونک انسانک اشتغالانہ ارضی مہادی بریورد اولارق کوسترمہ سندنہ در . دنیا ، فاعلیت بشریہ ایلہ مناسبتدار اولمادقجہ ، دنیا دکلدر . بشرک سعی واجرا آتی ، ارضدہ بولونان کوککاری نظر دقتہ آلینا یجہ ، حتی برحس بیلہ دکلدر ، آنجاق قورو براسمدر . طوپراق بوتون انسانلرک عذاسنک ایلک و صوک منبعیدر . او ، انسانک دائمی برملجائی وحامیسی ، بوتون فاعلیتیرینک مادہ ابتدائیہ سی ، انسانک یوردی در ، اویلہ بریوردکہ بشریہ دہ ، فکریہ دہ او دوغورمش اولدیغندن ، انسانک بوتون افعال واجرا آتی اوندن دوغار واوکا رجوع ایدر . او ، حرارت ، ضیا ، الکتریقی قدرتلرینک بویوک ساحہ سی ، بویوک اوجانی ، بویوک منبعیدر ؛ دہ کیزلرک ، جریانلرک ، داغلرک ، اووالرک بویوک صحنہ سیدر ، کہ بزم بوتون زراعتمز ، معدنیلک ، اورمانحیلک صنعتلریمز ، بوتون اعمال وتوزیع واسطہلریمز اونک آنجاق قسماً عنصرلری وعامللریدر . بو محیطک تعیین ایتدیکی اشتغاللر ایلہ درکہ نوع بشر تاریخی وسیاسی ترقیسنی میدانہ چیقارمشدر . ینہ بواشتغاللر ایلہ درکہ طبیعتک ، ذهنی وهیجانی تفسیری انکشاف ایتمشدر [۲] . عالمده وعالملہ یاپدقلریمزله درکہ عالمک معناسی اوقیور و قیمتنی ٹولپیورز .

تربیوی تعبیرلرلہ افادہ ایدیلنجه ، بونک معناسی ، بواشتغاللرک مکتبہ سادہ جہ کورہ نہ کہ کورہ قولانیلاجق بر طاقم عملی طرز لری وطریقلر اولمایاجنی ، آشجیلقدہ ،

[۱] بورادزن اعتباراً موضوع بحث اولان مکتبہ دونی ٹک شیفاغو دارالفنونندہ تأسیس ایتدیکی

« دارالفنون ایلک مکتبی » در .

— مترجم .

[۲] یعنی علم وادبیات انکشاف ایتمشدر .

— مترجم .

ديکيشده ويا مارانغوزلقده داها فني مهارت قازانمق يوللري عد ايديله جيکي ؛ بلکه ضيعی مواد و وتيرمه علمي وقوف حاصل ايتک ايچين فعلی مرکز لر ، بشرک انکشاف تاريخیسی تحقيق خصوصده چوجوقلره حرکت نقطه لری عد ايديله جيکي در . بونک حقیق معناسی ، عمومی برنطق ایله پایلایيله جکندن داها ایی صورتده ، حقیق مکتب ایشندن آلناحق رمثاله آکلاییلیر .

متوسط ذکاده برزآره ، اون ، اون ایکی ، اون اوچ یاشنده اوغلان چوجوقلرک قیزلره برابر دیکیش دیکدکلری ، بز دو قودقلری کورمکدن داها غریب برتأثیر یاپاق هیچ برشی یوقدر . اگر بومنظره اوغلان چوجوقلرک دوکه دیکمه یه ویا مایامایه حضاری نقطه نظرندن باقارسه ق تلقیم دار و انتفاعی اولور . و مکتبده بونوع فاعلیته اهمیت مخصوصه ویرمه یی حقیق کوسته رجه ک براساس تشکیل ایدمه ز . فقط بوکا دیگر جهندن باقارسه کورورزکه بومشغولیت ، بشرک مشی تاریخیسی بولوب تعقیب ایتک ایچین چوجوغه نقطه حرکت تشکیل ایدیور ، او بر طرفندده بومشی تاریخیده قولانیلان ماده و تضمین ایدن میخانیکی مبدأله وقوف حاصل ایدیور . بواشتغاللر ایله مرتبط اولارک بشرک انکشاف تاریخیسی اجمال ایدیور . مثلاً چوجوقلره اولاً خام اشیا ویریلیر - کتن ، پاموق قوزاسی ، کیرلی یاپاغی ( چوجوقلری قویونلرک قیرقیدقلری یه کوتوره بیلیرسه ک داها ایی ) . صوکر بومادله رجه استعمالیرینه درجه مطابقتلری نقطه نظرندن تدقیق و مطالعه ایدیلیر . مثلاً پاموق لینی ایله یونک لینی مقایسه اولونور . پاموق صنایعک انکشافده ، یوکه نسبتله تأخر ایلمش اولماسنک حکمتی ، پاموق الیافنک چکیردکلرندن آل ایله آیریلاننده کی مشکلکدر ، بونی بن اسکیدن بیلیمه زدم ؛ چوجوقلردن اوکرنده . بر غروپده کی چوجوقلرک اوتوز دقیقه چالیشارق قوزادن وچکیردکلردن آیروب آله ایدمه بیلدکلری پاموق الیافی بر « اونس » [۱] دن آزدی . برانساک ال ایله کونده آنجاق بر « باوند » [۲] پاموق آیرایيله جکنه چوجوقلرک عقلی قولایجه ایردی و اجدادلرینک پاموق یرینه یونک قوماشیر کیسه لرینک سینی آکلادیلر . بویکی ماده نک نسبی فائده لیرینه اجرای تأثیر ایدن ، ینه چوجوقلرک کشف ایتدیکی ، خصوصیتلردن بری ده پاموق الیافنک یونک الیافنه نسبة قیصالنی ایدی ؛ برنجیسی ، مثلاً برپوس ( ۳,۵ سانتیم قدار ) ک اوچده

- مترج -

[۱] « اونس » ۳۰ غرام قدار طونار .

- مترج -

[۲] « باوند » ، لیره یاریم کیلودن پک آز خفیدر .

برى قادار اوزون ايكن ، ايكنجىسى اوج پوس اوزونلغنى بوليور ؛ برده پاموق اليافى قايياق اولديفندن بربرينه صاسار يايور ؛ حالبوكه يوكده خصوصى بر پوروزلولك وار ، الياف بربرينه يايشور و اكبرمه عمليه سنى تسهيل ايدىور . چوجوقلر بو خصوصيتنى ، حقيقى موادى ايشله يهرك ، معلملرينك سؤالارى ، تلقينلرى يارديميله ، بالذات بولوب چيقارديلر .

داها صوكرا اليافى قوماش حاله قويماق ايچين مقتضى وتيرملرى تعقيب ايتديلر . ياپاغىنى طاراقلامق ايچين قوللانيلان ايلك قارد دستكاهنى يكي دن اختراع ايتديلر - اوزرلرينه يوكى طاراقلامق ايچين برچوق سيورى يكنلر طاقلمش برچفت تخته . يوك بومك ايچين اك بسىط چارمى يكي دن ترتيب ايتديلر - ده لينمش برطاش و يادىكر آغير برشى كه يوك ده ليكدن كپريلير و دوندورولدىكه اليافى چكر ، اوزاتير ؛ صوكرا صيرا « ايكي » يه كلدى . بو طوباج كپى يردنه دوندورولور و چوجوقلرك اللرنده طوتدقلىرى يوك چكيه چكيه تدريجاً بوكولهرك ايكي يه صاريليوردي . متعاقباً ، تاريخ صيراسيله بوندن صوكرا كلن اختراعلره ياناشديلر ، وهپ چاليشارق ، ايشله يهرك بالتجربه بولمق ، و بويله جه لزومنى آكلامق ، و يالكز خصوصى برصنعه دكل ، بلكه اجتماعى حياتك هر طرزينه اجرا ايتديكى تاثيرلرى طانمق صورتيله ايله ريله ديلىر - و بو طريقده يورويهرك بوكونك تام بر دستكاهنه و حال حاضرده قابل استفاده قوتلر يمز علمك تطبيقتن تحصيل ايدن بوتون نتيجه لره واريجه يه قادار تكميل وتيره نسجه اوكلرنده كچيد رسى ياپديرديلر . بوسميك قضمن ايتديكى علمدن - اليافك ، جوغرافى خصوصيتلرك ، خام موادى يتيشدين شرائطك ، اعمال و توزيع مركزلرينك ، استحصال ماكينالرينه اساس اولان فيزيك مبدألرينك تدقيقى صورتيله اولان علمى تتبع - بحثه لزوم كورمه يورم ؛ تاريخى جهتنى - بو اختراعلرك بشريته ايقاع ايتديكى نفوذ و تاثيرى - ده موضوع بحث ايتمه يورم . بوتون نوع بشرك تاريخى كتن ، پاموق و يوك اليافنك قوماش شكلنه تكاملى كيفيتى اوزرنده تمرکز ايتديره بيليرسكز . بوسوزمله بونك يكانه ويا اك ابي مركز اولدينى قصد ايتمه يورم . لاكن عرقك تاريخى تقديره منتهى اولان پك شأنى و مهم شراهلردن بعضلرينك بو صورته آچيلمش اولدينى - تاريخ نامى آلتنده تلقيسى معناد اولان سياسى و تقويمى قيدلرده كوروللردن چوق داها اساسلى و مراقبه كار نفوذ و تاثيرلره روحك بو صورته ادخال ايديلديكى - ده دوغرودر .

بوراده قوماشلرده قوللانیلان یافه دائر اولان بوتک مثال ( وبالطبع بوتکده یالکز برایکی ابتدائی صفحه سندن بحث ایتدم ) حقنده صحیح اولان ، کندی مقیاسی داخلنده ، هر اشتغالک هر مالز مهسی و بو اشتغاله استعمال ایدیلن و تیره لر حقنده ده صحیحدر . اشتغال چو جوغه حقیقی بر محرک ویریر ، اونی ، بلا واسطه ، دوغرودن دوغرویه تجربه صاحبی ایدر ؛ شائیتلرله تماس ایتدیریر . بوتون بوتلری یاپدقن باشقا ، آبریحیه تاریخی واجتماعی قیمتلرینه ، علمی معادلتلرینه ترجمه ایدیلک صورتیه اشتغالک دلالتی و معنایی پک زیاده و ستمده قازانیر . چو جوغک روحی ، قوتجه و بیلکیجه تمی و انکشاف ایتدکجه اشتغال یالکز خوش بر مشغله اولمقله قالملاز ، تدریجاً دها زیاده بر تعقل واسطهسی ، آلتی و عضوی اولور — یعنی استحاله ایدر .

اشتغال ، صیراسنده ، علم تدریسی ایچین صورت خصوصیهده حائز اهمیتدر . شرائط حاضر مه کوره ، هر فاعلیت ، موفقیتله نتیجه له نمک ایچین ، علمی بر متخصص طرفندن معین صورتله ، معین بر استقامته توجیه ایدیلک لازمدر — بو علمک تطبیقی حالیدر . ( علم ایله عمل آراسنده کی ) ارتباطک تربیهده معین بر موقعی اولمالیدر . اشتغاللرک — مکتبده معهود ال ایشلری و یا صناعی فاعلیت اسمیه یاد ایدیلن مساعی — ایفا ایتدیکی خدمت ؛ یالکز بومساعی تی تنویر ایتمک ، واونلری ساده جه ال و کوز هنری اولاجق یرده ، معنی ایله محمول لزوملو مواد درسیه حالنه کتیرمک ایچین ، مکتبه علمک دخوله فرصت تهیه ایتمکدن عبارت قالملاز ، بلکه بو اشتغاللر سایه سنده قازانیلان علمی وقوف بو کونک اجتماعی حیاته حر و فعال اشتراک ایچین لزوملو بر آلت اولور . افلاطون کتابلرینک برنده اسیری ، افغانده کندی فکرلرینی دکل ، باشقالرینک فکرلرینی افاده ایدن انسان ، دیبه تعریف ایدیور . افلاطونک زماننده کندن دها مبرم اجتماعی مسئله مزده بودر . بر ایش یاپان کیمسه نک شعورنده اصول ، مقصد ، تعقل موجود اولمالیدر ، فاعلیتی کندیس ایچین حائز معنی اولمالیدر . مکتبده اشتغاللر بویه کنیش و حر بر طرزده تلقی ایدیلنجه ، بونوع اشتغاللرک مکتبده یری اولمایاجنی ، چونکه اونلرک تمایله ماده ، انتفاعی و حتی خسیس شیلر اولدینی حقنده اکثریا ایشیدیلن اعتراضلره قارشلی بیان حیرتدن کندیمی زور آلیورم . ظن ایدرم که بو اعتراضلری سرد ایدنلر تماماً باشقا بردنیاده یا شامالری ایجاب ایدن کیمسه لردر . اک چوغزک ایچنده یا شاد یغمز طالده هر کسک بر مسلکی ، برایشی ، یاباجق برشی واردر . بعضلری اداره ایدر ؛ بعضلری اداره اولونور . لاکن کرک برنجی ، کرک ایکنجی صنفدن

هر فرد ایچین مهم جهت ، کوندلک ایشلری ایچنده بویوک و بشری معنای حازر هرشیء کوره بیلمه کنیدیلری قدر ایدن بر تربیه آلمش اولمالری ایجاب ایده چکی در . بو کونکی عمله نك نه قدار چوغی ایشله تدیکی ما کینانك ساده جه برتمه سندن عبارتدر ! بو حال، قسماً ما کینانك کنیدیسندن، ویا ما کینا محصوله بو قدار فضله اهمیت ویرن نظام اجتماعیدن ایلری کله بیلیر ؛ فقط محقق که داها زیاده ، عمله نك ، یاپدینی ایشك علمی و اجتماعی قیمة ترینه واتف اولاجق درجه ده مخیله سنی و تجاذب قوتی انکشاف ایتدیرمک فرصتی بولاماش اولماسندن در . حال حاضر ده صنایع سیستهمک قاعده سنده دوران ایلر مکتب دورنده یابالغعل اهل ایدیش ویا مثبت صورتده چیغرنیدن چیقاریلشدر . انشا واستحصال انسیاقلری جوجو تلاق وکنج لکده سیستهمی برطرزده درله نوب طوپلانماقجه ، اجتماعی استقامت لرده تربیه ایدیله دیکه ، تاریخی تفسیرلرله زنکیله شدیریلهدیکه ، علمی اصوللرله مراقبه وتنویر ایدیله دیکه انتصادی سیئاتمرك منیعنی تعیین ایددجک بروضعتی بیله بولامایاجنر . محققدر ، بالطبع اوسیئاتی مؤثر بر صورتده ازاله ده ایده مهیه جکزر .

برقاج عصر کریه دوزسه ک فعلی بر بیلکی انحصاری کورورز . بیلکیه نمک تعبیری ، حقیقه ، اویغون بر تعییردر . اوزمانلر بیلکی بر صف مسئله سی ایدی . بوده اجتماعی شرائط ضروری نتیجه سی ایدی . منابع ذمنیه عامه نك قولایلقه دخوله امکان ویردجک هیچ برواصله موجود دکدی . معلومات یازمه کتابلرده مکنوز وصاقل ایدی . بونلردن آله کچه بیله جک اولانلر پک آزادی واونلردن استفاده ایده بیلمکده اوزون و زحمتی حاضر لقرله متوقفدی . حقیقت خزینه سنی محافظه ایدن و خلقه بوتلرک پک جزئی بر قسمی بر چوق تحدیداتله صدقه کی احسان ایلین بر بیلکی باش راهیلکی اوزمانکی شرائط غیر قابل اجتناب افاده سی ایدی . لاکن ، بر آز اول بحث ایتدیکمز صنایع انقلابک دوغروندن دوغرویه نتیجه سی اولارق ، بو حال ده کیشدی . طباعت اختراع ایدیلدی ، و تجارت حاله صوقولدی . کتابلر ، مجموعه لر ، غزله لر تکثر ایتدی ، و اوجوزلادی . لو قوموتیفک و تلغرافک نتیجه سی اولارق ، شمندورله و الکتریقیته صیق ، سریع و اوجوز مناقله و مواصله یوللری ظهور ایتدی . سیاحت قولایلاشدیریلدی . حریت حرکت و مترافی اولان مبادلته افکار نامتناهی درجه ده تسهیل ایدیلدی . نتیجه ذهنی بر انقلاب اولدی . بیلکیه رواج ویریلدی . (بوکون) هر نه قدار استکناه و تحری ایله مشغول خصوصی بر صف موجودایسه وبلکه دائماده موجود اولاجق ایسه ده امتیازلی مکتب وجمیت ۲

عالم صنفی موضوع بحث بیله دکدر . بویله برشی زمانله غیر قابل تألیف اولور . معلومات آرتیق غیر متحرک بر صلب دکدر ؛ تمیيع ایدیلدی . بالذات جمعیتک بوتون جریانلری ایچنده فعلاً حال حرکتده در .

قولایجه آکلاشیلیرکه بوانقلاب، معلومات موادی اعتباریله ، فردک حال ووضعیته در بارز برتحوله ده سبب اولمدر . ذهنی نوعدن منبهرک هر صورتله وهران تأثیری آلتنده بولونیورز . صرف ذهنی حیات ، تتبع و تعقل حیاتی ، بوصورتله ، پک ده کیشمش بر قیمت اکتساب ایدیور . آفاده میک و مقولاستیک کلهلری شرف عنوانلری اولاجق . برده مؤاخذه تعبیرلری ماهیتی آلیور .

بوتون بونلر مکتبک حال ووضعیته در ضروری بر تحوله ده دلالت ایدیورلر ، لاکن بو تحولک بوتون قوتیله تحققدن دها اپی اوزاقده یز . مکتب اصولاریمز وشایان اهمیت بر درجه ده پروگراملیمز معلوماتک ، انسانی بیلکی به کوتورن بعض رمزلره صاحبیتک « اهم المهمات » (۱) عد ایدیلدیکی دورک میرایشدر . اودورک مفکوره لری حالا زیاده سیله مراقبر ، خارجی اصوللرک و تتبع طرز لرینک دکیشمش اولدینی محلدرده بیله . ال ایشلرینک ، صنعت و علمک ، متخصصلر یتشدیرمه به ساعی اولدقلرندن بحث ایدیلهرک ایلک ، و حتی اورتا مکتبلره ادخالنه رضا کوستر یله دیکنی ایشیتدیکمز اولیور - کویا بونلر شیمدیکی کنیش وحر تهذیب طرزیمزه آیقیری دوشرمش . بو اعتراضک حاوی اولدینی نکته ، اعتراضی اکثریا فاجعه به قلب ایده جک درجه ده مؤثر اولماسهیدی ، مضحک اولوردی . اصل حال حاضرده کی تربیه مز یوکسک درجه ده اختصاصجی ، یکجهت وداردر . وهان تماماً ، بیلکی نک قرون - وسطائی تاقیسنک حاکیتی آلتنده در . اویله برشی که اک زیاده طبیعتمزک ذهنی جهتی ایله ، اوکر نمک آرزو مزله ، معلومات ادخار ایتک و بیلکی رمزلرینه صاحب اولوق تمایلرله علاقه دار اولیور ؛ یاقمق ، فائده ویا صنعت شکلنده برشی حصوله کتیرمک ، یاراتمق الجا و تمایلریمزله دکل . ال ایشلرینک ، علم و صنعتک ، فنی ، و بناء علیه انسانی بسیط بر اختصاصه کوتورمه به ساعی ، تلقی ایدیلهرک اعتراضه اوغراماسی واقعه سنک بالذات کندیبی بیله بوکون رواجده اولان تربیه نک اختصاصجی بر هدفک مراقبه سی آلتنده اولدینی اثبات ایچین کوستر یله جک اک اپی ینهدر . بوکونکی تربیه منحصر آ ذهنی مساعی و اوکا متوجه بیلکی ایله بالقوه تعین و تشخیص ایتش اولماسهیدی بوتون بو مواد و اصولک ربیه به ادخاللری خوش کورولور ، واک یوکسک بر مسافر پرورلکله قارشیلانیردی .



علم مسلکری ایچین اولان تعلیم و تدریس ، تهذیب انموذجی ، ویا حر و عالی تربیه (تحصیل) عد ایدیلدیکی حالده ما کیناجی، موسیقی منتسبی ، آووقات ، دوققور، چفتچی، تاجر ویا شمندوفر مدیری اولمق ایچین مقتضی تحصیل و تربیه صرف فنی و مسلکی تلقی ایدیلور . بونک نتیجه سنی آرامزده وهریرده کورییورز - خلقک «منور» وه ایشچی ، صنفارینه آیریلماسی، نظریه ایله عملیه نك تفریقی . بوتون مکتب نفوسنك آنجاق یوزده بری یوکسک تحصیل یا ایریور یا ایرمه یور؛ یالکزیوزده بشی اور تامکتب (High School) (۱)) مآذونی درجه سنی احرار ایدیلور؛ ونصفندن زیاده سی ده ایلك مکتبک بشنچی (۲) سنه سنی ا کمال ایتهدن تحصیل ترک ایدیلور . بو حالدن چیقان بسیط حقیقتلر شواولور که انسانلرک بویوک برا کثریتمده مجرد ذهنی علاقده حاکم دکدر . اولور عملی دینیلن الجا واستعدادلره صاحبدرلر . طبیعتلری اقتضاسی ذهنی علاقهلری قوتلی اولانلرک بر چوغنده ده بوقدرت ذهنیه نك تماماً تحققة اجتماعی شرائط مانع اولور . بالنتیجه چوجوقلردن ، معلوماتک بسیط مبادیسی ، حیاتلرینی قازانماده کندیلرینه عملی فائده سی اولاجق درجه ده اوقومه ، یازمه وحساب رمزلرینی اوکره نیر اوکره نمز ، مکتبی ترک ایدنلر پک چوق اولور . تربیه رهبرلریمز ، تهذیبی ، شخصیتک انکشافی وسأثرینی تربیه نك غایه سی وهدفی اولارق کوستروب دوریورلر ، حالبوکه مکتب تحصیلی کچیرنلرک اکثریت عظیمه سی بونی ، انسانه محدود ومقصور برحیات ادامه ایده بیله جک درجه ده مدار معشیت تأمین ایدن کفایتسز درجه ده عملی برآلت تلقی ایدیلور . تربیوی غایه وهدفزی دها آزانحصاری برطرزده تلقی ایده بیلسه یدک ، تربیوی وتیرملریمز ، روحلرینک حاکم علاقه سی؛ یاقمق ، اجرا ایتمک اولان انسانلرده خطاب ایده بیله جک فاعلیتلری ادخال ایده بیلسه یدک ، مکتبک ، اعضاسی اوزرنده کی تأثیر ونفوذینی دها حیاتی ، دها دواملی ، ودها تهذیبلی بولوردق .

لاکن بونی عرض ایتمک ایچین نهیه اوغراشیورم ؟ اجتماعی حیاتمک کاملاً جذری برتحوله اوغرا دینی باهر برحقیقتدر . اکر حیات ایچین برمعنایی حأثر اولماسی لازم ایسه ، تربیه ده بونک کچی تام براستحاله کچیرمه لیدر . بواسطتحاله بردن بره ظهور ایده جک ، شعورلو برقصده برکونده میداننه کتیر یله جک برشی دکدر . دها شیمیدیدن اولوب کیتمکده در .

(۱) بزم یسه لک ، پروگرام اعتباریله ، دوره اولارندن یوکسک ، نایه لردن آشغی درجه ده آمریقا اورتا مکتبلری .

(۲) آمریقان ابتدائیلری رینه کوره ۷ ، ۸ ویا ۹ سنه لکدر . - مترج .

مکتب سیسته‌مزمده ظاهر اولان تعدیلات ، که اکثریا ( هم سیرجیلر برطرف ، ال‌زیاده فعلاً علاقه‌دار اولانلر طرفندن بیه ) ساده‌جه تفرع‌انده وقوع اولان تحوللر ، ساده‌جه مکتب میخانیکیتی داخلنده اصلاحات تلقی ایدیلور ، حقیقته بوتکاملک اشارت و علامت‌لریدر . فعلی اشتغاللرک ، طبیعت تتبعی‌نک ، علم مبادیسنک ، صنعتک و تاریخک ( پروگراملره ) ادخالی ؛ منحصر آرمزی و شکلی اولان درس‌لرک ایکنجی پلانه آتیلماسی ؛ مکتبک اخلاقی هوای محیطده کی ، طلبه ایله معلم‌لرک مناسب‌لرنده کی - انضباطده کی - تحوللر ؛ داها فعلی ، داها ائاده لی ، وکنیدیلکنندن استقامتلی عامللرک ( مکتب حیاته ) ادخالی - بوتون بوزلر ساده‌جه عارضی شیلر دکلدر . چوق داها کنیش اولان اجتاعی تکاملک مقتضالریدر . یاپیلاجق ایش ، یالکز بوزلرک تعضی ایتدیریله‌سی ، معنالرینک بوتون شمولیه قیمتلرینک تقدیر اولونماسی ، و تضمین ایتدکبری فکزلرک و مفکورلرک تام واهال و مساحه‌دن عاری اولارق مکتب سیسته‌مزمک تحت تصرفنه وضع ایدیله‌سی در . بونک یاپیلماسی دیمک مکتبلریمزدن هر برینک ، بویوک جمعیتک حیاتی انعکاس ایتدیرن انمودجده اشتغاللرله حال فاعلیته ؛ و بوتون موجودیتیه ، صنعت ، تاریخ و علم روحنک نفوذی آلتنده جینی برجامت ایچنه حالنه قلب ایدیله‌سی دیمکدر . مکتب جمعیتک هر چوجوغنی بویله کوچوک برجامت ایچنه اعضا اوله‌رق آایرده تعلیم و تربیه ایدر . اونی خدمت روحیه اشباع ایله ، و استقامتی کنیدی کن‌دیسنه بولا بیلیمک ایچین مؤثر آلتلرله تجهیز ایدرسه ، بو ، بزه دکرلی ، سویملی و آهنکلی شیمیدیکندن داها بویوک برجمیت ایچین اک قوی واک ایی برکفالت اولور .

## مکتب و چو جوڭک حیاتی

ځن هافتا سزه مکتب ايله ، داهاکنیش جماعت حیاتی آراسنده کی مناسبی ، و حال حاضرده کی اجتماعی احتیاجلره داهاکن توافقی ایدیهیلیمک ایچین مکتب اصوللارنده و پروگراملارنده نه کیی تحوللره لزوم اولدیغنی ، ایضاح ایتمیه چالیشدم .

بوکون مسئلهیه دیگر جهندن باقی و مکتب ايله ، مکتبده کی چو جوڭک حیات و انکشافی آراسنده کی مناسبی مطالعه ایتمک ایسته یورم . کوچوک چو جوڭک کی پک زیاده مشخص شیرلی عمومی مبدألره ربط ایتمک مشکل اولدیغندن ، « دارالفنون ایلمک مکتبی » نک مساعیسنندن برچوڭنی مثال اوله رق کوسته ره حکم ، بو صورته ، عرض اولونان فکرلرک ساحه عمله نه یولده چیقدرلیغنی و فعلی قیمتلیغنی بدرجهیه قادر تقدیر ایدیهیلیرسکز .

بر قاق سینه اول شهرک مکتب اشیا سی صاتان ماغازالینی کزیور و چو جوڭک احتیاجلرینه هر نقطه نظر دن - بدیی ، صحی و تربیوی - او یغون ماصا و صاندالیه بولمیه چالیشیوردم . ایسته دیکمزی بولمقده پک چوق مشکلاته اوغراق ، نهایت ماغازا صاحب لرندن ، دیگر لرندن داهاکن ذکی اولان ، بری شوملاحظه یی سویله دی : « قورقارم که ایسته دیککنز بزده یوقدر . سز چو جوڭک ، اوزرنده چالیشاییله جکلری برشی ایستورسکز ؛ بوتون بوراده کی اشیا ایسه دیکه مک ایچین در . » بوملاحظه عنعنوی تربیه نک بوتون تاریخی اجمال ایدر . ناصیل بر حیاتیات عالمی بر ایکی کیکی اله آلاق بوتون بر حیوانک بدنی میدانه چیقاریرسه طبق بویه بزده نظر خیالمرک اوکنه ؛ هندسی بر نظامله صیرا صیرا دیزیش ، آزالرنده حرکت ایچین نه قادر ممکنسه اوقادار آزیر قالاجق صورته صیقیشدیریش ، اوستلری همان عینی بویوکلکده و آنجاق کتابلری و قورشون قلم ايله کاغدی آلیله جک جسامته چیرکین رحله لری ايله معتاد شکلده بدرسه خانه کتیر ، بوکا بر ماصا ايله بر قاق صاندالیه ، چپلاق دیوارلر و بر ایکی رسه جک علاوه ایدرسک بویه بر محله اجرا ایدیهیله جک تربیوی فاعلیتی پک ای تصور ایدیهیلیرز . بویر کاملاً « دیکه مک ایچین » پایله شد . -

زیرا درسی ساده‌جه کتابدن اوکرمک ده دیکله‌مه‌نک باشقا برنوعیدر؛ بوده بروحک دیگر بروحه تابعیتی کوسته‌ریر . دیکله‌مه وضعیتی ، نسبی افاده ایله ، برانفعال و بلع حالیدر . یعنی برطاقم حاضر - یاپیلش شیلر وارکه بونلر مکتبک درس ناظری ، هیئت تعلیمیه‌سی ویا معلمی طرفندن احضار ایدیلشدر ، ایشته چوجوق ممکن اولدینی قادار قیصا برمدمده بونلری بلع ایله‌یه‌جکدر .

عنهنوی درس‌خانه‌ده چوجوق فعل وحرکتته پک آزی واردر . بورالرده چوجوق انشا ایتمه‌سی ، ابداع ایتمه‌سی وفاعلیت ایچنده استکناهلرده بولونماسی ایچین ایش دستکاهی لابوراتوار ، مالزمه ، آلات ، حتی کنیشجه بر محل بیله ، عمومیتله ، مفقوددر . بووتیره‌لره علاقه‌دار شیلرک تربیه‌ده یری اولدینی بیله تعین ایتش دکدر . بونلر یومی غزته‌لره مقاله یازان تربیه عالم‌لرینک « هوس » ، « سوس » ، تعبیرلریله افاده ایتدکلری شیلدر . دون بر خاتم‌بانا ، چوجوقلرک فاعلیتی معلومک معلومات ویرمه‌سنه‌تقدم ایدن ، چوجوقلره معلوماتی آراتاجق ، ایسته‌ده‌جک اسباب‌محرك‌یه مالک بر مکتب بولق ایچین مختلف برچوق مکتبلری کزدیکنی سویله‌دی . دیدیکنه نظراً یکریمی درت‌مختلف مکتبی زیارت ایتدکن صوکر اویله بر مکتبه تصادف ایده‌بیلش . علاوه ایده‌یم که اومکتب‌ده بوشهرده دکدر .

صیراصیرا رحله‌لریله بودرس‌خانه‌لرک انسانه تلقین‌ایتدیکدی دیگر برشی‌ده ، بورالرده ممکن اولدینی قادار چوق چوجوق بولوندورمق ، وبونلری بر کتله اولق اوزره ، بر آرایه طول‌بلامش مساوی واحدلرکی معامله‌یه تابع طوتمق ، یعنی منفعل قالمالرینی بوصورتله‌ده تأمین ایتک ایچین ، صورت مخصوصه‌ده ترتیبات یاپیلش اولدینی در . چوجوقلر فاعلیته کچدکلری آنده فردیتلرینی کوسته‌ریرلر ؛ کتله‌لک حالندن چیقارلر و مکتب خارچنده ، طائله‌لرده ، اویون میدانلرنده ، وجواریمزده هر زمان کوردیکمز شدتله متمیز آیری آیری موجودلر اولورلر .

اصول و پروگرام یکنسقلی‌ده عینی اساسه کوره ایضاح ایدیله‌بیلیر . هر شی « دیکله‌مه » قاعده‌سنه استناد ایدنجه مواد درسیه و اصولده یکنسق و مطرد اولور . قولاق و کتاب - که بوده قولاغی عکس ایتدیریر - هر شیئه هر ایشه الویریشلی بر واسطه تشکیل ایدر . بونک یاننده ، متنوع قابلیتله و احتیاجلره توافق ایچین هیچ بر فرصت و میدان یوقدر . معین بر مقدارده - ثابت بر کمیت اولارق - حاضر یاپیلش نتیجه‌لر و اجراءات واردر که بلا تفریق بوتون چوجوقلر بونلری معلوم بر زمانده

اكتساب ايدم جكلردر . ايشته ايلك مکتبدن قوله جه قادار پروگراملر بو طبله جواب اولمق اوزره انكشاف ايتمدر . دنياده تام شوقادار شايان آرزو معلومات و تام شو مقدارده فني تجارب و نتايج واردر . شيمدي بومعلومات و نتايجي مکتب حياتنك آلتی، اون ايكي ويا اون آلتی سنه سنه تقسيم ايتمك مسئله رياضييه . ي كلير . چوجوغه هر سنه مجموعك مناسب بر كسريني ويره جكسكز ، مکتب زمانتي بيتيرنجه معلوماتك هيئت مجموعه سنه صاحب اولمش بولوناجق . چوجوق بوساعتمده ، بوكونده ، بوهاقتاده ، بوسنده مجموعك شوقادار قسمي اوكرنديمي ، ايشلر مكملاً يولنده ، صوكنه قادار بويله جه دوم دوز كيدر - الويريركه چوجوق اولجه اوكرندكلريني اونو تماسين . بوتون بونلرك نتيجه سي مانير آرنولر [۱]ك نقل ايتديكي ، فرانسه معارف اركانندن برينك هر هانكي بر ساعتده ، مثلاً اون برده ، قاچ بيك چوجوغيك بالفرض جوغرافيدان هانكي بختله مشغول اولديغي سويله يه بيله جكني افتخارله آكلاتماسي كيبي حاللره وارير؛ بزم غرب شهرلرندن برنده عمومي تدريسات مديري اولان برذاتده برچوق زائرله قارشي مكرراً بو طرزه اظهار فخر ايدر دورور مش . اسكي تربيه نك انموذجي نقطه لرني ؛ وضعيتنك منفعللكني ، چوجوقلري ميخانيكي بر كته حالنه كتيرمه سني ، پروگرام و اصولنده كي يكنسقلني ايضاح ايتمك ايچين بلكه بر آرزو مبالغه ايتمدر . بوتون مسروداتم شويله اجمال ايديله بيلير : اسكي تربيه ده مركز ثقت چوجوغيك خارچنده در . معلمده در ، كتابده در ، حاصل بالذات چوجوغيك بلا واسطه انسيافلرينك و فاعليتلرينك خارچنده اولمق اوزره ، نروده ايسترسه كر اوراده در . بواساسه كوره چوجوغيك حياتي حقنده اوزون اوزادي يه سويلنه جك برشي يوقدر . چوجوغيك تدقيق و تتبع ايتمكدن بحث ايديش اولاييلير ، لاकिन مکتب چوجوغيك ياشاديني ير دكلدر . ايشته بزم تربيه مزه كيرن دكيشيكل بومركز ثقتك باشقايره نقلنده در . بو برتحولدر ، بر انقلابدر و مركز فلکي ارضدن شمسه نقل ايتمك صورتيه قوريلك ك علمه ادخال ايتديكي انقلابه بكمز مه زده دكلدر . بوراده چوجوق كونش اوليور ، تربيه وسائط ولوازمي اونك اطرافنده دور ايديور ؛ بوتون بونلرك تمضيسنده مركزي چوجوق تشكيل ايديور .

مثال اولمق اوزره مفكوروي برعائله فرض ايدم ؛ بو عائله ده ابوين ، چوجوق ايچين اك موافق اولان شيلري طانجاجق و اونك احتياجلريني تطمين ايدم جك درجه ده ذكي

وقابلیتلی در . بویله بر محیطده چوجوق عائلهنك اجتماعى بنیهسى واجتماعى معاشرتلى تاثیريله اوكره نیر . جریان ایدن مصاحبه لرده اونك ایچین بعض علاقه و قیمت نقطه لری موجودر : سوزلر سویله نیر ، سؤاللر صورولور ، مسئلهلر مناقشه ایدیلر و چوجوق بوتون بونلرک تاثیريله متمادیا اوكره نیر . کندى تجربه لری اورتایه قویار ، یاکیش تلقلیرى تصحیح ایدیلر . صوکر اوایشلرینه اشتراك ایدر ، بوصورتلده هنر ، انتظام ، باشقالرینك حققرینه ، فکدرلرینه رعایت ایتمك اعتیادلرینی قازانیر ، واک اساسلیسى اولان ، مساعیسنی عائلهنك عمومى منفعتنك امرى آلتنه قویقمق اعتیادینى اکتساب ایدر . بوعائله ایشلرینه اشتراك کیفیتى ، معلومات قازانمیه مساعد بر زمین وزمان ویریر . مفکوروى اوده بالطبع برایش دستکاهى اولاجق ، وچوجوق اوراده انشائى انسیاققرینه فاعلیت ساحهسى بولاجقدر . چوجوگك تجسسلیرینه استقامت ویره جك کوچوک مقیاسده بر لابوراتوارده موجود اولاجقدر . چوجوگك حیاتی اؤك خارجه ، باغچه قیرله قادار اوزایاجقدر . چوجوق کزمه جك ، توزاجق ، کوره جك ، قونوشاجق وبویله جه اؤخارجنده کی داها بویوک عالم کندیسنه آجیلاجقدر .

شیمدی بوتون بونلری بعضی ایتدیریر و عمومیهلشدیریرسهك مفکوروى مکتبه مالک اولورز . بونه برسردر ، نهده په داغوجینك ، تربیه نظریه سنك حیرتفر بر کشفی . پك چوق اولرده ، مختلف سبیلرله ، فقط نسبة قدرتسز وکلشی کوزل ، یاپیلان برشیئك سیستمى صورتده ، واسع مقیاسده ، عاقلانه و صلاحیتله یاپیلماسى مسئله سندن عبارتدر . ایلك ایش اولارق مفکوروى اؤ توسیع ایدیهلجکدر . چوجوق داها چوق مقدارده کندیسندن بویوک انسانلرله ، وداها چوق مقدارده چوجوقلرله مناسبت پیدا ایتمه لی که اوراده پك سربست وزنکین بر اجتماعى هیجان وجود بولسون . بوندن باشقا ، اؤ وعائله محیطنك مساعیسنی ومناسبتلری چوجوگك تماسی ایچین صورت مخصوصده انتخاب ایدلمش شیلر دکدر ؛ مقصداصلی باشقادر ، چوجوگك بومساعیدن تربیوى قازانجی عارضیدر . ایشته مکتب احتیاجی بورادن چیقیور . مکتبه چوجوگك حیاتی ، مراقبه سنى هرشیئه تشمیل ایدن برهدف اولور . چوجوگك نمانسه یارديم ایچین مقتضى بوتون وسائط و مسائل بوراده تمرکز ایدر . یاتحصیل ؟ البته ، لاکن اولاهیات ، صوکر ا حیات واسطه سیله وحیاتله مناسبتدار اولارق تحصیل . چوجوگك حیاتی بوصورتله تمرکز و بعضی

ایتمش تلقی ایدنجه آرتیق اونی هرشیدن اول دیکه یی بر موجود اولارق بولماز ؛ تمامیه معکوس برحاله بولورز .

تربیه نك « چكوب چیقارمق » معناسنه کادیک صیق صیق سویله نیر . بونی اکر طیقوب باصمق و تیره سنه مقابل بر معنی ایله آلیرساق تعبیر پک کوزلدر . فقط نه اولورسه اولسون چکوب چیقارمق تعبیری اوچ ، درت ، یدی ویا سکز باشنده کی چوجوقلرک معتاد فعل و حرکتلرینه عطف اتمک مشکدر . چوجوق ذاتاً قوشار ، یووارلانیر ، دورلو دورلو حرکتلر یاپار . تماماً کامن [ ۱ ] بر موجود دکدرکه بویوکلر اوکا کمال اعتنا و مهارتله یاقلاشه رق ایچنده کیزی دوران فاعلیت جرثومه سنی چکوب چیقارسیدلر . چوجوق لندیلکندن پک شدید صورتده فاعلیتده در . تربیه مسئله سی ایسه ، اونک فاعلیتلرینی قاورامق و بو فاعلیتله استقامت ویرمک مسئله سی در . استقامت ایله ، متعضی استعمال ایله درکه بو فاعلیتلر ، داغیله جق ویا صرف الجائی افاده لر حالنده قالا جق یرده ، قیمتی نتیجه لره منجر اولاجقدر .

بونی کوزمزک اوکته کتیرنجه ، یکی تربیه نامی ویریلن شی حقنده پک چوق کیسه لرک ذهنده کی اک عظیم مشکل حل اولونور ، حتی آریر ؛ بوس بوتون زائل اولور . اکثریا صورولان سؤاللردن بری ده شودر : اکر تربیه یه چوجوغک فکرلریله ، الجا و علاقه لرلیله باشلارسه کر ، بوتون بونلر اوقادار خام ، اوقادار تصادفی و داغنیق ، اوقادار آز تصفیه کورمش و اوقادار آز روحیله شش شیلر اولدیغنه کوره ، چوجوق مقتضی انضباطی ، تهذیبی و تحصیلی نه صورتله اکتساب ایدمک ؟ اکر بزم ایچین یالکز ، چوجوغک بوالجالیخی تحریک ویا اونلره مسامحه دن باشقا آچیق بریول بولونماسه یدی بوسؤال چوق یرنده اولابیلردی . بوحاله یا او فاعلیتلری هیچ نظر دفته آلازدق ویا منع وزجر ایدر ، یاخودده اونلرله آلا ی ایدر ، کچر دک . فقط آلمزده تجهیزات ، مالزیه و مواددن مرکب بر تمضی موجود اولنجه ، اوکزده آچیق دیگر بر یول واردر . چوجوغک فاعلیتلرینه اونلری بعض خطرلر اوزرنده یوروتمک صورتیه ، استقامت ویره بیلیرز . بویله جه ، اونلری تعقیب ایدیلن یوللرک نهایتنده منطقی صورتده دوران غاییه دوغرو سوق ایده بیلیرز .

« آرزولر بیکیر اولسه یدی ، دیلنجیلر سواری اولوردی ، دیرلر ، مادام که بویله دکدر ( مادام که آرزولر کندی کندیلرینه تحصیل اتمه یور ) ، مادام که بر الجا ویا

علاقه‌نك شأنی صورتده تطمینی دیمك ، اونی چالیشارق میدانہ چیقارمق دیمکدر ، اوحالده چالیشارق میدانہ چیقارمق ده مانعلری اقتحام ایتمہی ، مهارتی ، صبری ، عزمی ، اویانیقلنی استلزام ایتدیکی کبی ، بالضروره انضباطی - قوتك نظاملیانی - ده استلزام ایدر ، ومعرفت ویریر . برقوطو یایمق ایستہین بر جوجوغنی مثال آلیکز . او چوجوق اگر یالکز تخیل و آرزو ایلہ اکتفا ایدرسہ البتہ انضباط قازاناماز . لاکن الجاسنی تحقق ایتدیرمہ یہ کیریشدیمی ، مسئلہ ده کیشیر ؛ فکری معین بر حالہ قویمق ، اونی بر پلان شکلہ صوفق ، موافق جنسدہ تختہ آلمق ، لزوملو قسملری ٹولچمک ، اونلرہ ایجاب ایدن نسبتلری ویرمک ، الح . فاعلیتلری باشلار . مالزمہنك احضاری ، کسمک ، رندہلہ مک ، زیمپارالامق ، کوشہ وکنارلری آلیشدیرمق کبی ایشلرده لازمدر . آلاقی واعمال وتیرہلری بیلکم ضروریدر . اگر چوجوق انسیاقنی تحقق ایتدیریر ، قوطوی یاپارسہ ، انضباط وعزم قازانمق ، مانعلری اقتحامہ صرف جہد ایتمک ، برخیلہ ده معلومات اکتساب ایتمک ایچین بولبول فرصت بولمش اولور .

جانی یلم پیشیرمک ایستہین کوچوک بر جوجوغک ، بو ایشک نہ دیمک اولدینی ، نہ یہ مال اولاجنی ویاپیلماسی ایچین نہر لازم اولدینی حقندہ پک آز فکرمہ صاحب اولدینی شہہ سزدر . اونده کی سادہ جہ عسکرک یمک حیاتی ویا بلکده بو یوکلرک بو باده کی فاعلیتلری تقلید آرزوسیدر . ایشی بونقطہ نظر دن تلقی ایدہرک اونک بو علاقہ سی ایلہ آلاقی ایتمہمز ، شہہ سز ، ممکندر ؛ لاکن بویلہ یاپیلمازده الجاسی فعلہ سوق ایدیلک صورتیلہ فائدہ لی بر یولده قوللانیلیرسہ ، بورادہ اونک حقیقی بر عالم مشکلا نہ قارش یورومہ سی وبوحالہ موافق ترتیبات آلماسی ایجاب ایدر . ایشته ینہ بوکادہ انضباط و بیلکی عامللری داخل اولیور . صوک کونلرده جوجوقلردن بری بعض عسکرلری اوزون اوزادی یہ تجربہ اصولی ایلہ چالیشارق پیشیرمکدن اوصامش ، « بویلہ نہ ٹوزولوب دوریوروز ؟ بریمک کتابی آلام ، تعریفلرہ باقارقی یابالم . » دیمشدی . معلم اوکا کتابده کی تعریفک وکوستریلن مقدارلرک زہدن چیقیدینی صورتدی ؛ جریان ایدن مکالہ دن آکلاشیلدی کہ اگر چوجوقلر سادہ جہ کتابک تعریفلری تعقیب ایدرلرسہ یابدقلری ایشلرک حکمتلری اؤکرہ نہ یہ جکلردر . بونک اوزرینہ ہبسی تجربہ ایلہ چالیشہ قدہ دوام آرزوسندہ اصرار ایتدیلر . چوجوقلرک بوفاعلیتلری تعقیب ایتمک ، حقیقہ ، مسئلہ یی تماماً تنویرہ یارایاجق بر مثال اولاجقدر . اوکونکی ایشلری یومورطا پیشیرمکدی ، بو ، سبزہ پیشیرمک ایلہ ات پیشیرمک آراسندہ برانتقال صفحہ سی اولیوردی . مقایسہ یہ اساس اولقی




اوزره اولاً سبزه لرده کی غذا عنصر لر نی محلاً صایدیلر و صوکر ا بونلرله اتده کی عنصر لر ی ابتدائی بر صورتده مقایسه ایتدیلر. آکلادیلر که سبزه ده کی خشکی الیف یعنی سه لولوز ائک نسج ربطیسنه تقابل ایدیور ، شکل و بنیه عنصر نی تشکیل ایله یور . نشاسته نی و نشائی محصول لر ی احتوا ایتک سبزه لرك خاصه سی اولدیغنی اوکرنیدیلر ، املاح معدنیه سبزه لرده ده ، ائده ده بولونیور . یاغ ده بویله — یالکز نباتی غدالرده آرز مقدارده ، حیوانی غدالرده ایسه ایجه چوق اولار ق. چو جوق لر شیمی موجودیتی حیوانی غذانک خواص فارقه سندن اولان و سبزه لرك نشاسته سنه تقابل ایدن آلومینی مطالعه یه حاضر لائمشلردر ، و آلومینک طباحتده الک مناسب طرزده استعمالی ایچین مقتضی شرائطی — یومورطا ایله یاباجقلری تجربه سایه سنده — تقدیر ایدمک حالده درلر .

اولاً مختلف درجه سخونتده صو ایله تجربه لر یایدیلر . یومورطانی صیجاق صوده خاشلادیلر ، آغیر آغیر قایناندیلر ، قاینار صوده پیشیردیلر ، مختلف سخونت حالرینک یومورطا آقنه اجرا ایتدیکی تاثیر لر ی تحقیق ایتدیلر . بوصورتله چالیشار ق اوکرنک لر ی یالکز یومورطا پیشیرمک دن عبارت قالمادی ، بلکه یومورطانک پیشمه سنک ابتنا ایتدیکی مبدائی آکلایمه ده استعداد قازاندیلر . بو خصوصی و جزئی حادثه کی عمومی و کلی مبدائی کوزدن قاجیرمق ایسته میورم . چونکه چو جوغک یومورطا پیشیرمک ایسته مه سی و بر یومورطانی قاینار صویه آتار ق اوج دقیقه صوکر ا ، کندیسنه سویله نجه ، چیقارماسی تربیوی برشی اولماز . تربیوی اولان ، اونک بالذات کندی الجاسنی — واقعه لر ی ، مواد و مالز مه یی و شرائط لازمه یی بیلهر ک — تحقق ایتدیرمه سی و بوصورتله الجالرینه نسق و نظام ویرمه سیدر . ایشته ، اوزرنده اصرار ایتک ایسته دیگم ، برعلاقه نی تحریک ویا اوکا مساحه ایتک ایله ، اونی کندی استقامتی داخلنده تحقق ایتدیرمک آراسنده کی فرق بودر .

چو جوغک دیگر برانسیاقی ده کاغد قلم قوللانمقدر . هر چو جوق شکل ورنک اعانه سیله روحنی افاده ایتمکدن خوشلانیور . اگر بو علاقه یه ، چو جوغنی غیر معین ، ایسته دیکی کی حرکت ایتیه برافق صورتیه مساحه ایدر سه کز ، عارضی دن فضله قیتمده هیچ بر انکشاف ظهور ایتمز . لاکن ، اولاً چو جوغه الجاسنی افاده ایتدیرک ، و صوکر ا تنقید ، سؤال و تلقین طریقیله ، یادینی و یاقیق ایسته دیکی شی حقه ده اوند بر شعور حاصل ایدک ، نتیجه بوس بوتون باشقا اولور . مثلاً شو ، یدی یاشنده بر چو جوغک اثریدر . وسط درجه ده بر اثر دکلدیر ، کوچوک چو جوقلرک یابدقلری ایچنده الک کوزلیدر ، فقط

بحث اینمکده اولدیغ مخصوصی . بدای تنویر ایچون این برمالدر . چوجوغلره انسانلرک مغاره لرده یاشادقلری زمانده کی اجتماعی حیاتک ابتدائی شرائطدن بحث ایدیلشدی . رسمی یابان چوجوغلرک بوشرائط خفنده کی تصویری شویله برافاده بولش : مغاره ته په نك كنارینه ، امکائمز وضعیتده ، مکمللاً اوطورتولش : چوجوغلرک دورینک اعتباری آغاجنی کوریورسکیز - ایکی طرفنده افقی دالدری ایله شاقولنی قیترخله . بویله شیلری چوجوغلرک



برچوجوغلرک یاپدینی ماغارا و آغاجلر رسمی

دائماً یاپمسی تجویز ایدیلسه یدی انسیاقی ایشله تیلیمکدن زیاده مساعحه ایدیلش اولوردی . حالبوکه چوجوغلرک آغاجلری یاقیندن ، ایجه کورمه سی ، کندی یاپدینی رسمله مقایسه ایتمه سی و اثرینک خصوصیتلرینی داها دقتله و عقل ایردیره رک تدقیق ایتمه سی ایسته نمشدر . صوکرک طبیعتدن آغاج رسملری یاپدیریشدر .

نهایت چوجوغلرک مشاهده ، تخطیر و تخیلی مزج ایده رک بر رسم یاپمش ، برده صرف عیله سنک - لاکن حقیقی آغاجلرک اطرافلی صورتده تدقیقلرندن آلینان نتیجه لرک مراقبه سی آلتنده - افاده سی اولق اوزره سربست بر رسم یاپمشدر . بو ، بر اورمان کوشه سی کویسترن بر منظره در ؛ اوقادار موفقیتلی که بانا ، عادتاً کنیج بر آدامک اثری قادار حس

شاعرانه بی بیه محتوی کیی کورونیور، بوندن باشقا ، آغاجلر متناسب و امکان دائره سنده در ، ساده جه رمز لر دکلدرد .

مکتبده استفاده یه الویریشلی اولان انسیاقلری قاباجه تصنیف ایدرسه ک درت زمزمده .  
طوپلایا بیلیرز . چوجق لک راجتماعی انسیاقلری وارد که مکالمه لرنده ، شخصی مناسبتلرنده  
وقونوشقانلقلرنده کورولور . درت بش یاشنده کوچوک برچوجقک نه قدار نفسی - مرکزی



یرچوجو غک یابدینی اورمان رسمی

اولدینی بیلیرز . یکی بر موضوعدن ویا هر هانکی برشیدن بحث ایدرکن « کندیم کوردم »  
ویا « بابام ، یاخود ، آنهم سویله دی » دیر . افق کنیش دکلدرد ؛ کوردیکی ، دودینی  
شیلر ، باشقالرینه نقل ایتمه سنی - و بالمقابله اولرک کوردکارینی ، دودقارینی دیکله مه سنی -  
ایجاب ایتدیرم جک درجه ده علاقه آور اولمق ایچین کندیسنه دوغروندن دوغرویه اجرای تاثیر  
ایتمه لیدر . بویله اولمقله برابر کوچوک چوجو غک بو خودکام و محدود علاقه سی ، بویولده ،  
نامتناهی درجه ده توسعه قابیلیتی در . لسان انسیاقی چوجو غک اجتماعی افاده سنک الک بسیط  
شکلیدر بوسبیله تربیوی منبع لک بویوکی و بلکه ده الک بویوکیدر .


یایمق انسیاقی - انشائی الجا - ده واردر . چوجو غک یایمق الجاسی افاده سنی اولا

اویونده ، حرکنده ، طور واداده، پاماجقلده بولور ، صوگرا داها معین برحال آلیر ، اشیا ومواده ، قابل تماس ودواملی بر شکل وجود ویرمک طرزینه دوکولور . چوجوغک مجرد تفحص ایچین اوقدار فضله برانسیاق یوقدر . استکنه انسیاقی ، انشائی ومکملوی الجالرك امتزاجندن دوغیورمش کیی کورونیور . کوچوک چوجوقلر ایچین تجربی علم ایله مارانغوز دکانده کی ایش آراسنده هیچ بر فرق یوقدر . فیزیکه کییاده باباییله جکلری شیلر ، فنی تعلیملر یایمق ومجرد حقیقلره واصل اولمق مقصدیله دکلدر . چوجوقلر یالکیز بر شیلر یایمائی ویاپارکن اولوب بیتن شیلری سیر ایتیمی سودرلر . مع مافیه بوحالارندن استفاده ایدیله ییلر وفاعلیتلری قیمتی نتیجهلر ویرمک استقامتلره توجیه اولوناییلر ؛ ناصل که راست کله یورومه یده براقیاییلر .

چوجوغک افاده الحاسی ، یعنی صنعت انسیاقی ده بویله در ، حکایه ایتک انسیاقی ایله انشائی انسیاقدن تولد ایدر . وبوزلرك ایجهلش واولغون بر تجلیسیدر . انشائی تام یاپیکز ، دولغون ، سربست وویصال یاپیکز ، اوکا اجتماعی بر محرک ، بر افاده ویریکز ، برصنعت اثرینه صاحب اولورسکیز . ایشته سزه بونک صنایع نسجیه - دیکیش ودوقوما - ایله مناسبتدار بر مثالی . چوجوقلر ایش اوداسنده ابتدائی بر دستکاه یاپیدیلر ؛ بونک ایچین اوزلرك انشائی انسیاقلرینه مراجعت ایدیلدی . دستکاه بیتنجه بونکله بر شی یایمق ، برشی اعمال ایتک ایسته دیلر . یاپدقلری دستکاه هندیلرك ( آمریکا ریلرلی ) دستکاهلری نمونه سنده ایدی ، وبویله دستکاهلرله اوزلرك باطانیه دوقودقلرینی کورمشلردی . هرچوجوق کندینه بر مودل ترسیم ایتدی ، مودللره « ناواجو » دینیلن باطانیه لرك شکلرلی اساس اولمشدی ، ایچلرندن ال ایله دوقومایه الك الویریشلی کورولن انتخاب ایدیلدی . ایشک فنی جهتی محدود ومعیندی ، لاکن رنگ وشکل چوجوقلرك سنیندن چیقمشدی . بومثاله کی چوجوقلر اون ایکی یاشنده درلر . اثرک معاینه سندن آکلاشیلرکه اونی میدان کتیرمک ایچین صبر ، ثبات وعزم لازمدر . بوسی یالکیز تاریخ معلوماتی ، رسم صنایع مبادیسی وانضباطی دکل ، بر فکری کالیله افاده ایچین آز چوق بر صنعت روحی ده احتوا ایدر . صنعت جهتی ایله انشائی جهت آراسنده کی رابطه یه بر مثال داها : چوجوقلر ابتدائی طرزده یوک اکیرمینی وطاراق عملیه سنی تدقیق ایدیورلردی ، ایچلرندن اون ایکی یاشنده بری ، یوک بومکله مشغول کندیسندن داها بویوک بر چوجوغک رسمی یاپدی . ایشته دیگر بر صنعت اثری ، و هیچده وسط درجه ده دکلدر ، وسطدن داها کوزلدر . بو ،

اگيرمك ايچين يوك چكن ايكي الك رسميدر. ياپانده اون بر ياشنده بر چوجوقدر. لاكن نهده اولسه ، خصوصيله كوچوك چوجوقلرده صنعت الجاسى اك زياده اجتماعى انسياقده - آكلاتمق ، كوسترمك آرزوسيله - مناسبتداردر .

شيمدى بودرت قاتلى علاقه يي - مكلله ومصاحبه ؛ سؤال وتجسس ، ويا بر شيلر بولوب چيقارمق ؛ بر شيلر ياتمق ويا انشا ؛ وصنعتكارانه افاده علاقه لرني - خاطرده طوتارق ديه بيليرزكه بونلر طبيعى منبعلر و ايشله تيلمه مش سرمايه لردير . چوجوغلر فعلى



برچوجوغلر ياپدينى يوك بوكن الار رسمى

نماسى بونلرلر استعمالنه تابمدر . بر ايكي مثال داها كوسترمك ايسته يورم . بونلردن برى يدي ياشنده بر چوجوغلر ايشيدر . بو اثر، چوجوقلرده حاكم بر آرزو اولان، سويله مك، خاصه انسانلردن وانسانلرله مناسبتدار اشيادن بحث ايتمك هوسنى ، خصوصى بر طرزده كوسترييور . كوچوك چوجوقلر دقت ايدرسه كز كورورسكز كه اونلر اشيا عالمى ايله ، اك زياده ، انسانلرله اولان مناسبتى نقطه نظرندن ، انسانلرلر ايشلرينه موضوع وواسطه اولماسى اعتباريله علاقه دار اولورلر . بر چوق بشرىات عالملى بزه چوجوغلر علاقه لرى ايله ، ابتدائى انسانلرلر حياىي آراسنده كي بعض عييتلردن بحث ايدويورلر .

ابتدائی انسانلرک فانیلری چو جوغک روحنده عادتا طبیعی بر صورتده تکرر ایدیور ؛ چو جوغلرک باغچهده قولبه یایمقدن خوشلانمالری ، اوقر ، یایلر ، قارغیلرله و دیگر شیرلرله آوجلیق اوینامالری بوکا برهساندر . ینه او سؤال : بو علاقینی نه یایاجغز ؟ - اهاملی ایدم جکز ، یوقسه تحریک ایدرک انکشافی ایتدیره جکز؟ یاخود داها ایلری و داها اینی



بر چو جوغک یایدینی بوک بوکن بر فیز رسمی

بر استقامتمی چویره جکز؟ یدی یاشنده کی چو جوغلریمز ایچون تصور و ترتیب ایدیلن ایشلردن بعضلری بو صوکنجی مقصدی - یعنی بو علاقهدن استفاده ایدم رک اونی عرق بشرک ترقیسنی آکلامق ایچین بر واسطه حالنه قویمق مقصدینی - استهداف ایدیور . چو جوغلر حال حاضرده کی شرائط حیاتییه یی تخیلدن باشلا یهرق تا طبیعتله دوغرودن

دوغری به تماشه کلنجه به قدر کربله کیدرلر . بو، اونلری مغارلرده و یا آغلارلرده یاشایان و اولرله، بالیقارله پک قرارسز بر معیشت حیاتی سورن آوجی انسانلره کوتورور. بونوع حیاته توافقی ایدن طبیعی و فیزیکی شرائطی امکان درجه سنده شمولی ایله تخیل ایدرلر ؛ مثلاً ، داغلر کنارنده اورمانلق بر صرت ، بالینی بول بر نهر ، بوندن صوکر ، ینه تخیل طریقله ، آوجیلقدن یاریم - زراعی حاله و کوچه لکدن یرلی حیفتجیلک صفحه سنه انتقال ایدرلر . سویله مک ایسته دیکم نقطه ، بو طرزده حرکت ایدیلنجه ، حقیقی تدقیق ، تتبع و استکناه ایچون چوجوغه کنیش برامکان ساحه سی آچیلانغی در ، بوده معلومات قازانقله نتیجه لیر . بو صورتله ، بدایه اجتماعی جهته خطاب ایدن انسیاق ، چوجوغلک انسانلره و انسانلرک ایشلرینه قارشى کوستردیکی علاقه یوروتولرک ، داها واسع بر شأیت عالمه سوق ایدیلیر . مثلاً چوجوقلرک ابتدائی سلاحلر ، طاشدن یاپیلمش مزرارق اوجلری وسائر حقنده آرزوق فکرلری واردر . بو فکرلر ، مالزمه و موادی ، دوکولوب توز اولایلمک قابلیتلی ، شکللی ، بیهلری نقطه نظرندن تجربه ایتمک ایچین بر فرصت احضار ایدر ، بوده معدنیات حقنده بر درس ایله نتیجه لیر ، چونکه چوجوقلر میزراق اوجنه اوایاجق نوعی بولایلمک ایچین بر چوق طاشلری معاینه ایتشلردر . دهمیر دورینک مناقشه سی بالیقندن اولدجه بویوک براذابه فرونی انشاسی طلبنه میدان ویردی . چوجوقلر بدایتده هوا جریانی اپی حسابلاماش اولدقلرندن فرونک آغزی ایله نفس دهلیکی کرک نسبتی وکرک وضعیتی اعتباریله اویغون دوشمه مشدی ، بناء علیه کندیلرینه احتراق مبدألری ، هوا جریاننک ومحروقاتک ماهیتی حقنده درس ویریلک اقتضا ایتمشدی . مع مافیه بودرس حاضر ویریش دکدر ؛ اولاً احتیاج حاصل اولمش ، صوکر تجربه طریقله بونتیجه به واریشدر . بو ایشده اولونجه چوجوقلر باقیر کی ماده لری آلارق بر آلاى تجربه لر یاپدیلر ، آریتدیلر ، ایشله یه رک بعض اشیا اعمال ایله دیلر ؛ عینی تجربه لر قورشون ایله ودیکر معدنلر ایله ده یاپیلدی . بومساعی بر طرفدن بر جوغرافیا درسی ده اولمشدی ، چونکه چوجوقلر مختلف حیات اجتماعی شکللرینک تضمن ایله دیکی مختلف شرائط طبیعی بی ده تخیل ایتمک و چالیشارق بولق مجبوریتنده ایدیلر . چوبانلق حیاته اویغون شرائط طبیعی ناصیل اولمالیدر ؟ زراعتک ایلمک دورلرینه ، بالیقجیلغه موافق اولانلر ناصیل اولاجقدر ؟ بو انسانلر آراسنده طبیعی اصول مبادله نه طرزده اولور ؟ بویکی نقطه لری مکالمه لره بولوب چیقاردقن صوکر ، خریطه لره و قومدن یاپدقلى شکللره

مکتب و جمعیت — ۳

تمثيل اينديلر . بويلهجه ارضك مختلف عوارضى حقنده فكرلره صاحب اولديلر ، وعينى زمانده بونلك فاعليت بشريه ايله مناسبتلرينى آكلاديلر ، بوسيله بوتون بواوكرندكلى سادهجه خارجى واقعهلر دكلدر ، بلكه بشرك حياتى وترقيسى حقنده كى اجتماعى تلقيلره قاينامش و قايناشدهش معلوماتدر . حاصل اولان نتيجه ، چوجوقلرك بويله مساعى ايله علم ، جوغرافيا وبشرىاتده برسنده ( هميشه ده هافنده بش ساعت ) اكتساب ايده جكلرى وقوفك ، معلوماتك مقصد و غايه اولارق تقرير صورتيله ويريلديكى چوجوقلرك سادهجه ثابت درسلدن اوكرنملرى عادت اولان يرلرده اكتساب ايديلندن ، نامتناهى درجه فضله اولاجنى حقنده كى قناعت ، فكرجه ، حق ويرديريور . انضباطه كلنجه ، چوجوقلر بو ايشلدن منحصرأ انضباط روحى خاطرى ايچين حل ايله اوغراشدقلى مسئلهلره نسبتله ، چوق داها زياده دقت ، تفسير قدرتى ، استدلال ، كسكين مشاهده ودواملى ملاحظه تربيه سى قازانيورلر .

بوراده ، سوزى شفاهى درسه انتقال اينديرمك ايسته يورم . بونك نه اولديغى هميز بيليرز -- چوجوغلر كتسبدن روحنه تمثيل ايتمه موقوف اولديغى معلوماتك هيئت مجموعه سنى معلمه و ديكر چوجوقلره عرض ايتمه سى ايچين بر زمين . بو ديكر نقطه نظردن [۱] ايسه شفاهى درس ، پك ممتاز صورتهده اجتماعى بر موعدتلاق اوليور ؛ اولرده كندى كنديسنة دوغان وبويون مكالمهلر او ايچين نه ايسه ، بوده مكتب ايچين اودر يالكز داها متعضى در . ومعين خطرلر اوزرنده يورور . شفاهى درس اجتماعى بر نصفه خانه [۲] اوليوركه بوراده تجربه لر مبادله ايديلر ، تنقيد اولونور ، ياكلايش تلقيلر تصحيح ايديلر ، و يكي تفكر وتدقيق خطلى تعيين اولونور .

شفاهى درسك بو استحاله سى ، اونك اولجه قازانيلمش معلوماتك يوقلانماسى حالندن ، چوجوقلرك مكالمه ومحاوره انسياقلىغى سربستجه استعمال ايتلىرى حالنه كجه سى ، مكتبك بوتون لسان مساعيسنه تاثير واونى تعديل ايله يور . اسكى مكتب طرز اداره سنده چوجوغه نام و سربست لسان قوللامق قابليتنى ويرمك ، بلا مناقشه ، اك جدى مسئله ايدى . سبى آشكاردر . لسان ايچين چوجوغه نادراً ، طبيعى محرك عرض ايديلىردى . پيداغوجى

[۱] دوئيك نقطه نظرى .

[۲] clearing house بويوك تجارت مركزلرنده مختلف مؤسسات ماليه وبجاريه نك حساب جاريلىغى تصفيه ايدن مؤسسه لر . تقاص خانه صورتيدهده ترجمه ايديليورسدهده بوراده تصفيه خانه داها ياقيشيق آليور . — مترجم .



کتابلرنده لسان، فکری افاده ایچین واسطه اولمق اوزره تعریف ایدیلر. لسان آز چوق بویله برحاله کلیر؛ لاکن سویله مه یه لزوم بیله یوقدرکه، لسان ابتداء اجتماعی برشیدر، برواسطه که اونکله کندی تجربه لریمیزی، بیلکیریمیزی باشقارینه ویریر و بالمقابله اونلر کیکلیری بز آلیرز . طبیعی مقصدندن آیریلنجه، لسان اوکر نهمه نك معضل و مشکل بر مسئله اولماسی شاشیلاجق برشی دکلدیر . لسانی آیریمجه باشلی باشنه برشی اولارق اوکر نهمه یه قالدیشمه ده کی عیثلیکی دوشونکیز . چوجوغک مکتبه کیتمه دن اول یاباجنی برایش وارسه اوده علاقه دار اولدینی شیلردن بحث ایتمکدر. فقط لسانک منحصرأ درس لرك تکراری ایچین استعمال ایدیلدیکی مکتبه بجه مدار اولاجق حیاتی علاقه لر موجود اولمادینی ایچین اوراده الک مشکل ایشلردن برینک آنا دیلنک تدریسی اولماسی شایان حیرت دکلدیر. لسان تدریسی غیرطبیعی اولدینی، حیاتی انطباعلری و قناعتلری مکالمه طریقله تعاطی ایتک آرزوی حقیقیسندن دوغماش بولوندینی ایچین چوجوقلرك استعمال لسانده کی سربستیلری تدریجاً زائل اولور . اودرجه یه قادارکه نهایت اورتا مکتب معلملری لسانک هاجسی صورتده وبوتون وسعتیه استعمالنه معاونت ایچین دورلو دورلو چاره لر ایجادینه مجبور قالیورلر . حالبوکه ، لسان انسیاقندن اجتماعی برطرزده استفاده ایدیلنجه شایسته دائمی بر تماس حالی ظاهر اولور . نتیجه ، چوجوغک روحنده دائماً بحث ایدمجه برشی بولونماسی ، اونک سویله نه جک بر شیشه ، افاده ایدیلنه جک بر فکره مالک اولماسیدر. فکرده انسانک کندیسنک اولمادجه فکر دکلدیر . عنعنوی اصولده چوجوق یالکر ساده جه اوکر ندیی شیئی سویله مک مجبوریتنده در. سویله یه جک برشیئی اولمق ایله برشیئی سویله مک مجبوریتنده اولمق آراسنده دنیا قادار فرق واردیر. دورلو دورلو موضوعلره و واقعلره مالک اولان چوجوق بولردن بحث ایتک احتیاجنده در ، و بو احتیاجنی تطمین ایتدجه لسانی ایجه لیر و که نیشلهر ، چونکه لسانی معلوماتنی شایستلردن آلیر و اونلرك مراقبه سی آلتنده در . اوقومق ، یازوق اولدینی قادار ، لسانک شفاهی استعمالی ده بواساسه استناداً تدریس اولونا بیلیر . لسان چوجوغک کوردکلرینی ، بیلکیرینی باشقارینه آکلاتمق و بالمقابله اونلرك گورکو و بیلکیرینی اوکر نهمک آرزوی اجتماعیسندن دوغارق بویومش اولدیغنه نظراً رابطلی و مناسبتلی برطرزده تدریس ایدیلنه بیلیر ، و مکالمه طریقله تعاطی ایدیلن حقیقترلری تعیین ایدن واقعه و قوتلره تمادی تماس ده اوکا استقامت ویریر .

وقم اولمادینی ایچین بویوک چوجوقلرك ایشلردن بحث ایتمه جه جکم ؛ که بونلرك اصلاً خام اولان انشا و مکالمه انسیاتلری انکشاف ایدرک آرزوق عالمی استقامتمده بر تدقیق

و تحقیق واسطه سی اولمشدر؛ فقط لسانك استعمالنه مثال اولارق شو تجربی اثری اوقویاجم. اثر چوجوخی تدریجاً ارضیات وجوغرافیا تتبعنه دوغرو ایلرله تن بسیط واک عمومی نوعدن بر تجربه اساسنه مستنددر. اوقویاجم بو پارچا ظن ایدهرم که شاعرانه اولدینی قادارده «علمی» در. «پك اسکی زمانلرده ارض داهایکی ایکن و لاو حالنده ایکن یر یوزنده هیچ صویوقدی. بوتون صولر بخار حالنده وارسی صاران هواده ایدی. هواده برچوق غازلرده واردی. بونلردن بری حمض ثانی قاربون ایدی. بخار بولوطلر حالنه کلدی، چونکه ارض صوئومایه باشلامشدی، و بر مدت صوکراده یاغموور یاغمایه باشلادی، صو هوادن یره ایندی وایترکن هواده کی حمض ثانی قاربونی ده حل ایتدی.» بوفرده خارجا کورونه بیله جکندن چوق زیاده علم عنصری واردی. زیرا چوجوقلرک اوج هفتا قادار سورن سعلیری کی کوستیر. چوجوقلر کوندهك وهافتالق قیدلر طوتارلر، لاکن بوربع سنهك مساعی اجماندن برپارچه در. بولسانه شاعرانه دیدم، چونکه چوجوغلک خیالی واضحدر و تمثیل ایتدیکی شائیتلر حقنده چوجوق شخصی تحسسلره مالکدر. لسانك جانلی تجربه لره استناد ایدن جانلی طرز استعمالنی داهازیاده تصویر ایچین مثال اولارق دیکر ایکی یازینك بعض قسملری آلیورم. «ارض تکائف ایدهك درجه ده صوئوئجه، صوحض ثانی قاربونك یاردیمیه، قایلردن قالسیمی جکدی و بویوک صوکتله رینه کوتوردی، که اورالرده کی کوچوک حیوانلر قالسیمی بوسورتله آلابیلدیلر.» [۱] دیکری ده شویله آکلاتیور: «ارض صوئودینی زمان، قالسیم قیالارک ایچنده ایدی. حمض ثانی قاربون ایله صو برله شهرک برمحلول تشکیل ایتدیلر، و بومحلول آقار کیدرکن قیالردن قالسیمی قوباردی و دیکزه کوتوردی، اوراده کی کوچوک حیوانلرده اونی بومحلولدن آلدیلر.» «جکدی» و «قوباردی» کی کلهلرک امتزاج کیمیوی و تیره سیله رابطه دارا اولارق قوللانیلماسی، کندیسنه مخصوص برطرز افاده یی استلزام ایدن شخصی تحقیقه دلیلدر.

اگر دیکر مثاللره چوق وقت اشغال ایله مش اولماسه دیدم، بدایتده پك بسیط مادی شیلره باشلایان چوجوقلرک ناصل متزایداً متسع استکنانه ساحه لرینه دوغرو ایللره یله دکتری و بویله تحریرلره توافقی ایدن ذهنی انضباطی ده کوسترمک ایسته ردم. ساده جه، ایشه مبداء اولان تجربی ذکر ایدیم. بو تجرب، معدنلری پارلاتقی ایچون قوللانیلان، مترسب تبشیر اعمال ایتمکدن عبارتدر. چوجوقلر - بر قدح، کیرج صوی، بر جام توبدن تشکیل ایدن - بسیط برجهاز ایله صوده کی قاربونیت کلسی ترسیب ایتدیلر؛ و بو [۱] بونمونلر، متندن داهازیاده عینی صورتده، کله بکلمه، ترجمه ایدیشدر.

باشلانغیچدن، اندفاعی، رسوبی و سائر مختلف نوع صخره لرك ارض اوزرنده تشكلى و تیره سنى و شیمى بولونقلرى رلرى تتبع ایتمه قادار ایلهرله دیلر . صوكر اول متحده [۱] ، هاواى ، و پورتو - رىقو جوغرافىاسنك بوكا عائد نقطه لرینه كچدیلر . مختلف اشكالده قایا كتله لرینك مشاغل بشریه یه ایقاع ایتدیكى تأثیرلرى مطالعه ایتدیلر ؛ اوصورتله كه بوارضیات تدقیق دوندى دولاشدى نهایت زمانزده كى انسانلرك حیاتلرینه كلى . چوجوقلر بو بیکرجه عصرلر اول واقع اولمش ارضی و تیره لرله بوكونك صنایع مساعیسنی تعین ایدن فیزیكى شرائط آراسنده كى رابطه یی كوردیلر و دویلدیلر .

« مکتب و چوجوگك حیاتی » موضوعنه كیرن امكانلردن یالکز بردانه سنى سچدم . چونكه كوردم كه یالکز بو ، هر كس ایچین موجب مشكلاتدر ، و دیگرلرینك هپسندن زیاده أنكل ماهیتدهدر . مکتبك چوجوق ایچین ، ایچنده حقیقه یاشاناچق و حیات تجربه سى قازانیاچق بریر اولماسی ، و چوجوگك اوراده نشه و شطارت بولماسی ، مکتب اولق اعتباریله اورانك كندیسنه مخصوص برمعنى و مقصدی حائز اولماسی هر كسك قولایمجه قبول ایدم بیلجكى شایان آرزو برشیدر . لاکن بویله اولقله برابر شو سؤالی ایشیدیورز : بو اساسه كوره چوجوق معلومات لازمه یی ناصل آلاچق ، مطلوب انضباطه ناصل كیره جك ؟ اوت نتیجه بورایه واریبور ، چونكه انسانلرك اك چوغی دكلسه بیلله پك چوغی ایچین حیاتك طبیعی و معتادجریانی ایله ، اكتساب معلومات و انضباط غیر قابل تألیف كورونیور . بونك ایچین كه مسئله نك كندیلكندن ناصل حل ایدیلدیكنی پك زیاده عمومى و غیر تام برصورتده ( چونكه اونى یالکز مکتبك كندیسى هر كونكى فعالیتی ایله ، تفصیلاتلى و قیمتلى برطرزده كوستره بیلیر ) كوسترمه یه چالیشدم . طبیعت بشریه نك ابتدائى انسیاقلى ناصل قاوراناچغى ، بونلرك شكل افاده لرینك مناسب واسطه لرله ناصل مراقبه ایدیلجكنی ، و بوصورتله یالکز منفرد برچوجوگك نمانسنك تسهیل و تقویه سى دكل ، بلكه بونتیجه لرله برابر ، ماضیده تربیه نك مفكوره لرى اولان فى معلومات و انضباطكده ناصل تأمین ایدیلجكنی آكلاتمایه اوغراشدم .

فقط هر نه قادار ( همان عمومیتله سرد ایدیلن سؤاله بر امتیاز ( قونسه سیون ) ویرمش اولق ایچین ) بوخصوصى طرز تقریبى اختیار ایتدم ایسه ده مسئله یی بویله آرزوق منى و ایضاحی برحاله برابق ایسته مه یورم . حیات هر شئیك فوقنده اولارق بویوك بر

[۱] United States لوزان معاهده نامه سنك رسمى ترجمه سنده استعمال ایدیلن بودوغرو تعبیر « حكومات متحده » به ترجیحا قوللانیمشد .

- مترجم .

شیدر ؛ چو جوغك حیاتی ده کندی زمانی و کندی مقیاسی داخلنده بو یوکلرك حیاتندن داها آ ز بویوك دکلدر . چو جوغك شمیری محتاج اولدینی شیلره ، و زنکین ، قیمتی و متسع بر حیات یولنده کی قابلیتینه عطف ایدیلهك عاقل وجدی بردتك ؛ اونك ایلریده کی بویوكلك حیاتنك احتیاجلری و امکاملری ایله حقیقه ، مرهانیکی بر شکلده ، حال نزاعده اولماسی غریب دوشر . « چو جوقلریمز ایچین یاشایلم ، جمله سی محقق ، هر شیدن اول ، چو جوقلریمز یاشاسین دیمکدر . یوقسه چو جوغك حال حاضرده کی حیاته مناسبتی پك اوزاق ملاحظه لرله اونی آلی قوی باغلی ، بودور قالمایه مجبور ایتمك دکل . اکر تربیه ده ملکوت سموات آرایورساق ، بولق ایچین یاپیلاجق بوتون ایشلر بزه دوشر . که تفسیر ایدیلنجه شونلردر : اکر چو جوغك حقیقی انسیاقلرینی و احتیاجلرینی تشخیص ایدر ؛ و منحصر آ ، بونلرك بوتون قابلیتلیله تحقق و تمیلرینی ایسترسهك ، کاهللك حیاتنك تکمیل انضباطی ، معلومات و تهذیبی موسم مناسبتده ظهور ایدر .

تهذیب دیرکن عقلمه کلدی که چو جوغك فاعلیتنك یالکزر خارجی جهتندن - الجالرینك یالکزر سویله مویه ، یامیه ، بولوب چیقارمایه و یاراتمایه کیدن افاده خارجه لرندن - بحث ایتمش اولدم . حقیقی و شأنی چو جوق ، سویله مویه لزوم بیله یوق که ، تخیلی قیمتلر و فکرلر عالنده یاشار ، بوقیمتلر و فکرلر خارچنده آنجا ق ناقص و قصورلو بر صورتده تجسم ایدر . چو جوغك « مخیله » سنك تهذیبندن بحث ایدیلدیکنی بوگونلرده پك چوق ایشیدیوروز ، صوکر اخیله بی چو جوغك بر قسم مخصوصی ظن ایدرهك ، تطمینی ایچین معین و خصوصی براسقامتی - که عمومیتله غیرشانی ، یاماجق ، اساطیری و اویدورما ماصالردر - بولونا . جفته اینانیور ، و کندی سوزلریمزى نقص ایدیوروز . نهدن بوقادار قاتی قلبلیز ، نیچین بوقادار کچ اینانیوروز ؟ مخیله چو جوغك ایچنده یاشادینی بروسطدر . چو جوق ایچین هر یرده ، روحنی و فاعلیتی اشغال ایدن هر شیده بر قیمت و معنی فضله لی واردر . مکتبک چو جوغك حیاته نسبتی مسئله سی نهایت النهایه شودر : بوفطری اساس و تمایلی اهامل ایدرهك ، اصل یاشایان چو جوغی بر اقوب کندی اقامه ایتدی کمز ثولو خیالیه می مشغول اولاجفز ، یوقسه او اساس و تمایلك سر بسته اجرای فعل ایتمه سنه ، تطمینینه می اهمیت و یره جکزر ؟ بردفعه حیاته و چو جوغك حیاته ایناندقدن صوکر ا ، بحث ایدیلن بوتون اشتغاللر و طرزلر ، بوتون علم و تاریخ اونك مخیله سنك ، و مخیله طریقیله حیاتنك نظام و کالنگ ، تهذیبی یولنده قوللانیله جق آلتلر و ماده لر اولور ، شیمدی یالکزر خارجی فعلی و خارجی

محصولی کوردیکمز یرده ، بوتون نتیجهلرک کریسنده ، هم طور روحینک یکی بر حال صلاحه انطباقی کیفیت، هم ده متسع ومتجاذب بررؤیت، بویون بر قوت حسی، ودنیاوانسان علاقه ومنفعتلرینه وقوف وقدرت قازانمق خصوصنده اراده لی برقابلیت موجوددر . تهذیب ، سطحی بر جلا ، عادی تختیه قاپلانمش ماهون آغاجی ماهیتنده اولمايجه ، شبهه سز بودر - مخیله نك سیالیت و جوالیتجه ، ساحه فعالیتجه ، تجاذبجه فردک یاشادیغی حیات ، شکلی طبیعتک و جمعیتک حیاتندن آلینجهیه قادر تئی وانکشاف ایتمه سیدر . نه زمان طبیعت و جمعیت درسخانه ده یاشایابیلیرسه ، نه زمان تعالیم وتدریس اشکال وآلاتی تجربه جوهرینک حکمی آلتنه کیررسه ، اوزمان حیات ایله تربیه آراسنده کی بو وحدت وعینیت ایچین مساعد زمین حاضر لائمش ، وتهذیب ده ده موقراسی ایچین بر بارولا ماهیتنی آلمش اولور .

## تربیده اسراف

بوکون ایچین اعلان اولونان موضوع « تربیده اسراف » ایدی . اولاً بوموضوعک اولکی ایکی قونفرانسله مناسبتی قیسهجه بیان ایتک ایسته یورم . برنجی قونفرانسله مکتب اجتماعی منظومه سی داخلنده موضوع بحث ایدیش واونی حال حاضرک اجتماعی شرائطنده مؤثر قیلا بیلیمک ایچین مقتضی تعدیلات و اصلاحات سویله نمشدی . ایکنجیده مکتبله منفرد چوجو- قورک نالاری آره سنده کی مناسبتدن بحث ایدیلشدی . شیمدی بو اوجنچی قونفرانسله باشلی باشنه بر مؤسسه اولق اعتباریله مکتبک هم جمعیت ایله ، هم ده کندی اعضاسی - چوجو قور- ایله مناسبتی مطالعه ایدیله جکدر . تعضی مسئله سندن بحث ایدیله جکدر . چونکه هر اسراف تعضی ( ۱ ) نقصانک نتیجه سیدر ، و تعضینک آرقه سنده کی محرکده اقتصاد والده کی وسائط و وسائلدن اعظمی استفاده تأمین در . موضوع بحث اولان پارا و اشیا اسراف مسئله سی دکدر . بونلرده حائز اهمیتدر . فقط برنجی درجه ده مهم اولان حیات بشرک اسرافیدر ؛ چوجو قورک حیاتلرینک مکتبله و غیرتام و خطالی احضار یوزندن مکتبدن صوکرکی زمانلرده اسراف ایدیله سیدر .

بناء علیه تعضیدن بحث ایدرکن ساده جه خارجی مسئله لری ، « مکتب سیسته می » نامی آلتنده یاد ایدیلن مسئله لری - مکتبک هیئت تعلیمیه سی ، مدیری ، بنایی ، معلملرک تعیین و ترفیعلرینی ، الخ . - دوشونه جک دکدر . بونلرده اهمیت و واردر ، لاکن اصل اساسلی تعضی ، فردلردن متشکل برجماعت اولق و اجتماعی حیاتک دیگر شکللریله مناسبتدار بولونمق اعتباریله ، بالذات مکتبک تعضیسیدر . تعضی برطاقم شیرک بربرلریله رابطهلری برحاله کلملرندن عبارتدر ، که بوضوورتله اونلر ایشله ک و تام اولارق ، قولایجه اجرای فعل ایدرلر . بونک ایچین که تربیده اسرافدن بحث ایدرکن دقتکیزی مکتب سیسته منک مختلف اقسامنده کی

[ ۱ ] تعضی بوراده دائماً Organization مقابلی اولارق « تشکیلات » کله سنه ترجیحاً قولانیلمشدر .



قرون وسطاده کی مکتبلر اساس اعتباریله مسلکی مکتبلر زمره لیدر . خصوصیه حقوق و آلهیات مکتبلری . حال حاضرده کی دارالفنون بزه قرون وسطادن انتقال ایتشد . شیمیدیکی دارالفنون بر قرون وسطا مؤسسہ سیدر ، دیمک ایسته مه یورم . لاکن کوککاری قرون وسطاده در تحصیل و تدریس اعتباریله قرون وسطا عنعنہ لرندن بوس بوتون قور توملش دکلدر .

کیندر غارنہ ( چوجوق بانچہ سی - آنا مکتبی ) عصر حاضرده دو غمش اولقله برابر اولرده کی چوجوق اوداسی (Nursery) ایله شلینغ فلسفه سنک اتحدادی ایدی ؛ آنه لرك چوجوقلریغی اشغال ایچون یاپدقلری اویونلرك ، اکلنجه لرك شلینغ ك یوكسك درجه ده رومانیتك ورمزی فلسفه سیله ازدواجی ایدی . چوجوق حیاتنك حقیق و فعلی تبعنندن دوغان عنصرلر - چوجوق اوداسی سیسته منك تمدایسی - بوتون تربیه ده حیات ویریجی قوت اوله رق قالدی ؛ شلینغ - کاری عامللر ایسه بونكه مکتب سیسته منك دیکر اقسامی آراسنه حائل اولدی . - اونلری تجرد حالنه قویدی .

اوستلرینه چیزیلش اولان خط کیندر غارتن ایله ایلك مکتب آراسنده بر متقابل فاعلیت موجود اولدیغی کوستریور ؛ چونكه ایلك مکتب چوجوق حیاتنك طبیعی علاقه لرینه یابانچی قالدینی مدتجه ، کیندر غارتن دن بوس بوتون آیری ایدی ، بوسیله حال حاضرده کیندر - غارتن اصوللرینك ایلك مکتبلر ده ادخالی بر مسئله اولدی ؛ ارتباط صنفی دینیلن مکتب مسئله سی . مشکل جهت بویکی مکتبک مبدأ حرکت اعتباریله برلکدن محرومیتنده در . ایکسینی بر برینه ربط ایتک ایچین معلم قاپیدن کیره جک برده ، دیواردن آشموق مجبوریتنده در .

غایه لره کلنجه ، کیندر غارتن ك مفکوره سی تعلیم و انضباط دن زیاده چوجوغك انکشاف اخلاقیسی ایدی ؛ بعضاً اهمیتی حسیلك درجه سنه واردیریلان بر مفکوره . ایلك مکتب فعلاً اون آلتنجی عصرده کی خلق حرکتندن نشأت ایدیور . اوزمانلر طباعتك اختراعی و تجارتك انکشافی نتیجه سی اولارق ، اوقومق ، یازموق ، حساب بیلمک معیشت وایش ایچین بر لازمه اولمشدی . غایه آشکار صورتده عملی ایدی ، منفعت ایدی ؛ بو آلتله ، معلوماتك بورمرزلرینه صاحب اولوق ، اوکرنمک و علم تحصیل ایتک ایچین دکلدی ، بونلر حیات مسلک لرینه پول آچورلردی ، بونلر سز یوللر قابالیدی ، ایشته بونك ایچین دی .



ایلك مکتب دن سوکراکی قسم غرامار مقول [۱] ( تقریباً اعدادی ) در ، بو تعیر  
 غریبه پک قولانیلماز ، شرق ایالتلرنده [۲] ایسه چوق عمومیدر . بو مکتب رونه سانس  
 دورینه قدر چیقار - ایلك مکتبی تولید ایدن شرائطدن بلکه براز داها اولکی زمانلرده  
 دوغمشدر ، حتی عینی زمانده ظهور ایتیش اولسه بیه مفکوره جه اوندن فرقلی در . بو  
 مکتب الیوکسک معناسی ایله لسان تحصیلنی استهداف ایدیوردی ؛ چونکه رونه سانس  
 دورنده انسانی ماضی ده کی حرثه ، روما و یونان عالمنه ، لاتینجه ایله یونانجه ربط ایدیوردی .  
 قرون وسطانک محدودیتلرندن قورتولمق ایچین یکانه واسطه لر قلاسیک لسانلردی .  
 غرامار مقولک انموزج اصلیبی ایشته بو سببلردن ظهور ایتدی ، دارالفنون دن داها حر  
 ( چونکه دارالفنون ماهیه پک زیاده مسلکی ایدی ) اولان بو مکتبک مقصدی خلقلک  
 آلنه اسکی معرفت لک آناختارلرینی تسلیم ایتک و اونلری داها کنیش افقنی بر عالمی کورمه یه  
 قادر ایله مکدی . غایه اولاه تهذیب ، ثانیاً انضباطدی . اوزمانک مکتبی ، غایه سنی شیمدیکی  
 غرامار مقولدن چوق داها زیاده تمثیل ایدیوردی . بدایه غرامار مقول قولج ( مدرسه )  
 ده حربر عنصردی که سوکرا لری آشاغی یه دوغرو اوزایه رق آقاده می و های مقول  
 ( High school ) حالی آلدی . بونک ایچین در که اورتا مکتب حلاقه قله ج ( مدرسه ) ک  
 آشاغی صنفلری ( حتی برقاچ عصر اولکی مدرسه لر دن داها یوکسک بر پروغرامه ) ویا  
 قسم احضاریسی و قسماً ده ایلك مکتبک نفی غایه لرینک ، کندینده در دله نوب طوبولاندینی  
 بر مکتب ماهیتنده در .

بوندن سوکرا اون دو قوزنجی عصرک ایکی محصولی میدان چقیور ، فنی مکتبلر و  
 دارالمعلمینلر . تکنولوجی ( فنیات ) ، مهندس وسائر مکتبلری ، بالطبع باشلیجه اون  
 دو قوزنجی عصرده کی ایش حیاتی شرائطنک انکشافندن دوغمشلردر ، ناصیل که ایلك  
 مکتبلرده اون آلتنجی عصر ایش حیاتنک انکشافی محصوللری ایدی . دارالمعلمین ،  
 معلملری تعلیم ایتک ضرورتندن تولد ایتمشدر ، قسماً ده تهذیب فکریله .

داها زیاده تفصیلاته کیریشمه یلم . شکلده کورولدیکی اوزره مکتب سیسته مزده  
 سکز قدار مختلف قسم وار ، که بونلر مختلف تاریخی زمانلرده ، مختلف مفکوره لرله  
 دوغمشلردر و بالنتیجه اصوللری ده مختلفدر . مقصدم بو مختلف مکتبلر آراسنده ماضیده

Grammar school [۱]

[۲] بالطبع آمریقادن بحث ایدیلپور . - مترجم

موجود اولان بوتون تجردلرک ، بوتون آیریلقلرک حال ابردوام اولدنی فکرنی تلقین ایتک دکدر . مع مافیه تسلیم ایدیلیدرکه بونلر هیچ بر وقت بر کل تام حاله قایناشده دکدرلر . تربیه اداری جهندن اک مهم مسئله بو مختلف قسملرک کیفیت توحیدی در .

معلم یتیشدیرن مکتبلره - دارالمعلمینلره - عطف نظر ایدیکیز . بونلر حال حاضرده غیر طبیعی بر وضعیتده بولونیورلر ، های سقول ایله قولهج آراسنده متوسط بر حالده ، های سقول تحصیانی و بر ازده قولهج تدریساتی احتوا ایدیورلر . بومکتبلر علمک یوکسک موضوعلرندن تجرید ایدیلشلردر ، چونکه غایه لری ، اک زیاده ، تدریس ایدیله جک شیلری دکل ، ناصیل تدریس ایدیله جکنی اوکرتمکدر ؛ قولهجه کیدنجه اورادهده بو تجردک دیگر نصفی کوریورز - تدریس ایدیله جک شیلری اوکرنمک ، و تدریس اصوللرندن هان هان نفرت ایتک . قولهج چوجوقلره و چوجوقل حیاتیه تماسه هان هان قابالیدر . اعضاسی ، اکثریتی اعتباریه ، مائللرندن اوزاقده ، و کندی چوجوقل حیاتلرینده اونوتمش اولدقلرندن اللرنده عظیم مقدرده علمی موضوعلره ، فقط بونلرک ناصیل اوکرتیه جکی ، روح ایله بونلر آراسنده ناصیل مناسبتلر تأسیس ایدیله جکی حقنده پک آز وقوف ایله ، معلمک ایدیورلر . بو « اوکرتیه جک شی » ایله « ناصیل اوکرتیه جک » تقسیمی یوزندن تولد ایدن آیریلق ایکی جهتهده ایقاع ضرر ایریور .

ایلك مکتب ایله غرامار سقول و های سقول آراسنده کی مناسبت متقابله کی کوزدن کچیرمک مراقلی بر ایشدر . ایلك مکتب اسکی « نیوئینگلند » [۱] غرامار سقوللرنده اوقونان بر چوق درسلی پروگرامنه آلارق محمول بر حاله کلشدر . های سقول درسلی آشاغیه اینه رک ایلك مکتبک صوک صنفلی پروگرامنه کیرمشدر . یوقاری صنفله لاتینجه و جبر قونمشدر ، اوصورتله که یدنجی و سکزنجی صنفلر داها زیاده اسکی غرامار سقول ک بقیه سی اولمشدر . وعادتا بی شکل بر مزدوجه حالی اکتساب ایتمشدر ، قسماً چوجوقلرک ، اولجه اوکرنمش اولدقلری شیلری ( اوقومق ، یازمق ، حساب ) تکرار اوکرتیه جکلری و قسماً ده های سقول حاضرلانا جقلری بریردر . بویوکسک صنفله « نیوئینگلند » ک بعض محفللرنده ویریلن اسم اینتمه مبدیت سقول ( متوسط مکتب ) در .

[۱] New England دول متحده نک شرق شالیسنده کی ایالتلره . ویریلن اسم ، یکی انکلتزه .

- مترجم


تعبیر پک مصیدر ؛ چونکه یابدینی ایش ساده‌جه ، اولمش برشیه اولاجق برشی آراسنده متوسطلق ایتمکن عبارتدر ، کندی حسابنه ، خصوصی بر معناسی ومقصدی یوقدر .  
 قسملر ناصیل بر برندن آیریش ایسه مفکوره‌لرده بویله اولمش ، فرقلی بر حال اکتساب ایتشدرد - اخلاقی انکشاف ، عملی فائده ، عمومی تهذیب ، انضباط ، مسلکی تعلیم .  
 بوغایه‌لردن هربری تربیه سیستمک آیری بر قسمنده ، صورت خصوصیه‌ده ، تمثیل ایدیلیر . وقسملر آراسنده کیتدکجه آرتان متقابل فاعلیت سببیه ، هربر قسمک آز چوق هم تهذیب ، هم تعلیم ، همده عملی فائده تأمین ایتدیکی فرض اولونور . لاکن حالا بر درسک انضباط [۱] ، دیکرینک تهذیب ایچین موافق عدایدیلهسی واقعه‌سندن آکلاشیلیرکه وحدت اساسیه مفقوددر ؛ مثلاً حسابک بعض قسملری انضباط (ذهنی) ایچین ، بعض قسملری عملی فائده ایچین ، جوغرافیا قسماً عملی فائده ، قسماً تهذیب ایچین ، واح. در. تربیه وحدتی داغیلمش ، درسلرده عن‌المركز بر استقامت آلمشدر ؛ فلان غایه‌یه وصول ایچین شو قادار فالان درس ، فالان غایه ایچینده بو قادار فالان درس اوقونور ، ونهایت هیئت مجموعه تام بر « مخلوطه » ، بربرینه اویمایان غایه‌لردن و آیری آیری درس‌لردن متشکل بر بارچه بوغچه‌سی اولور . تربیه‌ده اداره جهتندن اک بویوک مسئله ، آز چوق مناسبندن محروم ، بربرینی قابلايان درس‌لری توالی ایتدیره‌جک یرده ، هیئت مجموعه‌نک وحدتی تأمین ایلهمک وبوصورتله دلک و تماسدن ، لزومسز تکرارلردن ورابطه‌سز انتقاللردن متولد ضایعاتی آزالیتقدر .

بوایکنجی رمزی دیباغرام ( II ) له تلقین ایتک ایسته‌یورم که سیستمک اقسامنی توحید ایچین یکانه حقیقی طریق بو قسملرک هربرینی حیاطله برلشدیرمکدر . دقتمزی یالکمز مکتب سیستمه حصر ایتدکجه استحصال ابدیه بیله‌جکمز وحدت آنجاق صنعی اولور . اونی دهها بویوک اجتماعی حیات کلنک بر جزئی اولمق اوزره تلقی ایتمه‌لی‌یز . مرکزده‌کی ( آ ) قطعه‌سی برکل اولمق اوزره مکتب سیستمی تمثیل ایدیور . (۱) برجهتهده او وعائله‌ینی کوریورز ، ایکی اوق اوحیاتی ایله مکتب حیاتی آراسنده سربست نفوذ ، اشیا ومواد ، وفکر مناسباتی کوسته‌ریور . (۲) آلت طرفده طبیعی محیطله اولان مناسباتی کوریورز که اک کنیش معنی ایله جوغرافیا ایچین بویوک بر ساحه‌ی تتبع در .  
 [۱] انضباط کله‌سی یرینه کوره صرف ذهنی بر معناده ، معرفت مقامندهده قوللانیلمشدر .

- مترجم -

مکتب بناسنک اطرافندہ طبعی محیط واردر . بنا برہانچہ ایچندہ اولابیلیر؛ چوجوقلربانچہدن اطرافندہ کی تارلارہ و اورادندہ ، جوارندہ کی بوتون واقعہ و قدرتلی ایلہ کنیش قیرلرہ ، کوی عالمہ کوتورولہ بیلیر . (۳) اوست طرفندہ ایش حیاتی و مکتب ایلہ صنایع و تجارت عالمک بوتون احتیاجلری وقوتلری آراسندہ کی سربست مناسبت تمثیل ایدیلشدہ . (۴) دیگر جہتہندہ ، مختلف منظرہ سی ایلہ ، لابوراتوارلری ، کتبخانہ ، موزہ و مسلکی مکتبلر کی بوتون منابع فکریہ سی ایلہ دارالفنون واردر .

## II شکل



چوجوق نقطہ نظرندن باقیانچہ مکتبہ کی اک بویوک ضایعات ، چوجوغلک مکتب خارجندہ قازاندینی تجربہ و معلوماتدن ، مکتبہ تام وحر برصورت استفادہ ایدہ مہمہ سی، دیگر طرفندہ مکتبہ اوکرنمکدہ اولدینی شیلری یومی حیاتندہ تطبیق ایتمہ قادر اولاماماسی در . مکتبک تجرد حالی ایشته بودر . اونک حیاتندن تجردی در . اوندہ وجوارندہ حاکم اولان فکرلرک ، علاقہ و فاعلیت لک بویوک بر قسمی روحنی اشغال ابدن چوجوق درسخانہ کیردیکی زمان بونلری اورتایہ قویق احتیاجندہ در . حالبوکہ چوجوغلک بوہر کونلک تجربہ لرندن استفادہ قابلیتندہ اولمایان مکتب ایشنی زحمتلہ یوروتیور ، وچوجوقدہ

مکتب مساعیسنه قارشى علاقه اوپاندیرمق ایچین ، باشقا برطریق اوزرنده ، دورلو دورلو واسطهله مراجعت ایدیور . براق سنه اول «مولاین» شهرین زیارت ایتدیکم زمان برمکتب مدیردن ایشیتمشدم ؛ هرسنه مکتبه یکی کلن چوجوقلرک قسم اعظمی کتابده او قودقلری «میسسیپی» نهری ایله اولرینک اوکندن کچن ایرماغک مناسبتنی اوکرنکلری وقت حیرت ایدیورلرمش . جوغرافیا ساده جه بردرسخانه مشغولیتی اولدیغندن ، برجوق چوجوقلر ایچین بودرسک هرکون کوردکلری ، دویدقلری و آلدقلری شیلرک معین وشکلی برافاده سندن باشقا برشی اولمادیغنی آکلامق آچوق موجب هیجاندر . ارض اوزرنده ، هوا ایچنده یاشادیغمزی ، سیاتمک هرکون طوپراغک، نباتات و حیواناتک تأثیرلیله حال تماسده اولدیغنی ، ضیا و حرارتله اولان مناسباتمزی دوشونور ، صوکر ا برده مکتبه کی جوغرافیا درسک نه اولدیغنی ملاحظه ایدرسهک چوجوغک هرکونکی تجربه لری ایله ، مکتبه اوقادار واسع برمقیاسده تدریس ایدیلن متجرد درس موادی آراسنده کی اوچوروم حقنده انموزجی بر فکر ایدیمش اولورز . بو برتک مثالدن عبارتدر . لاکن او یله بر مثال که ، مکتبک حال حاضرنده کی ضعیفلکی طبعی بر جریان ویا بر ضرورت نتیجه سی اولمقدن باشقا برشی اولارق تلقی ایتهدن اول ، چوغمکزک بونی اوزون اوزادییه دوشونمهی لازمدر .

هر نه قادار مکتب ایله ایش حیاتی آره سنده عضوی بر رابطه موجود اولاجسه ده ، بوندن قصد ایدیلن معنی مکتبک، چوجوغی هر هانکی خصوصی برایشه حاضر لایه جنی دکدر ، یالکز چوجوغک هرکونکی حیاتی ایله اطرافنده کی ایش محیطی آراسنده طبعی بر رابطه بولونا جقدر ، و بو رابطه یی توضیح ایتک ، تحقق ایتدیرمک و اونی ، پروغرامه تجاری جوغرافیا، تجاری حساب کی خصوصی درس لر ادخالی صورتیه دکل، علی العاده مناسبت علاقه لریخی او یانیق بولوندورمق صورتیه شعور لاندیرمق مکتبک وظیفه سی در . « مرکب - ایش - اورتاقلنی » (۱) موضوعی بلکه بو کونکی حساب کتابلرینک چوغنده موجود دکدر ، حالبوکه بر نسلدن داما آز زمان اولکی کتابلرده بولونیوردی، چونکه مؤلفلر، هر هانکی بر بخیی خارج بر اقدقلری حالده کتابلرینی صانامایا جقلرینی سویلرلردی . « مرکب - ایش - اورتاقلنی » نک منشائی تا اون آلتنجی عصره قادار چیقار . اوزمانلر هنوز

(۱) Compound business partnership بزم حساب کتابلرنده « شرکت مسائلی » هنوانی

آلتنده طولانان مسئله لک موضوعی در . -- مترجم .

حصه سندلی شرکتلر احداث ایدیللمشدی ، هندستان و آمریکا ایله واسع بر تجارت فعالیتی باشلامش اولدیغندن ایش بابایلیمک ایچین سرمایه طوپلامق ضرورتی تحصیل اتمشدی . بری چیقدی « آلتی آی ایچون شو قادار پارا قویاجم » دیدی . دیکری « ایکی سنه ایچین بو قادارده بندن » دیدی و باشقالریده اشتراك ایدرك بو صورتله برلشدیلر و تجاری تشبثلرینه مدار اولاجق پاره تأمین ایتدیلر . بالطبع اوزمانلر مکتبلرده « مرکب اورتاقلق » اصولی تدریس ایدیلیردی . حصه سندلی شرکتلر احداث ایدیلدی ؛ مرکب اورتاققلر اورتادن قالقدی ، اوکا دائر مسئلهلر ایسه حساب کتابلرنده ایکی یوز سنه دوام ایتدی دورودی . عملی فائدهلری قالمادقدن صوکراییله بونلر محافظه ایدیلدی ، انضباط ذهنی خاطری ایچین « بیلیرسکریا ، نده چتین مسئلهلردی اونلر . » حال حاضرده حسابده یوزدهلهمه ( Percentage ) نامی آلتنده کی مباحثک بر خیلیمیده عینی ماهیتده شیلردر . اون ایکی ، اون اوچ یاشنده چوجوقلر کار و ضرر حسابلری و قارشیقلانی سببیه بانکرلرک چوقدن ترك ایتدکری دورولو دورلواسقونطو مسئلهلری ایچنده یووارلانوب کیدیورلر . ایش حیاتنده بویه حسابلر قوللانیلما دینی سویله ندیمی ، ینه هان « انضباط ذهنی » ی ایشیدییورز . حالبوکه چوجوغلک تجربه سی ایله ایش حیاتی شرائطی آراسنده بول بول حقیقی مناسبتلر واردر ، بونلر یالکز استفاده و تنویر ایدیللمه محتاج شیلردر . چوجوق تجاری حسابی و جوغرافیایی متجرد و باشلی باشنه شیلر اوله رق دکل ، کندی اجتماعی محیطنه تعلقلری نقطه نظرندن اوکر نملیدر . عصری حیاتده بر حامل اولان بانکه حقنده ، بانکه نک نه ایش یاپدینی ، ناصیل یاپدینی حقنده کنجلك معلومات صاحبی اولمالیدر ؛ بانکه ایله مناسبتدار حساب وتیرهلری بو صورتله بر معنایی حائر اولور . که بو طرز ، بوتون حساب کتابلریمزده موجود زمان یوتیجی و ذهن تولدوروجی یوزدهلهمه ، تأدیات جزئییه و سائر مثالرینک تمامیه ضد فارقی در .

شکله کوستریلن دارالفنونله مناسبت مسئله سی اوزرنده چوق توقف ایتیه حاجت کورمه یورم . ساده جه اشارت ایتمک ایسته یورم که مکتب سیسته منک بوتون جزءلری آراسنده متقابل بر فعلیت موجود اولمالیدر . ایلک و اورتا مکتبلرک درس موضوعلری ایچنده درجه نهایده عبث بر چوق شیلر واردر . بو جهتی استکناه ایدنجه کوریورز که بو مکتبلرک درس مفرداتی چوجوقلره اوکر تیلن و هیچ بری حقیقی واقعه اولمایان بر چوق

واقعہ لہ محمولدر ، کہ بوڈارک ہپی ایلریدہ اونوتولاجقدر . بودہ سیستہ ممزک «آشانی» [۱] جزئلری ایلہ «یوکسک» جزئلری آراسندہ حیاتی بر رابطہ بولونما ماسندن ایلری کلیور . دارالفنون ویا مدرسہ ، فکر مؤسسی اعتباریلہ ، بر تحری و استکناہ یریدر : کتبخانہلر ، موزدلر محالیدر ، ماضینک بوتون منابع فکریہ سی اورادہ طولانمش ، تقرر ایمشدر . مع مافیہ مکتب ایچین اولدینی قدردارالفنون ایچیندہ دوعرودرکہ شیمہ تفحص ، آنجاق تفحص طور وحرکتی ایلہ ، و اوطور وحرکتدن ، اکتساب ایدیلیر . طلبہ عبث شیلرلہ اوغراشاجق یردہ ، مقصد و مناسی اولان ، افقی کنیشلہ تمہیدارایان شیلری اوکرتمہ لیدر ، یوقسہ الہی سنہ اول حقیقت عد ایدیلان ویا یازیم تحسینای معامک باکیش آکلاماسی یوزندن فائدہ لی تلقی ایدیلان شیلری دکل . بوغایہلر دانایل ایریلہ بیلہ جکئی آکلامق مشکلدیر ، مکرکہ تربیہ سیستہ منک الہ ایلری قسملری ایلہ الہ ابتدائی جزئلری آراسندہ تام بر فاعلیت متقابلہ موجود اولہ .

یوندن صوکرکی شکل ( III ) ایکنجینک توسی در . مکتب بناسی ، دینیلہ بیلیرکہ ، قنارمش و شیمہ مشدر . اطرافندہ کی محیط ، او ، باغچہ و قیرلر ، ایش حیاتی ودارالفنون ایلہ مناسبت ینہ اسکی حالندہ در . بوشکلدن مقصد ، مکتبک حال تجروددن قور تولارق بحث ایتمکدہ اولدیغمر اجتماعی حیاتلہ عضوی بر رابطہ تأسیس ایلہ مک ایچین نہ اولماسی لازم کلدیکی ارأہ ایتمکدر ، بو ، یاق ایستہ دیکمز مکتب بناسی ایچین معماریمزک چیزدیکی پلان دکلدیر ؛ مکتب بناسنک احتوا ایتمہ سنی ایستہ دیکمز فکری دیباغرام اولارق تمثیل ایدن بر شکلدر . شکلک آلت طرفندہ یمک اوداسنی و موطباغی ، اوست طرفندہ دیکیش ودوقوما فاعلیتی ایچین دوقوما اوداسنی کوریورسکز . مرکز بو ایشلرک ہپسنک کتبخانہدہ ، یعنی بوتون عملی ایشلری تنویر ایدن واونلرہ معنی وحر بر قیمت ویرن ہر نوع منابع ذہنیہ دن متشکل بر مجموعہدہ ، بر آرایہ طولیانماسی کیفیتنی تمثیل ایدیور . درت گوشہ عملیاتی کوستہ ریور ، مرکززدہ عملی فاعلیتیرک نظریہ سنی . دیگر بر افادہ ایلہ ، بو ایشلرک مکتبہدہ موجودیتلرندن مقصد اصلی ، اونلرک محضا موجودیتلری دکلدیر ، یعنی چوجوقلرہ فنی آشجیلق ، فنی ترزیرک ، مارانغوزلق


[۱] Lower (آلپاق) ، دونی تحصیلک درجہ درجہ بولونمہ سنہ شدتلہ معارض اولدینی ایچین بوکلہنی بالالزام گیمہ ایچندہ کوسترہ مشدر . «آشانی» تعبیرلہ ترجمہ ایدیلہ سی متندہ کی نکتہنی غایب ایتمک ایچیندر .

- مترجم .

مکتب وجمیت — ۴

ود یوار جیلق مهارتی و یرمک دکلدرد ، بلکه بو ایشلرک خار جده کی حیاتله روابط و مناسباتی در . برطرفدن ، فردی جهندن ده بوزلر چو جوغک ایشله مک ، کوسترمک برشی یایمق ، وساده جه منفعل و او یصال قالمایارق ، یایمچی و یارادیچی اولوق احتیاجنه جواب و یریرلر . ایشلرک اک بویوک معناری اجتماعی ایله فردی جهت آراسنده توازنی محافظه ایتمه لیدر - شکل ، اجتماعی جهته اولان مناسبتی صورت خصوصیه ده تمثیل ایدیور .

### شکل III



بوراده ده برجهته او وعائله واردر . رابطه خطاری ایلری کری کیده رک او ایله مکتبک موطنای و دوقوما اوداسی آراسنده کی طبیعی مناسبتی نه کوزل کوسته ریور ! چو جوغ اوده او کرنیکی مکتبه کورتوره رک اوراده اوندن استفاده ایده بیلیر ؛ مکتبه او کرنیکی شیریه اوده تطبیقه قادر در . بوزلر ایکی بویوک شیدرکه تجردی قیرار ، رابطه تأسیس ایدر - چو جوغک مکتبه مکتب خار جنده قازاندینی بوتون تجربه لری ایله کله سی ، و مکتبدن هر کونکی حیاته همان استفاده ایده بیله جکی برشیلر او کرنمش اولارق آیریله سی .



عنعنوی مکتبه چوجوق صاغلام بربدنله ، فقط آز چوق ایسته کسر برروحله کیدر ، هرناقدار حقیقتده روحنی بدنیه برابر کوتورمزسهده؛ روحنی کریده براقاسی ضروریدر ، چونکه مکتبهده اونی استعمال ایچین هیچ بروسیه یوقدر . اکر تماماً مجرد برروحله مالک اولسهیدی اونی مکتبه کوتوره یایردی ، حالبوکه چوجوغک روحی مشخصدر ، مشخص شیلرله علاقه داردر ، مکتب حیاته مشخص شیلر کیرمه دجه چوجوقده روحنی اورایه کوتورمهز . بزم ایسته دیکمهز ایسه چوجوغک مکتبه تام برروحله کله سی و مکتبدن داغا تام برروحله وداها صاغلام بربدنله کیمه سیدر . بدن دیرکن عقالمه کلدی ، دیباغرامده جیمناستیکخانه اولماه قله برابر ؛ درت کوشهده کچیریلن فعال حیات ، عینی زمانده ، دوامی برادمان بدنده تأمین ایدیور ، برطرفندنده اصل جیمناستیکخانهمز چوجوقلرک خصوصی ضعف بدنیلری ایله اشتغال واونلری تداوی ایده جکدر . وصاغلام برروحله مسکن اولان هرمعناسیه صاغلام بر بدن یایماه داها شعورلو بر صورتده چالیشاجقدر . یلک اوداسنک وموطباغک قیر وباغچه ایله مناسبتندن وبونله عاند وتیره ومحصوللردن بجه لزوم بیه یوقدر . طباحت ، قیر وکوی ایله وجوغرافیاده برلشن علملرله هیچ برمناسبتی اولماق اوزرده تدریس ایدیله بیلیر . احتمالکه ، عمومیتله ، بورابطه ومناسبتلر نظردهته آلینمادن اوکره تیلکدهدر . لاکن موطباغه کیرن بوتون موادک منشأری قیرلرده ، تارلا وکویلردهدر؛ او مواد طوبراقدن کلیر ، ضیانک وصویک تأثیرلرله حیات بولشدر ، وبو اعتبارله سونعی محیطده بویوک بر تنوعی تمثیل ایدرلر . بورابطه ومناسبتلر طریقله ، باغچهدن داها بویوک عالمه مد نظر صورتیه ، چوجوق علم تبعنه پک طبیعی برمدخل بولش اولور . موطباغه کلن بو سزهلر و سآره زرده یتیشیورلر؟ نشوونمالری ایچین نه لازمدر؟ طوبراقله مناسبتلری نهدر؟ مختلف شرائط اقلیمه نك بونلر تاثیرلری نهدر؟ والح . اسکی مودا نباتات درسنک نه اولدیغنی هیمز بیلیرز : قسماً ، کوزل چیچکلر طوبلامق ، تضیق آلتنه قویق ، قوروتوب قوله کسیون باقمق ، قسماً ده بو چیچکلری پارچالامق ومختلف پارچالینک فنی اسملری سویله ملک ، چشید چشید یاپراق بولمق ، بوتون بونلرک مختلف بیجم وشکلرینک آدلرخی صایمق . اسکی طرز ، نباتاتک طوبراغه ، ملکته ، نشوونما شرائطنه عطف نظر ایتهدن تتبع ایدیله سیدی . نباتاتک حقیق تبعدنه ایسه ، بالعکس ، اونلر طبیعی محیطلرنده مطالعه ایدیلرلر ، بالکز غذا اولمق اعتباریه دکل ، انسانک اجتماعی حیاته هردورلور طرز انطباقلری نقطه نظرندنده


فائده‌لری تدقیق اولونور . طباحت چوجوغک کیمیا اوکرئمه‌سنده پک طبیعی بر مدخل تشکیل ایدر . و بورادهده چوجوغه تجارب یومیه‌سنده بلاواسطه استفاده ایده بیله‌جکی برشی ویریر . پک ذکی بر خامدن بر جوق دفعه ایشتمشدم ، بو خانم کوچوک چوجوقلره علم (Science) تدریس ایدیله‌سنی آ کلا یامایورمش ، چونکه اونلرک جرء فردلری و ذره‌لری ادرک ایده‌بیله‌جکلرینه عقلی ایرمه‌یورمش . تعبیر دیکرله ، بو خانم ، علمک پک یوکسک مجرد واقع‌لرینک ، چوجوغه ، یومی تجربه‌لرندن مستقل اولوق اوزره ، ناصل عرض ایدیله‌بیله‌جکینه عقلی ایرمه‌دیکی ایچین ، علمک هر نه صورتله اولورسه اولسون تدریسی آ کلا یامایور . خانمک بو ملاحظه‌سینه تدم ایتهدن اول ، کندی کندیمزه صورالم ، عییا بو مطالعه‌ده اولان بالکز بو خانم‌یدر ، و عییا بو مطالعه همان بوتون مکتبلریزده‌کی عملیه تدریسیه‌نی ساده‌جه و چیز بر دستور شکنده افاده ایدن برشی دکلیدر ؟

خارجی عاللمه عینی مناسبت مارانغوز و دوقوماچی دستکاهلرندده بولونور . بونلر ، جوارده کویلر و قیرلرله ، کندیلرینه مقتضی مواد و مالزمه‌نک منبعی اولمالری اعتباریه ؛ فیزیک ایله قدرتک تطبیقاتنی بیلدیرن بر علم اولماسی حیثیه؛ تجارت و توزیع ثروت ایله؛ معماری و تزیینی ایشلرده‌کی انکشافی دولایسیله صنعت ایله حائزمناسبتدرلر . کذا فنی شعبه‌لری و مهندس مکتبهری جهتندن ، لابوراتوارلری ، علمی اصوللاری و نتیجه‌لری اعتباریه ، دارالفنون ایلده پک صمیمی بر ارتباطه مالکدرلر .

کتبخانه‌نی کوستره‌ن مرابعه تکراردونهلم ( شکل III ، آ ) : یاریلری دردر کوشه‌ده و دیگر یاریلری کتبخانه‌ده اولوق اوزره اودالر تصور ایدرسه‌کز شفاهی درس اودالری حقدنه بر فکر ایدیش اولورسکیز . بوراسی چوجقلرک تجربه‌لرینی ، مسئله‌لرینی ، سؤاللرینی ، بولمش اولدقلری خصوصی واقع‌لری کتیره‌جکلری ، اولری مناقشه ایدره‌ک یکی‌نورلرله ، علی‌الخصوص ، دیکرلرینک تجربه‌لرندن ، دنیا‌نک مدخبر علم و معرفتندن - که کتبخانه‌ده ترمز ایدر - کلن یکی‌نورلرله تنویر ایده‌جکلری محلدلر . نظریه ایله عملیه‌نک عضوی مناسبتی بوراده بولونور ؛ چوجوق ساده‌جه برشیلر یایمقله قالماز . یاپدیجی‌شیدن فکرده‌قازانیر ؛ داهایشک باشنده بر ذهنی مفهومه صاحب اولورکه بومفهوم عملیاته کیرر و اوکا زنکینلک ویریر ؛ بر طرفندن ده هر فکر ، تجربه‌ده ، بالواسطه و یا بلاواسطه ، بر امکان تطبیق بوله‌رق حیات اوزرینه بر تأثیر یایمق قابلیتی قازانیر . بو کیفیت ، سویله‌میه بیله‌لرزم یوق که ، تربیده و کتاب ، لک ، یا خود او قومانک موقعنی تثبیت ایدیور . تجربه‌یرینه اقامه ایدلدیکی زمان مضر اولان کتاب و اوقوما تجربه‌ینی تفسیر و توسیع ایچین اولونجه پک زیاده اهمیت قازانیر .

دیگر شکل ( IV ) تمامیه عینی فکری تمثیل و تصویر ایدیور. مفکوروی مکتبک اوست قاتنی رمزی صورتده ارائه ایدیور. شکلک یوقاریکی گوشه لرنده لابور اتوارلر واردر ؛ آشغی گوشه لرنده ده کرک ترسیمی و کرک سمعی صنعتلر ایچون آتولیه و دارالاشتغال بولونور. موطباقدہ وایش دستکاهلرنده میدانہ چیقارق تدقیق ایجاب ایدن موضوعلر ، کیمیوی و فیزیکی مسـئله لر لابور اتوارلره کوتورولوب اورالرده مطالعه و تدقیق ایدیلیر . مثلاً کچن هافنا بویوک چوجوقلردن برغروب دوقوما جیلق عمایه لریله اشتغال ایدرکن - که بواشتغال اکیرمه

#### IV



چیقاریغنک استعمالی ده استلزام ایدر - برطرفندن ده چیقاریغک آیاقافی ایله چارقندہ کی قوتلرک جهتلرینی و چارق ایله میل آراسنده کی سرعت دور نسبتی کوستره دیساغراملر ترسیم ایتدیلر . عین صورته چوجوقلرک موطباقدہ مشغول اولدقلری سبزله ، اولنرده نباتاتله مشخص برعلاقه تأمیننه اساس تشکیل ایدرک ، موطباق خارچنده و صرف نباتات تنبہی مقصدیلده مطالعه اولونا بیایرلر . « بوستن » ده بر مکتبده علم مساعیسی ، آیلرجه ، باموق نباتنک نشوونماسنده تمرکز ایتشدی ، وهرکون ده اورتایه کی بر موضوع چیقشدی. زده ، دوقوما و دیکیش ایچین مالزله ویرن هر انموزجده نباتاتی ایشسته بویله تتبع ایتک

امیدنده یز . اومارم که لابوراتورلرک مکتبک دیگر اقسامیه اولان مناسبتلریخی بومثالدر  
تاقین ایشدر .

رسم وموسیقی ، وبا ترسیمی وسه می صنعتار ، ایپیلان بوتون ایشلرک الک علوی تصفی  
نقطه سنی ، مفکوره له شه سنی ، مرتبه اقصایه وارمه سنی تمثیل ایدر . ظن ایده روم که  
موضوعه ، صرف ادبی نقطه نظر دن باقاییان هرا انسان ، حقیق صنعتی ، صنعتکارک سعیندن  
چیقمش برشی اولارق طایر . رونه سانس دورینک صنعتی بویوکدی ، چونکه حیاتک  
ال صنعتلر دن دوغمشدی . ولوکه مفکوروی اولسون ، آیری بر هوای نسیمیده ظهور  
ایتمش دکادر ، بلکه حیاتک یومی وعائلوی شکلر دنده بولونان وتیره لر دن میدان چیقمش  
وروحانی معناسی اکتساب ایشدر . مکتب بو اسبی ترصد ایتمه یار . صنعتک یالکیز  
صنعتکار جهندن مشاهده سی دارد ، لاکن یالکیز صنعتده ، کندی باشنه وخارجدن  
اکله مه شکلده آیلنجه زوراکی ، واهی وحسی اولور ، کیدر . بالطبع ، بوتون صنعت  
اثرلرینک ، تکمیل تفرعاده ، مکتبک دیگر ایشلریله مناسبتدار اولماسنی قصد ایتمه یورم ،  
ساده جه دیلک ایسته یورم که ، بروح اتحاد بولونسون وبوروح ، صنعته حیایت ، دیگر  
مساعیه ده درینک وزنکیلک ویرسین . هر صنعته اعضای بدن داخل اولور - کوز ،  
ال ، قولاق وصوت ؛ مع مافیه افاده صنعت ایچین اعضایه یالکیز فنی هنر کافی دکادر ،  
بوندن فضله برشیئه ده احتیاج واردر . صنعت برفکری ، بر تفکری ، بروحانی ادای  
تضمن ایدر ؛ بویله اولمقله برابر صنعت فکردن وفکرلر دنده باشقه برشیدر ، صنعت  
تفکر ایله افاده آلتنک جانی براتحادیدر . بو اتحاد شویله بر رمزی افاده ایله سویله نه بیلیر :  
مفکوروی مکتبده صنعت مساعیسی ، کتبخانه وموزه امیقلر دن کچدکن صوکر  
تکرار فعالیت ساحه سنه آیلنمش ایش دستکاهلری مساعیسی عد اولونابیلیر .

بویله بر ترکیبه مثال اولارق دوقوما اوداسنی آلیکیز . مستقبل بر مکتبدن بحث  
ایدیورم ، ایلریده مالک اولاجغمزی امید ایتدیکم مکتبدن . بو اوداده اساس واقعه  
اویرک برایش دستکاهی اولماسی ، اوراده دیکمک ، اکیرمک ، دوقومق عملیه لری ایله اشتغال  
ایدیله سیدر . چوجوقلر بوراده اشیا ومالزمه ایله ، مختلف ایپک ، پاموق ، کتن و یوک  
منسوجاتله دوغرو دن دوغرویه مناسبتده درلر . بومواد ومالزمه ایله مناسبتدار معلومات ،  
یعنی منشألری ، تاریخلری ، خصوصی مقصد استعمالرینه درجه مطابقلری ، وخام موادک  
ایشله ندیکی مختلف ماکینالر حقنده کی معلومات هپ بردن اورتایه چیقار . تداخل ایدن

مسئله‌لره اشتغال ایدرکن بر طرفندنده هم نظری و هم عملی انضباط دوغار . یا تهذیب زمره دن نشأت ایدر ؟ قسماً ، بونلری علمی وتاریخی شرائط ومشارکتلری وسطی ایچنده منعکس اولاراق کورمکدن ؛ که چوجوق بو صورتله اونلری فنی اجراءات نتیجه‌لری وفعل حالنده ترسب ایتیش فکرلر اولاراق تقدیر ایتیمه‌ی اوکوره‌نیر ؛ وقسمأده ، صنعت فکرینک بالذات ایش اوداسنه ادخال ایدیش اولماسندن نشأت ایدر . مفکوروی مکتبده شویله بر طاقم شیلر بولوناجقدر : اولاً مکمل صنایعی برموزه اولاجق ، مالزمه وموادک مختلف اعمال صفحه‌لرنده نمونه‌لرینی ، وبونلری ایشله‌مک ایچین الک بسیطندن الک معضنه قادار آلات و ادواتی احتوا ایده‌جکدر ؛ صوکرابو مواد و اشیانک کلدیکی یرلری ، ییتیشدیک ، اعمال اولوندینی غلطلری کوسته‌رن فوطوغراف ورسم قوله‌کسیون بولوناجقدر . بویله بر قوله‌کسیون صنعت ایله علم وصنایعک ترکیبی حقنده جانلی ودوامی بردرس اولور . کذا دوقوما ایشنک ایتالیا‌ده ، فرانسه‌ده ، جاپونیا‌ده وشرقده یاپیلان الک مکمل شکلرینه عائد نمونه‌لرده موجود اولاجقدر . بونلرک میدان کله‌سی ایچین استعمال ایدیلن تزینی وترسیمی موتیف‌لره عائد ئورنکلر بولوناجقدر . ادبیاتکده برحیصه اشتراکی اولاجقدر . اوده صنایع جهانک مفکوره‌له‌شدیریلش تمثیلنی اورتایه قویاجقدر . مثلاً «عوذیسیا» ده‌کی *پنه‌لوی کی* - «عوذیسیا» [۱] نك ادبیاتده فلاسیک اولماسی ، اجتماعی حیاتک بعض صنایعی صفحه‌لرینی پک تام بر صورتده احتوا ایتمه‌سی وصف فارقنه مالکیتندن در . تا عومیررسدن زمانمزه قادار یوروپو بکلن هپ بربرلریله مناسب‌دار متبادی جریان واقعه‌لر وارکه بوتون بونلر صنعت لسانه ترجمه ایدیشدر . موسیقه حیقریق باشنده سویله‌ن اسقوج شرتیسندن ، مارغریتک «اکیرمه تورکوسی» نه ، ویاواغده‌ک «سه‌نتا» سنه قادار ، حصه دارد . مارانغوزخانه کوزلره خطاب ایدن رسمی برموزه حالسه کیر . اوراده یالکنز مالزمه ومواد - کوزل تحت‌لر وشکللر - بولونمایاجق ، معمارینک تاریخی تکاملنک مجمل بر فهرستی حالنده ، رسملر وصولو ویاغلی بویا لوحه‌لرده موجود اولاجقدر .

ایشته کوسترمه‌یه چالیشدیغم بودر ، مکتبک حیاته ناصیل ربط ایدیله‌جکی وبوصورتله چوجوغک علی‌العاده پک قولای اکتساب ایتدیک تجربه‌لرک اورایه ناصیل کتیریله‌جکی واونلردن نه صورتله استفاده اولوناجفی در ؛ مکتبده اوکرندکارینی چوجوغک ناصیل کری‌یه کوتورمه‌ک کونده‌لک حیاتنه تطبیق ایده‌جکی در ؛ مکتبک آیری آیری پارچالردن

متشکل بر خلیطه دکل ، عضوی بر هیئت مجموعه ، بر کل حاله کتیریله سی در . بوراده مکتب سیسته منک اجزاسنده کی تجرد کیبی درسدرده کی تجردده زائل اولور . تجربه نك بر جوغرافی کورونوشی اولدینی کیبی ، صنعتکارانه ، ادبی ، علمی ، تاریخی جهتلری ده واردر . بوتون درس لر و تبعلر تک بر ارضک و اوزرنده یاشایان تک بر حیاتک مختلف منظره لرندن چیقار . ارضه بری ریاضی ، دیکری فیزیکی ، اوته کی تاریخی والح . اولق اوزره مختلف طبقه لر دن متشکل دکدر . بویله طبقه لر دن هیچ برینک اوزرنده اوزون مدت یاشایامیز . اوزرنده یاشادیغمز دنیانک هرجهتی بربرینه بانلی ومتداخلدر . هردرس وتبع بویوک ومشترک دنیانک مختلف مناسب لرندن چقیور . چوجوق بومشترک دنیا ایله متنوع ، فقط شخصی وفعال بر مناسبت ایچنده یاشارسه ، درس لری و مطالعه لری طبیعی صورته توحید ایدیلش اولور . آرتیق درس لرک مناسبت متقابله لری بر مسئله اولماز . معلم تاریخ درس نه بر آز حساب قویایلمک ایچین دورلو دورلو چاره وترتیلره توسلایتمز . مکتبی حیاتله مناسبتدار قیلک ، بوتون درس لر وتبع لر ، بالضروره ، متقابلاً مناسبتدار اولورلر .

بوندن فضله ، بر کل اولق اوزره مکتب ، ینه بر کل اولارق حیاتله مناسبتدار اولنجه ، اونک مختلف غایه ومفکورهلری - تهذیب ، انضباط ، معلومات و عملی فائده - مختلف شیر اولمقدن قورتولورلر ، آرتیق بری ایچین بردرس و مطالعه یی ، دیکری ایچین دیکر بردرسی انتخاب ایتمک لازم کلهز . چوجوغلک اجتماعی قابلیت وخدمت استقامتده یتیشمه سی ، حیاتله داها کنیش وداها جانلی صورته اتحادی ، توحیدکار بر غایه اولور ؛ انضباط ، تهذیب ومعلومات ده بوییشمه یه عائد صفهلر شککنده ظهور ایدر .

خصوصی مکتبمز ایله دارالفنون آراسنده کی مناسبت حقنده بر کله داها سویله مک ایسته یورم . مسئله ، تربیی ، بر کل اولارق حیات یومیه ایله اتحاد ایتدیرمک صورتیله ، توحیدایتمک ، تعضی ایتدیرمک وبوتون مختلف عامللری بر آرایه طوبلامقدر . دارالفنون پداغوجی مکتبنک عهدسنة دوشن ، میدان بو توحید عملیه سنه ، درت یاشنده کی چوجوقدن باشلا یارق دارالفنونک صوک سنه لرینه قادار تمادی ایتمک اوزره ، مودل اولاجق بر شی چیقارمق ضرورتیدر . شمسی یه قادار دارالفنوندن ، دارالفنونک مختلف شعبه لری رئیس لرندن ایشک عملی پلانلرینک ، حتی بعضاً تفرعاتنک بیه ، احضاری خصوصنده پک چوق یاردم کوردک . مداومر بزه تحریرلری ، اصوللری کتیردیلر وفکرلر ومسئله لر

تلقین ایتدیلر . کتبخانه و موزه املزده در . آرزومز بوتون تربیوی شیلری بر آرایه طوبلامقدر؛ کوچوک جوجوغلک تربیه سی ایله یتیشکین بر دایقانلیک تعلیمی آراسنه کیرن مانعلری ییقمقدر؛ « آشاغی » [۱] تربیه ایله « یوکسک » تربیه [۲] نی عینله شدیرمک وبوصورتله کوزلره ، آشاغیسی یوقاریسی اولمایوب یالکیز ساده جه تربیه موجود اولدیغنی کوسترمکدر .

ایشک صورت خصوصیه ده « پداغوجیائی » [۳] اولان جهته کلنجه : ظن ایده رم که مملکتتمزده اناسکی پداغوجی کرسیمی تقریباً یکریمی سنه لکدر - « میشیغان » دارالفنوننده کی ، که ۱۸۷۵ ایله ۱۸۸۰ سنه لری آراسنده تأسیس اولونمشدر . لاکن نظریاتله عملیاتی برله شدیرن مؤسسه لر برایکی دارالفنوندن عبارتدر . پداغوجی اصل تعلیم وتدریسک کندیسیله بالعمل اشتغالدن زیاده ، الذحوق ، نظریات ، تقریرلر و کتابه مراجعت طرزلی ایله تدریس اولونیور . قولومبیا دارالفنوننده ، « معلملر مدرسه سی » [۴] سایه سنده دارالفنون ایله معلملرک تعلیمی ایشی آراسنده واسع وصیق برارتباط واردر . دیگر بر ایکی یرده ده بوکا بکزره بعض شیلر پایله مشدر . بز بوراده حتی داها صمیمی بر اتحاد ایسته یورز ، اوله که دارالفنون بوتون منابعی ایلك مکتبک اوکنه قویاجق ، ده کرلی درس موضوعلرینک ، اصل وللرک تکاملنده اونکده یاردم حصه سی اولاجق ، بالمقابله ایلك مکتبده دارالفنونه بر لابوراتوآر خدمتی کوره جک ، دارالفنونک تربیه شعبه سی مداوملری نظریاتک وفکرلرک اثباتی ، تجریب ، تنقید وتاکید ایدیله سنی ویکی حقیقتلرک تکاملنی اوراده کوره جکلردر . دارالفنونه مناسبتنده ، مکتبک ، توحیدایدیش تربیه نک ایشله یین بر موده لی اولماسنی ایسته یورز .

مکتبک عمومیت اوزره تربیوی علاقه لرله مناسبتی حقنده ده برکله علاوه ایدیم . کچلرده ایشیتدم که بزم مکتبده ساحه تطبیقه وضع ایدیلن بر اصول حقنده بر معلم شوبله

[۱] Lower بوکله اولجده ایضاح اولوندیغی اوزره بالالزام « آشاغی » کله سی ایله ترجمه ایدیشدر . بزم سیستمه کوره ایلك تدریساتدر . - مترجم .

[۲] انگلیزجه فونوشان ملنلر بزم تربیه ، تدریس ، معارف دیدیکمز شیلرک هپنه بدن پک دوغرو بر صورتده « تربیه » اسم شاملنی ورییورلر . - مترجم .

[۳] پداغوجی کله سنک صفت شکلی آنجاق بویه افاده ایده بیلدم . تربیوی کله سنی Educational مقابلنده قولانیورم . - مترجم .

[۴] بر نوع عالی دارالمعلمین در . - مترجم .

بر اعتراض سرد ایتش : « بیلیرسکیزکه او بر تجریب [۱] مکتبی در . اونلر بزم معروض قالدیغمز شرائط آلتنده چالیشما یورلر . » تجریب یاپمادن مقصد دیگر انسانلری تجریبدن مستغنی قیلدقدیر ؛ هیچ اولمازسه پک چوق تجریبه محتاج قالمامالرینی ، کندیلرینه رهبر ایدینه جککری ، اوزرنده یورویه جککری معین و مثبت برشیته مالکیتلرینی تأمین ایتکدر . تجریب ، نتیجه لره سربست و امین بر صورتده واصل اولوق ایچین ، صورت مخصوصده موافق شرائطه محتاجدر و آلدده کی بوتون وسائط ایله ، هر دورلو موانعدن آزاده بر طرزده اجرا ایدیلدیر . بوکونک بوتون بویوک صنایع و تجاری تشبیلرینه لابوراتوارلر مظاهرت ایدیور ، هر فابریکانک ، هر دهر یول و سیر سفائن سیستمک آرقاسنده بر لابوراتوار وارد . مع مافیله لابوراتوار بر تجارت و صنایع تشبیلر دکلدر ؛ او ایش عالمی شرائطنی کندنی باشنه ، کیفه کوره تأمین ایتیمی استهداف ایتدیکی کیکی تجاری تشبیلرده لابوراتوار مساعیسنک تکرارندن عبارت دکلدرلر . یکی بر حقیقتی ، یکی بر اصولی تدقیق ، تجریب ایتک ایله ، اونی بویوک مقیاسده تطبیق ایتک ، خلق ایچین قابل استفاده بر حاله قویق آراسنده فرق وارد . فقط حقیقتلری کشف ایتک ، بوتون لزوملو سهولتلی حصوله کتیرمک ایلک ایشدر ، چونکه نهایت الامر دنیاده اک عملی شی بودر . دیگر مکتبلرک بزم یاپدقلمیزی حرفیاً تقلید ایتملرینه انتظار ایتیه یورز ؛ ایشله یین برموده ل قویپا ایدیلدجک برشی دکلدر ؛ اواستناد ایتدیکی مبدأک قابلیت عملیه سنی ، ومبدأ بوقابلیتی ویرن اصوللری اظهار واثبات ایچین وجوده کتیر یاشدر . ایشته بز ( مسئله اصلیه مزه رجوع ایدلم ) بوراده وحدت مسئله سنی ، مکتب سیستمک بالذات کندنی وجودی داخلنده تعضیسنی ساحه فعله چیقارمق ، و بونی ده اونی صمیمی بر صورتده حیاته ربط ایدهرک یایمق ایسته یورز ، تا که بویله بر تعضینک بوتون تربیه ایچین ممکن و لازم اولدیغنی اظهار واثبات ایتش اولالم .



## ایلك تربیه نك روحیاتی

خلفك قسم اعظمك مکتبه اولان بیتن شیلرله علاقه دارلنی، اوراده کی چوجوقلرک دوغروندن دوغرویه کندیلرله اولان مناسبتی سببندن در . بو، چوجوقلرینی مکتبه تربیه نظاریلرینک تحققنه یارديم مقصیده دکل ، کندی شخصی مقصدلرینک ( چوجوقلرینی تحصیل ایتدیرمک ) استحصالی ایچین کوندره ن ابون حقتده دوغرودر . واک زیاده، مکتبی کزن ، چوجوقلر ایچین فعالاً و حقیقه یاپیلان شیلری مختلف درجه لرده آکلا یاپیلان، لاکن یاپیلان ایشی ، تحتنده مستر مسئله ره نسبتی نقطه نظرندن تقدیر ایده جک زمان و علاقه یه پک مالک اولامایان زائرلر حقتده وارددر . مکتب ، ایشک بو کورونوشنی ایلک ایده مهز ، چونکه آنجاق بو جهته اعتنا ایده رک حامیلرینک اعتیادی ادا مه و طلبه هممک دوامنی تأمین ایده بیلیر .

مع مافیه بردارالفنون شعبه سنک اداره ایتدیکی مکتبک باشقا برمنظره سی اولمق لازمدور . دارالفنون نقطه نظرندن باقیلنجه او یله بر مکتبک اک مهم وظیفه سی ، علمی اولاندر . تربیوی تفکرک ترقیسنه ایفا ایده جکی خدمتدر . بش اون چوجوغی تعلیم و تربیه ایتمک غایه سی ، دارالفنونی اورتا تحصیلی اکمال ایدنلرله اشتغال ایله مک اولان عنعنوی حدودندن خارجه چیمقده حقلی کوسترمه یه کافی دکلدر . آنجاق علمی غایه ، واک مکتبک دیکر . علم لابوراتوآرلری کیبی بر لابوراتوآر وضعیتنده اولماسی ، دارالفنونک بر ایلك مکتب تأسیس وادامه ایتمه سنه سبب معقول تشکیل ایده بیلیر . یویه بر مکتب تطبیقی پداغوجی ایچین بر لابوراتوآردر . یعنی چوجوقده تجلی و انکشاف ایدن روحک تبیغه ، و نمای طبیعی شرائطنک ایفاسی و اکالی مقصدینه اک موافق کورونن لوازم و عواملک تحریمه مخصوص بر یردر .

بو مکتب بر دارالمعلمین ویا معلملری تعلیم ایچین برشعبه دکلدر . برنونه - مکتبده دکلدر . خصوصی بر فکری ویا عمده یی اثبات واطهار مقصیده ده تأسیس اولونمیشدر . اونک وظیفه سی، چوجوق تربیه سنی عصری روحیاتک بیلدیردیکی فاعلیت روحیه تبدلرینک

و نما و تیرملرینک نوری آلتنده مطالعه ایتک مسئله سی در . بومسئله ماهیه غیر محدوددر .  
 مهرانکی بر مکتبک بو خصوصده بوتون یاپایله جکی مسئله نك بعض جهت لرینک تدقیق  
 و تنویرینه یاردم ایتک ، و تربیه یی ، نظریاتجه اولسون ، عملیاتجه اولسون ، بنور آلتنده  
 تقدیر ایتک لزومنده اصرار ایله مکدر . غایه بو اولونجه مکتب شرائطی ده بالطبع بوکا  
 کوره اولور . نما و تیرملری و قانونلری ، چو جوغک حیاته عائد الک باشلی و اتمه لرک  
 ظهورینه مانع اولاجق صنعی شرائط آلتنده تنبه قالدیشق عبتلکی آشکار اولان برایشدر .  
 بولابور اتوآر مسئله سی ، علمی جهندن باقیلنجه ، چو جوغک سمه روحیه جه و تجربه جه  
 نمانسک تاریخ طبیعی ایله آهنگدار برتبع سلسله سی بنا ایتک شکلی اکتساب ایدر .  
 مسئله ، معلوم بر نما دورینک حاکم احتیاجلرینه و قوتلرینه الک معین صورتده جواب ویره جک  
 جنس و نوعده موضوعلر سچمک و بوموضوعلرک نمایه حیاتی صورتده داخل اولایلمه لری  
 ایچین نه طرزده عرض ایدیلر لری لازم کله جکنی تعیین ایله مکدر ، بو مسئله حقنده کی  
 محدودیت علمیه مزى و جهالتزک درینلکنی تمامیه و سربستجه تسلیم ایده مه یورز . حالبوکه  
 چو جو ق حیاتنک مهرانکی بر یاشنه عائد باشلیجه روحی و اتمه لر هیهچ کیسه ، علمی  
 اولق شرطیه ، لایقیه واقف دکدر . بو نمایه تسهیل و تشویق ایچین الک موافق موادک  
 کشف ایدیلش اولدیغنی ادعا ایله مک ایسه خالص بر حدنا شناسلق اولور . تربیه لابور اتوآرینک  
 فرض و قبول ابتدکی ، داها زیاده ، نما شرطلرینک و طرزلرینک عاقلانه بر تفحصه امکان  
 ویره جک درجهده معلوم اولدیغی در ؛ و آنجاق اولجه بیلینلره استناداً اجرا ایدیلر جک  
 فاعلترلرله داها جوق معلومات استحصال ایدیلر بیله جکی در . الک مهم نقطه ، بویه تجربیلرله  
 معقول قناعتلریمزک آرتاجنی در . مطلوب اولان ، استکنا هک حریتی تسهیل و تشویق ؛  
 و مهم واقعه لرک زورله کوزدن قاجاماسنی بر درجهیه قادر تأمین ایده جک ترتیباتی ؛  
 تفحصک ارا نه ابتدکی تربیوی عملیه نك صادقانه ، و عنعنیه و متقدم فکرلره لزومسز تبعیتدن  
 متولد انحراف و حذفلردن آزاد . بر صورتده اجراسنه مساعد شرائطی اله کچیرمکدر ،  
 ایشه مکتب ، بو معنی و روح ایله ، تربیه ایچین بر تجریب مرکزی اولاجقدر .  
 او حالده ، تطبیق ایدیلکده اولان بللی باشلی رو حیات فرضیه لری نلردر ؟ قبول  
 ایدیلش اولان رو حیاتله بر درجهیه قادر موازی اولق اوزره هانکی تربیوی متناظرلره  
 تصادف ایدیشدر ؟  
 بو مسئله لرک مناقشه سنه ، اسکی رو حیات ایله شیمدکی رو حیات آراسنده بر مقایسه

یابارق تقرب ایدیله بیلیر . بوا یکی روحیات آراسنده کی ضدیت اوچ قاتلی در . اسکی روحیات روحی خارجی عالمه بلا واسطه تماس حالنده ، بوس بوتون فردی بر شی اولارق تلقی ایدردی . یکانه صورولان سؤال عالمه روحک یکدیگری نه طرزده اجرای فعل ایتدکاری ایدی . تکمیل جهانده برتک روح موجود اولسه ایدی اسکی روحیاتک طانی دینی بوتون و تبره بوکا تماناً و عیناً توافق ایدردی . حال حاضرده ایسه فردی روحی ، اجتماعی حیاتک بر انعوله سی کیبی تلقی ایتک تمایلی موجوددر . یعنی کندی کندیسنه اجرای فعل ایتیه ، انکشاف ایله مهیه قادر اولمایان ، اجتماعی عاملارک دواملی تنبیهلرینه محتاج اولان ، وغداسنی اجتماعی منبیلرده بولان بر روح . فردک بدنی تجهیزاتی کیبی روحی تجهیزاتی ده عرقدن توارث ایتیه سی ذهابی وراثت فکری سایه سنده خرج عالم اولمشدر : روحی تجهیزات فردک مانیدن توارث ایتدیکی واستقبال ایچین ید امانتنده محافظه ایتدیکی بر سرمایه در . روحک فردی و انحصاری برملک اولامایاجنی ، بلکه بشریتک سی و تفکرینک محمولنی تمثیل ایدمه چکی ذهابی ده تکامل فکری سایه سنده عمومیه شمشدر ؛ یعنی روح طبیعی اولدینی قادرده اجتماعی اولان بر محیطده انکشاف ایتشدر ، و اوکا شکل ویرمکده اک زیاده اجتماعی احتیاج و هدف لر عامل اولمشدر . — وشت ایله مدنیت آراسنده اک باشلی فرق هرا یکینسک توجه ایتدیکی چیلاق طبیعتده دکلدر ، اجتماعی وراثتده و اجتماعی محیطده در .

کذا ، چوجوقلغک تبییندن تظاهر ایتشدر که بواجتماعیاً مکاتب وراثت فردده آنجاق حال حاضرده کی منبیلرک تاثیرلری آلتنده اجرای عمل ایدیور . فی الحقیقه ، طبیعت ؛ ضیا کیبی ، صوت ، حرارت و سائر کیبی منبیلر ویرر ، لاکن بونلرک معناسی ، تفسیری چوجوغلک ایچنده باشادینی جمعیتک اونلره قارشلی عمل و عکس العملرینه تابعدر . عریان ر ضیا منبه فیزیکیسی تکمیل بر شأنیث دکلدر ؛ اوکا معناسنده کی زنکیئلکی ویرن اجتماعی فاعلیتلرله و تفکرله بایلان تفسیردر . تقلید ایلله ، تلقین ایلله ، دوعرودن دوعرویه تعلیم ایلله ، حتی داها زیاده دوعرودن دوعرویه اولمایان شعورسز حدس ایلله در که چوجوق چیلاق فیزیکی منبیلری تقدیر ایتیه نی ، اونلره قارشلی ناصیل اجرای فعل ایدیله چکنی اوکره نیر . اجتماعی عاملر سایه سنده در که او بر قاج سنه جکده ، عرقک اوزون عصر لر سورن مساعیسنی اجمال ایدیوریر . تربیه عملیه سی حاکم پسقو لوژی به شعورسز بر صورتده انطباق ایدر و اونکله یک آهنگ کورونور ؛ چونکه ایکیسی ده عینی طور اقدن دوعمشدر . ناصل روحک ، عالمه بلا واسطه تماس صورتیله قوام بولدینی فرض ایدیوردی ایسه ، طبق بویله ، تعلیم احتیاجلرینکده

چو جو غو، خارجی واقعہ نك جو جغرافیا، حساب، صرف والی، اٹیکتیریلہ کوستہ ریان متنوع تشکک لریلہ دوغرو دن دوغرویہ تمس اس ایتدیرمک طریقہ تطمین ایدیلہ جکی ظن اولو نیوردی. بوتون بو تصنیف ایدیش واقعہ لک سادہ، ماضیدہ کی اجتماعی حیاتدن سہیلوبہ چیقاریلش شیلر اولدینی کوزدن قاجیر یاشدی؛ کذا اولنک اجتماعی وضعیتردن دوغمش اولدینی اجتماعی احتیاجلر ایچین نوعما جوابلر تشکیل ایتدی کی ده کورولمہ مشدر. دریم موقوفہ عنده هیچ بر اجتماعی عنصر بولونمادی کی کبی درسک چو جو غو قارشی درونی خطابندہ بویله برشی یوقدر؛ اجتماعی عنصر تماماً خارجده، معلومہ یلہ شمشر - معلمک تشویق لرنده، نصیحت لرنده، ابرام لرنده و چو جو غک روحی، اجتماعی برایشیغک آنجاق عارضی اولار ق تنویر ایتدی کی بر ماده ایله اشغال ایدہ بیلیمک ایچون ایجاد ایدہ جکی چارہ لردہ تمکین ایتمشدر. اونوتولمشدر که چو جو غک حیاتنه اعظمی خطاب ودواغون بر معنی، درس لر خارجی و هر دورلو علائق دن عاری بر طرزده دکل، بلکه جمعیتک حیاتنه اولان نسبت لری نقطہ نظر ندن ویریلک صورتیله تامین ایدیلہ بیلر. اونوتولمشدر که چو جو غک طور واداسنک وسیعہ بیلک غیر قابل تجزی اقسام عضوہ می حالی آلمق ایچین، بولر، بالکز معلومات مفرداتی اولار ق دکل، بلکه اولنک حال حاضرده کی احتیاجلرینک و هدنلرینک - که، بالمقابلہ بولر ده اجتماعیدر - عضوی جزء لری اولق اوزرہ هضم و تمثیل ایدیلہ ایدر لر.

ایکمنی جهت، اسکی روحیات، معرفتک، ذهنک روحیاتی ایدی. هیجانک و سہیلک موتمنی - آنجاق عارضی و تالی ایدی. احساس لردن پک چوق بحث اولونور، حرکتلر هیچ قلاب آئیمازدی. فکر لک احساس لردن می، یوقسہ و ہی برملکک روحیدن می نشأت ایتدی کی مناقشہ ایدیلر دی ده بولنک فعل و حرکت احتیاجندن نشأت ایتلری امکاندن تجاہل اولو نور دی. فکر لک طور و حرکت اوزرینہ اولان تاثیر لری خارجی بر تلاحق عدا ایدیلر دی. حالو گہ بز (میسر جہیز [۱] ک تعبیری ایله) اینانیورز که احساس لر و فکر لر عالمی اولان ذهن آنجاق برہ اورتا قسمدر، که، کندیسی دولدور ایلن دورلو دورلو تفکر لک معضلت و امتداد لرنده کی عجیب مہایتلر آراسندہ، بالکز بر افعولہ اساسیہ سی - حالی و یا بعید الحال فاعلتیزک آلاچی استقامتی تمین ایتک افعولہ سی - اولایہ جکی آکلا یا ملار ق اونی نصا نہائی اولق اوزرہ تلقی ایدیلورز.

بوجهتده تربه عملیهسی ایله روحیات نظریهسی آراسنده ازی بر آهنگ موجوددی. مکتبلرده معلومات تجرید ایدیش باشلی باشنه برغایه حالنه قونمشدی. واقعلر، قانونلر، معلومات پروگراملرک باشلیجه سرمایهسی اولمشدی. تربه نك نظریهسی ایله عملیهسی آراسنده کی نزاع؛ معلوماتك، داها زیاده، حواس عنصرینه، اشیا ایله تماسه، مشاهده وترصد واخل. درسارینه استناد ایده فی ایله؛ مجرد فکرلره، تعمیلمره واخل. یعنی تعیر مخصوصیله عقل ونظره، فقط حقیقتده کتابلرده دستور شکله کیرمش باشقارلینك فکرلینه. داها فضله اهمیت ویره فی آراسنده ایدی. بواکی حالك هیچ برنده حواس تربهسی ایله، فعل وحرکت حیاتك مسئله وعلاقه لرینه عائد منطقی عملیه لری بربرینه ربط ایتك ایچین بر تشبث یوقدی. اگر روحیات نظریه لری حیاتك حقیقتلرینی تمثیل ایدیورسه ایشه بوراده ده تربیوی بر استحاله یه لزوم کوروروز.

اوجنچی تضاد نقطهسی روحك بوکونکی تلقیسنده در، که بوتلقیه کوره روح اساس اعتباریله بروتیره در. برنما وتیرهسی در، ثابت بر شی دکدر. اسکی نظره کوره ایسه روح روح ایدی و بو قاداردی اول حکایت. روح بوتون مدت دوامجه عینی ایدی. چونکه چوجوقده اولسون، کاهلده اولسون، هب عینی چشیدده ملکه لرله مجهزدی. برفرق وارسه اوده ساده جه بوحاضر - یایلمش ملکه لردن بعضیلرینك - مثلاً خاطره بویله ایدی - داها ایرکن فاعلیته کیرمهسی، دیکرلرینك ایسه، حکم واستدلال کیبی، آنجاق چوجوق، حفظ وتخطر ممارسه لرله، باشقارلینك تفکراتنه تماماً تابع اولوق درکسینه ایندکدن صوکر ظاهر ایتله لری ایدی. قبول ایدیلن یکانه مهم فرق کیتده، مقداره ایدی. چوجوق کوچوک بر انساندی، روحی ده کوچوک بر روحی - جسامتدن باشقا جهلرجه بو بوکلرک روحنك عینی ایدی. اوده دقت، خاطره واخل. کیبی حاضر - ویریش ملکه لرله مجهزدی. خالبوکه بز روحه، خال نماده، و بو بیده اساس اعتباریله تحول ایدن ومختلف دورلرده سهجه وعلاقه جه فرقلی صفهلر عرض ایدن، برشی اولوق اوزره اینانیوروز. بوتون بونلر حیاتك تمادیس معناسنده اولارق بر وعینی در، لاکن هر برینك فرقلی طلبه لری ومشله لری اولوق اعتباریله ده پك مختلفدر. «اولا یابراق، صوکر باشاق، اوندن صوکر باشاقده بوغداي.»

تربه ایله روحیات آراسنده بو نقطه ده کی توافقی بوتون قوتی ایله آکلاتق همان امکانشدر. پروگراملر، باشند باشه و همان شعورسز اولارق، کاهلارک منطقی

ضورتده ترتیب ایدیش واته و مبدألردن تشکل ایدن تتبع موضوعلرینک کنجلا ریچین طبعی بر « تتبع » موضوعی اولاجنی ذهابیه مراقبه ایدیشدر ، چونکه روح و ملکه لر کنجلردهده کاهلرده کینک عینی عد اولونیوردی - یالکز چو جوقلر ایچین موضوعلر بسطیه شدیریش و قولایلا تیدیشدر ، زیرا قیر قیلش قوزی ایچین روزکار معتدل اولمالیدر ، بوکیدیشک محصولی عنعنوی درسلردر ، بونلردهده چو جوقلر ایله کاهل روحلری صورت مطلقده عینی تلقی ایدیش ، یالکز قوتک ساده جه مقدار ویا کیتنه عطف نظر اولونمشدر . اولا بوتون محتوای عالم قسملره تفریق ایدیش و بونلره درس نامی ویریش ؛ صوکر ا بو قسملرک هریری ده پارچهره تقسیم ایدیش و هر پارچه مکتب دوره سنک برسنه سنه تخصیص اولونمشدر . هیچ برانکشاف صیراسی کوزه تیلمه مشدر . - یتکه اولا کوروله جک قسملر ، صوکر ا کوروله جک اولانلره نسبتاً قولای اولسون . بو نوع درس پروگرامک عیشلکندن بحث ایدن میستر و . س . جه کن [۱] ک سرد ایتدیکنی مناسبتلی بر تصویرده دیدیکنی کبی « مطلقاً جوغرافیا معلملری ، یالکز درت ویا بش قطعه یاراتیلما سنی امر ایتمکه جناب حقک کندیلرله لطیفه ایتدیکنی ظن ایدرلر ، چونکه برازداها غیرتله سکز قطعه خلق ایدیش اولسه ایدی ، برنجیدن اعتباراً هر صنفه بر قطعه دوشر و سکزنجیده نهایت بولوردی . بوهم قولای ، همده طبعی اولوردی . »

روح نمادر ، فکرینه بردفعه جدیتله صاریلدقی ، بونما مختلف حالاتنده ، دورلو دورلو انموذجی شمائل عرض ایدمجهکی جهتله تربیه نکه ده اوکا کوره استحاله ایتمه سی لزومی نظریمزده وانحاً تین ایدر . تدریساتده ، مواد درسیه نکه انتخابی و درجه لرینک تعینی ایشارنده معلوم بردورده فاعلیتک حاکم استقامتنک لایقیه تغذیه سی اساسنه کوره حرکت ایدله جکی بدیهیدر ، یوقسه اسکیمی کبی حاضر - یاپیلش بر معلومات عالمنک پارچا پارچا کیسلش قسملرینه کوره دکل .

یوقاریده کی مسرودات کبی برچوق ادعای اورتایه آتق بالطبع نسبتاً قولایدر ؛ بو ادعای حال حاضرده کی مکتب شرائطنک تنقیدی یولنده استعمال ایتمکه ده قولایدر ؛ بونلر واسطه سیله ، تربیه ده فرقلی بر شکل لازم اولدیغنی اثبات ایتمکه ده قولایدر . صنعت ایسه اوزون (وکواج) در . . . ایشته بورادهده یه لابوراتوآر فکرینه رجوع ایدیوروز .

بویله سؤالره طوپردن ویکدن جواب ویریلمهز . عننه بونلره جواب ویره مهز ، چونکه اوجزریاً فرقی بر روحیاته مستنددر . صرف محاکه وتمقل ایله ده جواب ویریلمهز . زیرا بو ، بر واقعه مسئله سیدر . بویله شیرل آنجاق تجریب طریقیله استخراج ایدیله بیلیر . تجریبی رد ایتک ؛ حقیقتک تجریبی مجهولات وادیسنده تجریبی استلزام ایده جک دییه کوری کورینه عننه یه صابلا نطق ، تربیه یه عقلی قناعتی ادخال ایده جک یکانه آدیمی رد ایتکدر . بوسیله آتیده کی افادات ، صوگ بش سنه ظرفنده اجرا ایدیلن متنوع تفحصلرک خطوط اساسیه سی ایله استحصال ایدیلن الکی برطاقیم نتیجه لری نقل ایده جکدر . بونتیجه لر ، بالطبع ، مطالعه ایدیلن مسئله لرک ماهیتی حقنده شعورلو برتلقییه صاحب اولمقدن ، و آتیده داها عاقلانه فاعلیتله ایچین یول آچش بولونمقدن فضلر بر ادعا درمیان ایتمین دهنه مه قیلندن شیردر . شونی ده سویله مک لازمدرکه استحصال ایدیلن الکی کوزل فکرلره بیلر ، تمامیه توفیق حرکت ایتک ، برچوق حالاتده ، هنوز ممکن اولاماشدر ، سبی اداری مشکلات ایله تخصیصات فقدانی در . — الوری شلی بنا و وسائط موجود اولاماسنده ، وبعض مهم ایشلر ایچین معلملرک بوتون زمانلرینی اشغال ایتک امکاتی تأمین ایده جک یاره بولاماق حالنده تمرکز ایدن مشکلات . فی الحقیقه ، مکتبه طلبه نک عددجه آرتماسی ، سن و تحصیل اعتباریه ایدیله مه سی اوزرینه ، الده داها اویغون واسطه و سهولتله اولمادن تجربه لره دوام موافق اولوب اولمایه جغنی کسیدیرمک آغیر بر مسئله اولدی .

شیمدی روحیات فرضیه لری ایچین تحری ایدیلن تربیه جوابلری بحثنه کلنجه ، ایشه نمانک صفحه لرندن باشلامق موافق اولاجق . ایلک صفحه ( چوجو غک درت یاشندن سکز یاشنه قدر اولان دوری ) اجتماعی و شخصی علاقهلرک واسطه سزلی ، وانطباعرله فکرلرک فعل ایله بلاواسطه قطعی و سریع مناسبتی حالی ایله تمیز ایدر . بودورده افاده ایچین حرکی برخرج طلبی سریع ، حالی و بلاواسطه در . بوسیله بو سنه لره طاند درس موضوعلری چوجو غک کندی اجتماعی محیطنه داخل اولان شیردن ، و اونک طرفندن ممکن اوله بیلدیکی قادر ، اصلنه یاقین بر شکل اجتماعیده استحصال ایدیله بیلرک اولان حیات صفحه لرندن انتخاب ایدیلشدر — تمشیلر ، اویونلر ، مشغولیتلر ویا کوچوک مقیاسده حرفتلر ، حکایه لر ، تصویری تخیللر و مکالمه لر کبی . مواد درسیه بدایتده چوجو غک کندیسنه ، طاله حیاتنه و اوینک جوارینه الکی یقین اولان شیردر ؛ صوکرالری یاواش یاواش داها اوزاق اجتماعی مشغله لره ( خصوصیه شهر و کوی حیاتیله مناسبتدار اولانلره )

مکتب و جمیت — ه

دوغرو ایلدیرلر، اوندن سوکرا انموذجی اشتغاللرک تاریخی تکامللرینه و بونلرله مناسبتدار اجتماعی شکلله قادار اوزانیر. درس موادی؛ درس شکلنده، اوکره نیله جک برشی اولوق اوزره، ویریلر؛ داها زیاده دوقومق، پیشیرمک، دستکاهده ایشله مک، قالب چیقارمق صحنده تمثیل ایتک، مکملر یایمق، مناشه ایتک، تحکیه ایلهمک و سائر کیمی فاعلیتلر ایله چوجوغک کندی تجربه سی دائره سنه کیره جک شکلده عرض اولونور. بوتون بونلر، بالمقابله، بلا واسطه اجرای تاثیر ایدن عامللردر؛ حرکی ویا افادوی فاعلیت شکللردر. بودورده چوجوق حیاتنک فارقه سی اولان بیلیمک ایله یایمق آره سنده صمیمی بر رابطه موجودیتی کیفیتنی تأمین مقصدیله بواشتغاللره مکتب پروگرامنه تماماً حاکم اولاجق درجه ده اهمیت ویریلشدر؛ یعنی، هدف چوجوغک مکتبه آیری برعالمه کیدر کیمی کیمه سی دک، بلکه اوراده، مکتب خارچنده کی تجربه لرینک انموذجی صفحه لرینی اجمالاً تکرار ایته سی و بویله جه تجربه لرینی کنیشه لته سی، زنکینه شدیرمه سی و تدریجاً شکلله ندیرمه سی در.

ایکنجی دورده - که سکر ویا دوقوزدن اون بر ویا اون ایکی یاشنه قادار امتداد ایدر - هدف، داها دائمی و ثبی نتیجه لر استحصالی حقنده چوجوقده بویون حس امکاندن متولد تحوی، و نتیجه لره وصول ایچین مقتضی مهارتک عامللرینی مراقبه ایتک لزومی، طایبق و بونلره جواب ویرمکدر. چوجوق خارجه دوران و کندی کندیلرینه جالب دقت اولان متمیز و دواملی غایه لری طانیدینی زمان آرتیق داها اولکی مبهم و سیال حیات وحدتی قیریلش، داغیلش اولور. ساده جه فاعلیتک باشنه آرتیق اونی اطمین ایده مه ز. فاعلیتک برشی یایمق ایچین اولدینی حس ایدیلریدر. فاعلیت چوجوغی معین وقائم بر نتیجه یه یوروتمه لیدر. ایشته فعل و حرکت قاعده لرینک - یعنی دواملی نتیجه لره ایصال ایتیه الوریشلی منظم وسائط و وسائلک - و بونلردن استفاده ایچین مقتضی مهارتی تأمین ایده جک خصوصی و تیره لره تصرف کیفیتک، قیمتنی طایبق مسئله سی بوندن چیقور. بوسیلله تربیوی جهته، درس موضوعی نقطه نظرندن، مسئله تجربه [۱] ده کی

مبهم وحدتی اوصاف فارقه یی حائر انموذجی صفحه لره تفریق ایتک؛ و بونلر آراسنده، اک یوکسک مقاصد بشریه نک تحقیق ایچین تفکرک و فعل و حرکتک خصوصی عامللرینه و اصوللرینه صاحب اولمانک لزوم و اهمیتی واضعاً کوسته رنلری انتخاب ایلهمکدر. مسئله

(۱) تجربه دائما Experience مقابلنده قولانیلمشدر. Experiment تجریب کله سی ایله ترجمه ایدیلشدر.



اصول جهتندن ده بوکا مشاهدہر : چو جوغی کندی روحندہده مائل برانکشا فہ لزوم اولدیغنی طانیاجق بر حالہ کتیرمک - یعنی چو جوغودہ بونوع سہی وتقہص اصوللری اوزرندہ عملی و ذہنی بر مراقبہ قدرتی - صل ایتمک صورتیلہ اونک نتیجہلری کندی . باشنہ استحصال ایلمہسنی تأمین ایلمک .

داہا بلا واسطہ اجتماعی جہتندہ ، صبر ، جسارت ، مہارت واک وخیم تصادفلر ومانعہلر قارشیسندہ بیلہ ، غایہلرہ کورہ واسطہلر بولوق ایچین دواملی محاکمہ قدرتیرنہ . نمودجی مثاللر ویرمک ایچین آمریکا تاریخی ( خصوصیلہ استعمار دورہسنہ عائد اولان قسمی ) انتخاب ایدیلشدہر . بر طرفدن موضوعک کندیسیدہ اوقادار معین وجانی در ، اوقادار بشری درکہ چو جوغوک استحضاری و انشائی تخیل ساحہسنہ دوغرودن دوغرویہ کیرر واونک کیتدجک وسعت قازانان شعورینک ، ہیچ دکلسہ بالنیابہ ، برجزی اولور . مقصد و آستار اورمق ، [۱] اولمادینی ، یالکز اجتماعی نتیجہلر استحصالی ایچین استعمال ایدیلن اجتماعی وتیرہلرک بیلنمہسی اولدینی ، ایچین بوتون تاریخک باشند باشہ تقویمی بر صیرا ایلمہ مطالعہسنہ قالدیشلماشدہر . داہا زیادہ بر صیرا نمودجلر آلینشدہر : « شقاق - غو » و شمال غربی « میسیسیپی » وادیس ؛ « ورجینیا » ، « نیویورک » و « نیویٹلند » دہکی بریرتہده [۲] لر و یلفریم [۳] لر . مقصد ، متنوع اقلیمی و محلی شرائطی ، دورلو دورلو موانعی و انسانلرک بونلرہ قارشی بولدقلری چارہلری ، و مختلف انسانلرک تاریخی . عنعنہلرندہکی ، عادت و المرنندہکی تنوعلری کوسترمکدر .

اصول محیطلرہ ، آلاتہ ، البسہیہ ، اودواتنہ ، غدایہ و حیات یومیہیہ عائد برچوق تفصیلاتک و خرده تفرعاتک عرضی استلزام ایدر ، کہ چو جوق بو صورتلہ موضوعی ، سادہجہ تاریخی معلومات اولاروق دکل ، بلکہ حیات اولہرق استحصال ایدہ بیلسین . بو طریق ایلمہ اجتماعی وتیرہ و نتیجہلر شائیتلر حانہ کیرر . بوندن باشقہ ، تتبع ابتدکی اجتماعی حیاتی چو جوغوک شخصی و اجتماعی صورتدہ تشخیصی - کہ الکی دورک قارقہسی ایدی -

[۱] « overig the grounds » سلمی بر بویا وورمق ، یعنی بوتون تاریخی چو جوغہ سطحی بر صورتدہ اوکرتمک .

[۲] Puritans انگلیز و آمریکان پروتستانلرندن دینی ، عیسی زمانندہکی بوتون صافی ایلمہ تلقی ایدن صوفی بر طریقت منتسبلری .

[۳] Pilgrims انگلہدن آمریکا یہ ہجرت ایدن ایلمک بوریتن مستعمرلرکہ آمریکالیلرچہ « حاجی بابالر » - Pligrim Fathers - اسمیلہ یاد اولونورلر . مترجم

حاله علاوه بوراده برده ذهنی تشخیص کیفیتي ظهور ایدیور - جوجوق کندیسنی تصادف ایدیله جک مسئلهلرک قارشیسنه قویور، واونلره جواب اولاجق طرز حرکترلی ممکن اولدینی قادر ، یکیدن کشف ایدیور .

بوعومی نقطه نظر - و- اذط ووسائلک غایله تطابق - علم مساعیسنی ده مراقبه ایدر . الیزیشلیک و قولایلق مقصدیله بومساعی ایکی یه تفریق ایدیش عد اولونایلیر : جوغرافی و تجربی . چونکه اولجه سویلندی کیبی ، تاریخ مساعیسی ، منابع حیاتیه ویرمه سی و مهم و مبرم مسئلهلر عرض ایتمه سی اعتباریله محیط طبیعی نك تقدیم ماهیتنه استناد ایدر ، بوسیلله مسئلهلرک عارض ارضیه سنه ، داغرینه ، نهرلینه ، اورالینه و طبیعی سیاحت و مبادله طریقلرینه ، نباتات - و حیواناتنه پک جوق دقت عطف اولونور . بوده قیرکزیدیلرله مناسب تداردر ، جوجوق قیرلرده کی مشاهده لرندن ، انشائی غیله سننی داها اوزاق محیطلری استحضار ایچین استعمال ایدرکن استفاده ایده جکی معطالری تدارک ایدر .

تجربی جهت ، انسانلره انمودجی قیمت نتیجهلری ویرن و تیره لرک تبعنه حصر مساعی ایدر . جوجو غلک داها اولکی دورده کی فاعلیتی استکناهی اولمقدن زیاده استحصالی در . تجربیلری فعل و حرکت طرز لریدر - همان هان تمثیللرنده و او یونلرنده اولدینی کیبی . صوکرالری فلان نتیجهلری استحصال ایچین مختلف مواد و عواملک ناصیل قوللانیلماسی ایجاب ایده جکنی بولمیه چالیشیر . بوا یسه علمی معناده تجربیدن - که ایکنجی دوریه مخصوصدر - صراحة فرقلی در ، چونکه علمی تجربیدن مقصد واقعه لرک کشنی و مبدألرک تحقیقیدر . مع مافیه فائده عملیه حاکم اولدینی ایچین بوراده کی ده صرف علمه عائد اولمقدن زیاده تطبیقی علمه عائد بر تبعدر . مثلاً انتخاب ایدیلن و تیره لر مسئلهلرک حیاتنده اهمیتلی اولانلردر - دوقونمش بزلری آغارتق ، بویامق ، صابون و موم یایمق ، چینقودن محن ، طاباق اعمال ایتمک ، سیدر و سرکه استحصال ایتمک ، بوتون بونلر جوجوقلری زیوته ، شحومه ( معدن صنایعی منادیسنه داخل اولان کیمی ) عامللرک مطالعه سنه سوق ایدر . « فیزیک » . ده عینی تطبیقی نقطه استناددن باشلانیر . چیریقده و دستکاهلرده قدرتک طرز استعمالی و صورت انتقالی مطالعه ایدیلیر ؛ میخانیک مبدألرک کونده لک حیاتده تطبیق ایدیلنلری - مثلاً کیلدلر ترازولر و سائر - تدقیق اولونارک الکتریقیت تطبیقات و ترتیباتنه - زیللره ، تلغرافه ، الح . - دوعرو ایلهرله نیر .

غایه و واسطه مناسبتنه ، دیگر خطرلر اوزرنده بوروین مساعیده ده جوق اهمیت ویریلشدر .

صنعتده عملی مناظر مسئلهلرینه ، بعد وکتلهلرک نسبتلرینه ، توازنه ، رنک ترکیبلرینک .  
 و تضادلرینک تأثیرلرینه و الح . عطف دقت اولنور . طباختده غذا - ترکیبی مبدألری .  
 و بو عنصرلره مختلف عامللرک اجرا ایتدیکی تأثیرلر تدقیق اولنور ، تاکه چوجوقلر ،  
 ممکن اوللا بیلدیکی قادار ، کندی کندیلرینه قاعده و اصوللر استنتاج ایده بیلدیلر . دیکیشده  
 ییچی اصوللری ، پرووالر (بیک البسهلرینه تطبیق صورتيله) ، صوکرالری دیکیشک .  
 فنی طرزلری مطالعه اولونور .

ایضا حدن مستغنی درکه ، سنی و علاقه خطرلنده کیتدجه آرتان فرقلیق متنوع درسارک  
 کوندن کونه داهای بویوک فردیت و استقلال قازانمالریخی انتاج ایدر . بویکی حالاتده ، برطرفدن  
 یرنده و یولنده اولمایان بر تفریق و تفرید یایقی ؛ دیگر طرفدن ، بر جوق مواد بر دن  
 و هیچ برینه تام بر قوتده اولماق اوزره عطف دقت ایتک افراطلرینه صابمایارق متوازن  
 ایلرله میه اعتنا اولونمالیدر . چونکه برنجی یولده یورونجه سنی میخانیشی و شکلی اولور ،  
 و چوجوغلک حیات تجربه سندن آیریله جنی ایچین طور و حرکته موثر بر نفوذ اجرا ایدمهزه .  
 ایکنجی صورتده ، سنی پارچالی و مبهم اولور ، چوجوق کندی قواسنه معین بر حاکیت  
 قازانمقدن ، و مقصدلرینه واضح : شعور حاصل ایتمکدن محروم قالیر . واسطه لرک غایه لره  
 شعورلو مناسبتی مبدأ خصوصیتلرک بودوره نک توحیدکار بر مبدأی اولق اوزره ظهوری  
 بلکه آنجاق بوسنه واقع اولمشدر ؛ و بوتون مساعی خطرلنده بوکا و یریله جک اهمیتک  
 چوجوغلک انکشافی اوزرینه متزایدأ توحیدکار بر تأثیر ایقاع ایدمه جکی امید ایدلمکده دره  
 تجربه نک تمدید ، توسیع و مراقبه سی خ و صنده اک مهم عامللر و یا واسطه لر اولان  
 اجتماعی و اعتباری رمزله - لسان رمزلی ایله کیت رمزلی - حاکیتدن داهای هیچ  
 بحث ایتمه دک . بو آیتلرک [۱] اهمیت اوقادار بویوکدرکه عنعنوی « اوج R لر » [۲]  
 پروغرامی بواهمیته استناد ایدر - ایلک مکتبلرک دوت بش سنه سنک وقت پروغرامندن  
 یوزده (۶۰) الی (۸۰) ی بودرسله حصر ایدیشدر . یوزده (۶۰) عمومی و وسطی بر  
 نسبتی کوستر ممکن زیاده کزیده و معتنا مکتبلرده کی نسبتی کوستریر .

بو موضوعلر مضاعف بر معنی ایله اجتماعیدرلر . بوزلر ، ذهنی مساعیسی ادا مه

[۱] Instrumentalities

[۲] Three R's Curriculum تلفظ اعتبارله R ایله باشلایان ریدینگ ( Reading او قوما ) ،

رایتینگ ( Writing یازما ) ، وره قونینگ ( Reckoning حسابلامه ) درس لری ، منجه راً احتوا ایدن  
 ایلک مکتب پروغراملری .

— مترجم —

ایتمک ایچین جمعیتک ماضیده تکامل اینتدیردیک آلتلر دیمکدر . بونلر چوجوغه ، کندی محدود و فردی تجربه سی ساحه سنک اوته سننده قالان اجتماعی سرمایه خزینه سی آچق ایچین آناختارلر دیمکدر . بویکی نقطه نظر بوضعتلره تربیده دائما پک یوکسک برامیت عطف اینتدیرمکله برابر بونلرک پروغرامه ادخالنی بعض شرائطده تابع طوتمقده در . تدریساتک طویدن وبلا واسطه اداره سنده بوشرطلره هیچ اهمیت ویریله یور . حال حاضرده بو « اوچ R لر » ، « (اوقوما ، یازما ، حسابلاما) عائد الک باشلی مسئله بوشرطلرک تقدیری ومساعینک اوکا کوره اداره سیدر .

بوشرائط ایکیه ارجاع ایدیله بیلیر : (۱) اجتماعی وفیزیکی شائیتلرله تماس واستیناس ایچین باشقا بر زمین سی بولق احتیاجنی چوجوغک کندی شخصی وحیاتی تجربه سی ایله دویماسی ؛ بو، رمز لرک شائیتک ساده جه « مستعمل » [۱] واعتباری بر بدلی اولمالرینی منع ایچون ضروریدر . (۲) چوجوغک داها زیاده علی العاده وبلا واسطه شخصی تجربه سندن دوغان وحللری ، تطمینلری ، ادامهلری ایچین کتابک یاردیمه مراجعت ضرورتی حاصل اولان مسئله ومحزرککلر بولونمق احتیاجی . یوقسه چوجوق کتابه ، ذهنی آچلق دویمادن ، ایسته کسر واستفهام سز بر طورله یاقلاشیر؛ نتیجه شایان اسف بر صورتده عمومی اولاندر : کتابلره تفحص قوتی ضعهفه ، فلجه اوغراتاچق درجه ده ذلیلانه برتابیت، وبونکله برلکده یاصرف خیالک کلشی کوزل تنبیهی، هیجانی برابتلنک تطمین ایچین ویا شائیت دنیا سندن ، اویدورمه برطاله اوچق ایچین قرائت .

بوراده مسئله (۱) چوجوغه بولجه مقدارده اشتغاللر، افاده ، مکالمه؛ انشا وتجرب ایله شخصی فاعلیت تأمین ایتمک وبوصورتله اخلاق وزهنی شخصیتنک، کتابلرک ویره جکی باشقالرینه عائد تجربه نک ومعلوماتک نسبت سز درجه ده آغیر یوکی آلتنده بوکلاماسنه مانع اولوق ؛ و (۲) داها زیاده بلاواسطه اولان تجربه سی ، عنعنوی اجتماعی آلتلره مراجعت واوللره صاحبیت لزومنی چوجوغه حس اینتدیره جک صورتده سوق وادامه ایتمکدر . محزرککلر ویرمک و آلتلردن عاقلانه استعانه سی تأمین صورتله چوجوغک قواسنی اسیرانه برتابیتدن قورتارمق وتزید ایتمکدر. بومسئله حل ایدیلنجه لسان، ادبیات وعدد مساعیمی میخانیکی بر ممارسه ، شکلی بر تحلیل و ، شعور سز بیله اولسه، احساسی [۲] علاقهره

[۱] Second hand مة بی یکی اولمایان، قوالانیدش اولاروق آلیان .

[۲] Sensational

مترجم

مراجعت طرز لرینک مزدوجه سی اولمقدن قور تولور؛ وکتابلرک، کتابلرله علاقه دار شیرک لایق اولدق لری اهیته نائل اولامایه جقلرندن قور قایده بر سبب قالماز .

سویله مه لزوم بیله یوقدر که مسئله هنوز حل ایدیله مشدر . چوجوقلرک عنعوی مکتب درس لرنده کی تر قیلرینک پروگراملره علاوه ایدیلن یکی موضوعلره فدا ایدیلدی کی حقنده کی عمومی شکایتلر کوسترییور که هنوز تام بر موازنه تاسیس ایدیله مه مشدر . شیعدی به قاتار بزم مکتبده یاپیلان تجربه ، اثباتی بر ماهیته اولماسه بیله ، آتیده کی نتایج محتمله یی ویریور : (۱) داها زیاده بلا واسطه اولان فاعلیت طرز لرلی ، انشائی مشغولیت مساعیسی ، علمی مشاهد و تجریب و ایلخ . ؛ اوقومه ، یازمه (واملا) ، وحساب مساعیسندن استفاده لزومنه اک کنیش بر زمین فرصت ویریور لر . بولزوم تحقق ایدنجه ، اودرسلر مکتبه آیری برشی اولار ق دکل ، چوجو غک تجربه سنندن دوغان عضوی استطاله لر اولق اوزره ادخال ایدیله بیلر لر . یالکز ایش بوفرصلردن سیسته ملی و مترقی برطرزده استفاده ایتمکدر . (۲) اودرسلرک بوصور تله قازانه جفی منضم حیایت و معنی اونلر علی العاده تخصیص ایدیلن زماندن پک مهم تنزیلات یاپمایه مکان ویریور . (۳) رمز لریک اک صوکر ا استعمالی ، اوقوماده اولسون ، حساب و یاتحریرده اولسون ، داها چوق عاقلانه وداها آرمیخانکی در ؛ داها چوق فعال ، داها آرمفعل و آخذدر ؛ قوتده داها چوق تراید واردر ، وساده جه بر وسیله حفظ اولق احتمالی داها آذرر .

دیگر طرفدن ، آرتان تجربه شونقطه لریده تنور ایدر کیی کورونیور : (۱) ایلک سنه لرده ، چوجو غه رمز لرلی طائیمایی واستعمال ایتمه یی اوکره تیرکن ده اونک استحصال وابداع قوتنه مراجعت ایدیله بیلیر ؛ ظاهر آ چوق داها زیاده بلا واسطه کورونن دیگر مساعیده اولدینی قاتار بوایشده ده ، مبدأ اعتباریله ، اوقوتدن استفاده ایدیله بیلیر و بوراده محدود و معین بر نتیجه موجود اولدینی ایچین چوجوق کندی تر قیسنی ثولجه بیلیر . بوواقعته نک درجه کافیه ده نظر دفته آلیناماسی بوخطوط سمیک بعض صفحه لرینک لزومسز تأخرینی انتاج ایتمشدر ، که اجرا ایلهدیکی تأثیرده داها اول کندیسی ایچین بر قوت وابداع شکلی اولابیله جک شیئی چوجو غک ، سویه ذهنیه سی یوکسه لدکن صوکر ا ، مزعج بر آتغاریه کیی حس ایتمه سیدر . (۳) مکتبک مساعی پروگرامنده بودرسلر تخصیص ایدیلن زمانک دور دور تبدیل ودرسلرک وقت وقت تکشینی لازمدر - فنییه (تکنیکه) ویا خصوصی بر اصوله صاحبیتک شایان توصیه اولدینی هر درس ایچین بوکیفته لزوم واردر .

یعنی بوتون درس موضوعلری پروگرامه عینی مقدارده و مساوی مدتدرده قوناچق یرده زمان زمان بضرلی ایلک پلانه ، بضرلی صوگ پلانه کوتورولمیدر . و بوکا چوجوگک مستقلاً استعمال ایدهرک ایلرله بیلرله جکی بر قوت و مهارته صاحب اولدیغنی آ کلا یاجق درجه یه ایصالنه قادار دوام ایدیلرلیدر .

ایلک تربیه نك اوچنجی دوری اورتا تربیه نك حدودی اوزرنده دورور . بو دور چوجوگک متنوع شأنت اشکالی و فاعلیت طرزلری ایله اولدقچه بلا واسطه صورتده کافی بر انسیت پیدا ایتمه سی ایله باشلار ؛ چوجوق اوزمان مختلف تجربه صفحه لرینه الوریثلی تفکر ، تفحص و فاعلیت اصول و آلاتنه صاحب اولمشدر ، فنی [۱] وذهنی غایه لره متوجه درس لر و صنعتدرده استفاده لی بر صورتده اختصاص پیدا ایتک اهلیتیه قازانمشدر . مکتبمزده بودوره یه داخل اولمش چوجوقلر موجود ایه ده مکتبک بدایت کشادنن بری درجه کافیه ده اوزون برزمان کچمه مش اولدیغندن بوبابده ، امنیته انموذجی نتایج استدلالیه استخراجی ممکن دکلدیر . مع مافیه کچن بش سنه لک تجربه دن قازانیلان نتایج ایله احتیاجات و مشکلاتدن آ کلاشیلورکه ؛ کالندن ، ذهنی انضباطندن و علمک آلات فیه سنه صاحبیتندن فداکارلق یایمقسزین ، حیاتنده مثبت براتساع واونک اوزرینه لستناد ایدن حر و آجیق بر ساحه رؤیت ایله چوجوگک بودوره یه ایصال و بو دوره دن امراری امکاتی قطعیتله امید ایتیه سبب واردر .

## فروبهل لك تريوی مبدأری

« شىقاغو دارالفنونى ايلك مكته، نك عنعنلرندن برى مكتهك ايلك زمانلرنده كيندر غارتن قسمنى كورمك ايچين كلن بر زائره ايله علاقه دارد. كنديسنه مكتهده هنوز بر كيندر غارتن تاسيس ايديله ديكي سويله نجه زائره پروغرامده تقي، رسم، ال ايتى، تمثيللر، چوققلرك مناسبت اجتماعلرینه اعتناكي شيلر اولوب اولديغنى صورمشدى. سؤالنه تصديقي جواب ويريلىسى اوزرينه خانم مظفر واستحقاقلار بر ادا ايله كيندر غارتن تعبيرندن مقصدى بونلر اولديغنى سويله مش و بزم كيندر غارتن يوقدر ديمه مزه نه معنى ويره جكنى بيله مديكنى علاوه ايتمشدى. بوملاحظه شكلاً دكسه بيله، روحاً بلكه حقليدر. هر حالده بوملاحظه، ايلك دفعه فروبهل طرفندن شعورلو صورتده ميدانه چيقاريلش اولماسى محتمل بعض مبدأرى مكتهمذك بوتون دوره تدريس سنده - كه شيمدى بوكادرتدن اون اوچ ياشنه قادار چوققلر داخلدر - تطبيقه جاليشديغنى تلقين ايديسور. عموميت اعتباريله بو مبدألر شونلردر :-

۱. مكتهك ايلك وظيفهسى چوققلرى ايش برلكى و معاونت متقابله حياتى داخلنده يتيشدير مكدردر؛ اونلرده متابعت متقابله و استناد متقابل شعورينى تهويه ايله مك؛ بورو حك صريح فاعللر حاله قلبى ايچون مقتضى حركتلك اجراسى خصوصنده اونلره فعلاً يازديم ايتمكدردر.

۲. هر تريوى فاعليتلك ايلك كوكي چوققو غك انسيافى والچائى طورلرنده و فاعليتلرنده در. پوقبه كرك ديكرلرينك فكلرلى، كرك حواس طر قيطه خارجى موادك عرض و تطبيق ايديله سنده دكلدر؛ و بناء عليه چوققلرك لايعدىها جسمى فاعليتلىرى، تمثيللىرى، اويونلىرى، اشتمالزلىرى، حتى بك كوچوكلرك ظاهراً مضاسز كورولن حركتلىرى - كه اولدن

قیمتسر ، بوش تلقی ایدیلیر ، فنا بیله عد اولنورنی - تربیه جه قابل استفاده شیرلدر ؛  
یالکزر قابل استفاده دکل ، حتی تربیه اصولنک تمل طاشاری در .

۳. مکتبه ، اولجه بحث ایدیلن ، ایش برلکی حیاتی ادامہ ایدرکن بو فردی تمایلر ،  
کندیلرندن استفاده ایدیلک صورتیه ، تمضی ایتدیرلش و اونلره استقامت ویریلشدر ؛  
چوجوق ، اکنده صوکنده داخل اولاجنی بویوک و اویکن جمعیتک انموذجی فعللرینی  
و مشغولیتلرینی ، کندی سویه سنه کوره ، استحصال ایدرکن بونلردن استفاده اولونمشدر ؛  
و بو استحصال و ابداع سایه سنده درکه او قیمتلی معلومات آلدہ ایدلش و چوجوغک  
روحنه پرچینه نمشدر .

اگر بو مسرودات فروبرلک تربیوی فلسفه سنی صحتله تمثیل ایدیورسه مکیمز او  
فلسفه نک طرفداریدر . بونلرک درت یاشنده کی چوجوقلره اولدینی قدر اون ایکی یاشنده .  
کیلرده ، عینی ایمان و صمیمیتله ، تطبیقنه تصدی ایدیلشدر . مع مافیه ، بو ، بوتون  
مکتبی کیندر غارثن دینیه بیلجک بر حاله صوقق تشبئی اصل فنی اوله رق کیندر غارثن  
دوری دینیلن - یعنی درت ایله آلتی یاشلری آره سنده چوجوقلر - دوره عائد مساعیده  
بعض تعدیلات اجراسنی ضروری قيلمشدر . یالکزر ، ظاهراً جذری خصوصیت فارقه لرینه  
رغماً بونلردن بعضلرینک فروبرل روحنه صادق قالدقلرینه اینانمق ایچون سبیلر ذکر  
ایتمک اقتضا ایدیور .

### اوبونلر و تمثیلر مقننه

اویون ، چوجوغک خارجاً یاپدینی مهرانکی بر حرکت اوله رق تشخیص ایدیله ملیدر .  
اویون ، داهایزاده ، بوتون شمولی و وحدتی ایله ، چوجوغک روحی طورینی کویستریر .  
او ، چوجوغک بوتون قواسنک ، تفکراتنک ، جسمانی حرکتلرینک ، کندی خیال و علاقه لرینی  
احاطه و تطمین ایدن بر شکلده فاعلیت و متفاعلیتلی در . منی جهندن ، اویون اقتصادی  
تضیقندن - مدار معیشت قازانمق و دیگرلرینی بسله مک ضرورتی - و کاهلرک معیشت  
مسکله لرینه مربوط ثابت مسئولیتلردن آزادملک حالیدر . مثبت جهندن اویون ، چوجوق  
ایچون الک یوکسک فایه نماده انکشاف تام - حال انتاشنده اولان قواسنک تحقننده  
تاملق ، که بو چوجوغی علی الدوام بر سویه دن دیگر سویه یه ایصال ایدر - اولدیفنه  
دلالت ایدر .



بو پك عمومى بر افاده در . و عمومى اولدینی ایچینده عملی قیمتدن محروم اولاجق درجهده مههمدر . مع مافیه تقرعاتنك دلالتی، تطبیقاتی، کیندر غارتن اصولنده تمامأجذری بر تحوذك ممکن، حتی بعض جهتلرجه ضرورى اولدیغنی کوسته ریر . صریح و قطعی بر افده ایله، «اویون» ك چوجوذك خارجى حرکتلرینی دكل، روحی طورینی کوسترهمسی واقعهسی؛ بوتون معین و اولدن چیزیلش سیسته ملردن ویا «هدیه» [۱] لرله اویون و اشتغاللرك توالیسندن تماماً آزاده لك معناسنه کایر . عقللی بر معلمه البته فروبه لك (مثلاً «آنه اویونی - Mother Play» و دیگر اثرلرنده) و تلمیذلرینك اورتابه چیقاردقلری فعلیتلره باقار، اونلرده تلقینات آرار؛ لاکن خاطرندن چیقارمازكه اویون مبدأی، کندیسندن، بوتون بونلری اعتنا ایله استکناه و تنقید ایتمهسی و اونلرك حقیقه کندى چوجوقلرینه کوره فاعلیتلمی، یوقسه ماضیده باشقه شرائط اجتماعیه ایچنده یاشایان چوجوقلره اویقون اولایله جك شیلرمی اولدیغنی تعین ایتمهسی طلب ایله ر . اشتغاللره، تمثیللره و سائرهمه کلنجه، بو خصوصدهده فروبه لك، و ایلك تلمیذلرینك یابدقلرینی سادهجه تکرار ایتمك، قناعتمزجه، پك چوق جهتلردن اونلرك دیدکلرینك عکسنی یایمق اولور، چونكه، بزجه، فروبه لك مناقشه ایتدیكى خارجى حرکتلره طایمق، اونك اراشه ایتدیكى مبدأ صداعتدن آیریلق دیمکدر .

هر دورلو منبعلردن تلقینات آلق ایچون معلمه صورت مطلقده حر اولمالی در، کندیسینه یالکز شو ایکی سؤالی صورمالیدر: تصور ایدیلان بو طرزده اویون چوجوذك روحنه، اونك کندیسنك ایمش کبی، خطاب ایدم جکمی؟ او اویون چوجوذك روحنده کوککاری اولان بر شیمیدر، و اونده خارجه چیقمق، کورونمك ایچون قاینشان قابلیتله بر ایرکینك و اولفونلق ویره جکمیدر؟ کذا: بو تصور ایدیلان اویون چوجوذك بو الجالرینه، کندیسنی داهایوکسك بر شعور و فعل سوبهسنه چیقارم جق بر طرز افاده می ویره جك، یوقسه چوجوغی سادهجه تحریك ایدمك اسکی دوردینی یرده می براقاجق، و بوندن فضله، اوکا ایلریده بر داهما تحریك ایدیلهمه یه جك درجهده سینیر و اشتها بیتکینلک می ویره جك؟

پك بدیهی دركه فروبه لك کندى زماننده چوجوقلرك اویونلرینی و آنه لرك کوچوك چوجوقلری ایله اویسادقلری اویونلری دقتله - استقرائی بر طرزده دییهیلیرز - تتبع

ایله مشدر . کذا بو اویونلرک کنیش معنای بعض مبدألری تضمن ایتدیکنی کوسترمک . مثلاً « آنه اویونی » آدی اثرنده اولدینی کیی - ایچین بر خیلی زحمته قاتلانمشدر . بونلرک چوجوقلر طرفندن یاپیلدینی ایچین معناسز و چوجوقه شیر اولماسی لازم کلدیکنی ، بالعکس چوجوغک نمانی خصوصنده پک اساسی عامللر اولدینی منسوب اولدینی نسلک شعورینه ادخال ایچین اوغراشمشدر . لاکن فروبهلک بالکز و آنجاق بو اویونلرک بر معنای حازر اولدینی فرض ایتدیکنه ، و سرد ایتدیکی فلسفی ایضاحک بر آز اول تلقین ایدیلندن باشقا بر محرکی بولونایله جکنی قبول ایتدیکنه اک خفیف بر علامت بيله کورمیورم . بالعکس ظن ایدیورم که او مقبلرینک ، کندی یولنده یورویهلرک ، زمانلرینه هاندشر اطلی و فاعلیتری تدقیقه دوام ایتمه لرینی ایسته مشدر ، یوقسه کنديسنک طولپلادینی اویونلره یاپیشوب قالمالری دکل . بوندن ماعدا ، هیچ احتمال ویریه مزکه فروبهل بو اویونلری تفسیر ایدرکن زماننده ممکن اولایلین بسیقولوجیائی و فلسفی وقوفدن حد اعظمینه استفاده ایتمش اولدینی انکار ایده بیلین ؛ و تخمین ایده بیلرکز که داهاکمکل و متسع بر روحیاتی ( ایستمر عملی ، تجربی روحیات ، ایستمر چوجوق روحیاتی اولسون ) حسن تلقی ایده جکلرک برنجیمی فروبهل اوله جقدی . و نتیجه لرندن استفاده ایدرک فاعلیتری تکرار تفسیر و داهاکمقدانه مناقشه ایده جک و یکی نقطه نظرندن حرکت ایدرک بونلره تربیوی قیمت ورن اسبابه دوغرو ایلر یله جکدی .

### رمزیک

فروبهلده کی رمزیکلک چوغی اونک کندی حیات و اثرینک ایکی خصوصی شرطنک محمولیدر . اولاه زماننده چوجوغک نمانی حقتده کی غریزی و روحی واقعه و مبدألره طائد معلوماتک نقصانی یوزندن فروبهل اویونلره و سائریه مربوط قیمتلر حقتده اکثراً زورواکی و صنی ایضاحلره مراجعت مجبوریتنده قالیوردی . بیطرف بر مشاهد ایچین آشکازدر که فروبهلک افاده لرندن پک چوغی مزعج و دولا شیقدر ، بوکون بسیط و علی العاده کونده لک دستورلره صغیر یلا بيله جک شیرلر ایچون او مجرد و فلسفی علتلر سرد ایدر . ثانیاً فروبهل زماننده آلمانیک سیاسی و اجتماعی شرائط عمومیسی ، کیندر ظارتن ک حر و امیش برلی حیاتیه ایلخ خارجی عالم آرمسند براتصال و تمادی تلقی ایتمیه امکان و رهمیه جک حالده ایدی . بو سبيله فروبهل مکتبک « اشتغاللر » ینی ( خارجی ) جماعت حیاتبک تضمن

ایتدیکی اخلاق مبدألك عیناً استحصالی عدایده مه یوردی . چونکه (خارجی) جماعت حیاتی قیمتی بر مودل اولامایه جق درجده قضیق و تحکم آلتنده بولونیوردی . ایشته بونک ایچین درکه فروبهل مکتب اشتغالرینی مجرد اخلاق و فلسفی مبدألك رمزلی اولوق اوزره تلقی ایتمیه مجبور اولمشدی . بو کونک « دول متحده » [۱] سندہ البته اوزمانک آلمانیاسته نسبتاً ، کیندر غارتن فاعلیترینی فروبهل ک تلمیذلرینک یاپدیغندن داها طبیعی ، داها بلا واسطه ، و جاری حیاتک داها شائی تمثیلری یاپمای محق کوستمره جک درجده تحول و ترقی واردر . فروبهلک فلسفه سنک آلمان سیاسی مفکوره لرندن آیریلنی آلمانیاده کی حکومت زمامدارلرینک کیندر غارتنه شهبلی بر نظره باقارینه سبب اولمشدی . او فلسفه نک اجتماعی بساطتنک ضمنی بر ذهنی فنیہ (تکنیک) شکله استحالہ سی خصوصنده شهبسز بوده مؤثر بر قوت اولمشدر .

### نجد راونوره

رمزیلکه عطف ایدیهل جک پک فضله اهمیتک مخلیه یاپیهل جق معاملیه ایقاع تأثیر ایدیهل جکی محققدر . کوچوک بر جوجو غک بر تحیل طالنده یاشادینی ، بالطبع ، دوغرودر . بر معنی ایله ، اویالکزه یاپما قمر ، له مشغول اوله بیلیر . فاعلیتری ، اطرافنده اولوب بیتن حیاتلری تمثیل ایدر و اونلره قائمدر . فاعلیترینک بویه تمثیلی اولماسی اعتبارله رمزی تصویری ایله افاده ایدلمسی جائزدر . لاکن خاطرده اولمالیدرکه بویاچاق حالی ، و یارمزیک کندیسنی تلقین ایدن فاعلیتره راجعدر . بویوکلرک فاعلیتری ناصیل بویوکلر ایچین شائی ومعین ایسه ، بوفاعلیترده جوجو قمر ایچین اویله شائی وممین اولوق لازمدر . یوقسه نتیجه صنعیک ، سینیر کرکینلکی ، و فیزیکی وهیجانی فرط تحرک ، و حتی هبوط قوا اولور . کیندر غارتن لرده بو خصوصده غریب وهان همان عقله صیغماز بر تمایل وجود بولمشدر . چونکه اورالرده فاعلیتک قیمتی اونک جوجوغه تمثیل ایتدیکی شیشه استناد ایدیور . بناء علیه قولانیلان مواد ممکن اولدینی قدر صنی اولوق ، و جوجوق شائی اشیادن و شائی فعل و حرکتلردن کمال اعتنا ایله اوزاق طو تولوق ایجاب ایدیور . مثلاً باغچه فعالیتلرندن بحث ایدیلدیکی ایشیدیلیرکه بو ، جوجو قمرک توخوم یرینه قوم دانهلری سر بهلری طرزنده واقع

[۱] حکومت متحده یرنه دائماً دول متحده قولانیلشمدر . — مترجم .

اولور ؛ چوجوغلر ياماق-ق برادايي ، ياماجق بزير وسوپورككزلره سيلهر ، سوپورورلر ، صوفرا قورارلر ، لاکن ماصهك اوزرينه كاغددن كسمه طاقيملر ديزرلر ( حتى بوكاغد كسمه لري بيله طاباق شككنده مدور شيلر دكلدر ، هندسي منتظم مضامات شككنده در ) ، چوجوغلر كيندر غارتن خارچنده اويناديني اويونچاق چاي طاقيملري اوراده قوللانيله ز. بيلكر ، اويونچاق لوقوموتيفلر ، واغونلر وساثره طورفا ايديلشدر ، چونكه بك غليظ صورتده شائيدرلر - وبوسيدن چوجوغلر مخيله سني تحريث ايتمه زلر .

بوتون بونلر، شهسز ، باطل اعتقاددر. چوجوغلر روحنك تخيل فاعليتي ، قوللا - نديني اشيا نك اطرافنده بردمت حالنده طولانان روي مقدملردن ، مبهم خاطرملردن ، تلقينلردن دوغار. بوتون بواشيا نه قادار طبيعي وصریح اولورسه علاقه دار تلقينلر كه ظهوري ودرلي طولو قالماسي ايچين اوقادار معين برقاعده استناد بولونمش اولور ، بوده چوجوغلر فاعليت تخيله سني حقيقه تمثيلي يابار . چوجوغلر ك ياديني بسيط آشجيق ، بولاشيقجيق ، سوپوروجيكل وساثره ، اونلر ايچين ، مثلاً د بش شواليه ، اويونندن داها زياده معناسر ويا نفهي دكلدر. چوجوق نظرنده بومشغوليتلر ، اونلر ك بويوكلره مناسبدار هر شيشه عطف ايتدكلري ، سرلي قيمتلره محمولدر . بناء عليه قوللانيلاجق موادك ، زمين وزمانك مسا . عده سي نسبتنده ، د شائي ، ، بلا واسطه وصریح اولماسي لازمدر .

لاكن مبداء بوراده يئتمه يور - رمز حاله صوقولان شائيت چوجوغلر قابليت تقديره سي حدودي داخلكنده اولق لازمدر . بهضاً ، مخيله نك استعمالندن ، بك بعيد متافيزيكي وروحاني مبداءلره متوجه اولديني درجه ده استفاده ايديله چكي ظن اولونيور . بوكي حالاتك قسم اعظمنده بويوكلر كندى كنديلريني آلداتيورلر ديمك داها سالم اولور . بويوكلر ايچين شائيت ده مشمورددر ، رمزده ، وبناء عليه آرازلنده كي مناسبده . لاکن تمثيل ايديلن حقيقت ويا شائيت چوجوغلر يتشه بيله چكندن جوق اوزاقده اولنجه ، فرض ايديلن رمز ، اونك ايچين اصلا رمز اولاماز . چوجوق اونى باشلي باشنه مثبت برشي عدايدر . فعليته چوجوغلر بو رمزدن بوتون آلاچي ، اونك فيزيكي واحساسى معنا سي در . برده ، على الاكثر بونلره علاوه اوكره نه چكي ، ومعلمك كنديسندن بلكه ديكي ، جريزه لي برسهولت كلام وكوسنه ريشلي برطور واداد - لاکن روي متناظر دن عاري اولارق . رمزير واسطه سيله روحاني حقيقتلري تدريس ايتديكمزي ظن ايدر كن ، اكثرياً عدم صميميتي اوكره تير ، حسيلى زرق ايدر ، واحساسيلكي ترويح ايلهرز . بناء عليه چوجوق

طرفدن استحصال ایديله جك شأيتلر ممكن اولدینی قدر اونك البشيق اولدنی صریح و حقیقی ماهیتده شیلر اولمالیدر . ایشته اك چوق بوسیدندر كه مكتبمرك كیندر غارتن مساعیسی داها زیاده او وجوار حیاتنك استحصالنده تمرکز ایدیور . بومشه مجرای كلامی درس موضوعنه سوق ایتدی .

### درس موعری

او حیاتی ؛ اوی ، اشیا سی ، اثاتی وسائره سی ، وده اجرا ایدیلن اشتغاللرله برلكده تدریسات ییجین مود لازمه اعطا یدر ، كه بونلر چوجوقله بلاواسطه شأنی صورتده مناسبتدار شیلر اولدیغندن چوجوق اونلری تخیلی برشكلده استحصاله متبایدر . او حیاتی چوجوگك اخلاقی جهتنه مبذول غذا ویره جك درجه : اخلاقی مناسبتلرله و اخلاقی وظیفه لری تلقین ایده جك حادثه لرله ده دولودر . بزم پروگرام برچوق كیندر غارتن لرك پروگراملریله مقایسه ایدیلنجه كورولور كه ، بالنسبه حرصدن طاریدر ، لاكن درس موضوعنك بویله محدود اولما سی کیفیتنك ده بعضی مثبت فائده لری احتوا ایتدیكى مناقشه یه ده كر برمسته اولایلیر . ساحه نظر پك زیاده كینیشه یجه ( مثلا ، ایش جمعیت صنایع فاعلیتنه ، اوردو ، کلیسه ، دولت و الخ . كبی مؤسسه لرینه دوغرو ایلهر یله یجه ) مساعی لزومندن چوق فضله رمزی برشكل آلمایه تمایل ایدر . بومواد چوجوگك وقوف و قدرتی حدودینك پك اوتلرینه كچنجه ، چوجوگك اونلردن آلا یله جکی یالكز فیزیکی و هیجانی انعكاسدن عبارت قالیر . موادك كندیسنه حقیقی برصورتده نفوذ ایده مهز . بوندن فضله اولارق ، بویله حریرص پروگراملرده ، چوجوگك طور ذهنیسنده غیرمساعد برعكس العمل تولید ایتك تهلكه سی ده موجوددر . بوتون كائناتی پك یامماجق برطرزه . احاطه ایدن چوجوق ییقین و اوصانچ روحلو اولور ، دوغرودن دوغرویه تجربه ساحه سنه كیرن بسیط شیلره قارشى طبیعی آجانی زوال بولور ، وایلك مكتبك ایلك صنفلرنده ، درس موضوعلرینه اولجه كورمش بیلمش اولدینی شیلر حسیله یا قلاشیر . چوجوگك ، چوجوقلق حیاتنك صوك سنه لرینه مخصوص حقاری ده واردر ، بوخصوصده سطحی و صرف هیجانی برتقدم ( یعنی صوكرا كوروله جك شیلرك اولجه كوروله سی ) چوجوغی جذری صورتده متضرر ایده بیلیر .

یوندن باشقا ، بر موضوعدن دیکرینه سرعتله صیچرامق اعتیادینی قازانمق تهلیکدسی ده واردر . کوجوک برچوجوقده خصوصی برانمودجده خیلجه صبر و تحمل قدرتی واردر . واقعا چوجوق تجدد و تنوعدن خوشلانیر ؟ یکی یکی رؤیت ساحه لرینه کوتورمه یین یکی یکی انکشاف یوللری آچایار . فاعلیت اونو چابوق بیقیدیریر . فقط ادا م یك آهنگلک حقدده دکلر . چوجوقلرک یاشادقلری او وعائله حیاتلرنده ، فاعلیتجه ، تجهیزاته ، آلتلرجه کافی درجه ده چشیدلیک واردر ، و بونلر اونلره دواملی برتووع تأمین ایدرلر . او حیاتی کاه کاه بلدی ومدنی حیاته وصناعت حیاته تماس ایدر ؛ ایسته نیلنجه ، اصل موضوعک وحدتی خارجنه حیقمادن ، بوجهتلرده ساحه مطالعه یه آ لینا بیلیر . بویه لجه دقتک و تکمیل ذهنی نمانک استناد قاعده سنی تشکیل ایدن بر حسک - اتصال و تمادی حسی - بسله نهمه سنه مساعد بر زمین بولونمش اولور .

اتصال و تمادی ، علی الاکثر ، اصل اونو تأمین ایچین قوللانیلان اصوللردن ممانعت کوروپور . چوجوق نقطه نظرندن باقینلنجه وحدت درس موضوعنده در . وشبمدی بوراده چوجوغک دائماً برشی ، او حیاتی ایله مشغول اولماسی واقعه سننده در . ویریلن اهمیت متادبا بو حیاتک بر صفحه سندن دیکر صفحه سنه انتقال ایدر ؛ بر مشغولیتدن صوکر دیکر بر مشغولیت ، بر اشیادن صوکر دیکر بر اشیا ، بر مناسبتدن صوکر دیکر بر مناسبت ، الخ . دقی آبر ؛ لاکن هبسی بردن بر وعینی طرز حیاتک انشاسی یچین صیرالانیرلر ، هر نه قادار بعضاً بر وبعضاً دیکر صفحه سنه فضله اهمیت عطف ایدیلیرسه ده چوجوق هر ن وزمان بروحدت ایچنده جالیشمقده ، اونک مختلف صفحه لرینه وضوح ومعینیت ویرمکده و اوصفهلری مناسبتلی برطرزده بربرینه ربط ایتمکده در . درس موضوعنده بویوک برتنوع موجود اولنجه ، اتصال و تمادی یالکز شکلی جهته بولونا بیلیر ؛ یعنی توالی پروژه لرنده ، « ایش مکتبلری » نده ، هر موضوعک اوکنه دوشن سرت بر انکشاف پروغرامنده ، ایشله ایقیری دوشمه یه جکی فرض ایدیلن هر « کون ایچین فکر » ده بولونور . حالبوکه بوتوالی قاعده ذهنی در ، بناء علیه یالکز معلم طرفندن قاورا نابیلیر ، چوجوغک باشی اوزرندن کچرکیدر . بونک ایچین درکه برسنه ، بر درس دوره سی ، بر آری ، بر هفته ، الخ . ، ایچین یاپیله جق پروغراملر بو مدتله عموم درس موضوعنک نه قاداری صیفا بیه جکنک تخمین اساسنه کوره یاپیلور ، ذهنی و اخلاقی مبدألر

اساس اتخاذ ايديلهرك دكل . ذهني و اخلاقي مبدائل اسسنه كوره حركت اديريسه بو طرز پروگرامه هم معيذت هم الاستيقيت ويرير .

### اصول

ايك صنفلك خصوصي مسئله سي ، بالطبع ، چوجوغل طبيي الجا و انيافلرني قاورامق و اونلردن استفاده صورتيله چوجوغل داها يوكسك برادرلك و محاكمه سويه سنه ايلال ايمك و داها اهليتي اعتيادلرله تجهيز ايله مكدور . چوجوغل بو صورتيله داها كنيش و دهريش برشموره ، فعل و حركت قوتلري اوزرنده داها زياده مراقبه قدرته مالاك اولور . او يون بوتيجيه واصل اولمازسه تربوي برنما اولماز ، صرف اكلنجيه ماهينده قالير .

نه اولورسه اولسون ، انشائي ايش ( بالطبع ، ايسته نيديكي زمان ، انشائيك آسمن اينديكي فكرلره مناسبتلي برطرزد ، ربط ايديله ييله جك ، مناسبتلي برمنابه ايله حكايه ، شرقي و او يون ايله برلكده اولان ايش ) بو ايكي عاملي - چوجوغل كندى الجالرنده باشلامق ، و داها يوكسك برسويه و ارمق ايله نه ايله نيك عامللري - ديكر مرهانيكي بر شيدن داها ايني تامين اتمك لياقتني حازدر . انشائي ايش چوجوغل پك زياده متنوع مواد ايله تماس ايتديرير : تخته ، تنكه ، دهري ، ايبليك و سايره كيبي ؛ بعيد برمعاني رمزيدن باشقا هيچ برمعناسي اولمايان ايشلرله اوغراشماق چق يرد ، بو شائي موادى حتمق صورتده استعمال ايجين او كا محرك اعطا ايدر ؛ اونك حسلرينه اويانيقلاق و مشاهده سنه كسكينلك ويرير ؛ استحصال ايديله جك غايه لك واضحا تخيل ايديله سني ايستر ، نصورلرده مهارت و فكر ايجاد بولونماسني طلب ايدر ؛ اجرا و اينفاده متمرکز بر دقتي و شخصي مسؤليتي استلزام ايدر ، بر طرفدن ميدانه چيئان نتيجهلرده اوقادر قابل تماس شيلردركه ، اونلرله چوجوغل كندى اثرى حقنده حكم و پرديرمك و مقياس و معيارلرني اصلاح و اكمال ايتديرمك ممكندر .

كيندر غارتن مساعيسنه تعلق اعتباريله ، تقليد و تلقين روحياتندن ده بحث ايمك لازمدر . هيچ شبهه يوق كه كوچوك چوجوغلر پك زيايه تقليد جي درر و تلقينلره قارشى پك زياده آچيقدلر ؛ هيچ شبهه يوق كه او خام قوتلر و ايرمه مش شعورلر بو طرقلرله ده متاديا زنيكله شديرييله و استقامتلنديرييله محتاجدرلر . فقط بومسئله ده تقليد و تلقيني

تماماً غیربسیه و لوجیائی اولاجق طرزده خارجی بر صورتده استعمال ایتک ایله، اونلری چوجوڭک کندى فعلیتلرینه تعاقلمی کوزمتیلرک دوغرو برطرزده قولانلق طریقلمی لایقيله تفریق و تمیز ایتک بر امر مبرمدر . عمومی بر مبدأ [۱] اولارق سرد ایدیله بیلیرکه ، هیچ بر فاعلیت تقلبدن نشأت ایتمه لیر . ایلک حرکت چوجوقدن باشلامالیر ، موده ل ویا نمونه وندن صـ وکرا ، و چوجوڭک حقیقه ایستهدیکى شیئی داها زیاده معین اولارق تحیل ایدیه یانه . نه یارديم ایچین - چوجوغى شعورلاندیرمق صـ ورتيله - وریله لیر . و قیقى قویا ایدیلجک بر موده ل اولماسنده دکل ، بلکه تاقى نک وضوح و تاقیمته رهبر اولمانده بولونمالیر . چوجوق اجرا و ایفا صفحه سنده کندى مخيله سـ نه استناد ایدرک موده لدن فراغت ایدمچک بر حله کله شـ سـ ، اسیر و تابع اونش دیکدر ، انکشاف ایتش دکل . تقایک مداخله ی ، چوجوغى بدایه ایشه کیریشدیرک ایچین دکل ، فعلیتى تقویه و اوکا یارديم ایتک ایچیندر .

چوجوق ، احتیاجى شعورلو اولارق اؤده ایتدکجه معامک اوکا هیچ برشى تلقین ایتمه سنده اصرار ایچین بر سبب یوتدر . متجاذب [۲] بر معلم ، چوجوڭک انسیـ یاقلمی نذر اولدیقى ، نه معالزه کلدیکى ، کندیسندن داها واضح صورتده ، پک اتلى بيله بیلیر . لاکن تلقین چوجوڭک حاکم طرز نمانه او یغون اولاق لازمدر ؛ تلقین چوجوڭک کندى کندینه ، کورى کورینه یا نایه چالیشدینى شیئی داها تام بر صورتده میدانه جیقارمق ایچین سادمه برمنه خدمتى ایفا ایتمه لیر . آنحق چوجوغى ترصد ایتک و تلقینلره قارشى اختیار یتدیکى طور و حرکتى آکلاوق ایله درک اونلرک چوجوڭک نمانه ی تسهیل و تشویق ایدن عاملر اولارقى ، یوقسـ طیبى بر نایه حیولت ایدن خارجى و کفى بر جبر صورتده مى اجرای عمل ایله دکارى سـ و یله بیلیرز .

عینى مبدأ امر آلتنده ایش بایدیرمق طرزینه داها زیاده قوتله قابل تطبیقدر . چوجوغى کندى دلیاسز کیفه و آرزولرینه ترك ایتک ایله ، فاعلیتلرینى رسمى و متوالی امرلر آلتنده استقامتـ تابع طوبقی آراسنده متوسط طریق بولونما یاجغى فرض ایتمکدن داها عبث هیچ برشى یوتدر . بر آزال سـ و یله ندیکى کبی معامک وظیفه ی چوجوڭک هر هانکى بر انکشاف دوره سنده میدانه جیقه نایه چالیشـ ان قوتلری بیامک ، هانکى نوع فاعلیتلرک بونلرک ظهورلرینه معاون اولاجغى طابق ، و صوکر ، ایجاب ایدن منبهرى و مقتضى



موادی تدارك و اعطا ایتمکدر . مثلاً بر او یونجاق اؤك و یردیکی تلقین ، او اوی تفریش ایچین یاپیلان شیلری ، دیگر چوجو قلك بو ایشلرله اوغراشمالری کورمکدن دوغان تلقین بش یاننده حال طبیعی ده بر چوجو غك فاعلیترینه معین راستقامت و یرمه یه تماماً کافیدر . تقلید و تلقین طبیعی و غیر قابل اجتناب بر صورتده ظهور ایدر ، لاکن چوجو غك کندی آرزو و فکر لری ساحه فعله حیقارماسنه یاردیم ایدن آتلا ماهیتده اولوق اوزره . اونلر چوجو غك ذاتاً مبهم و مشوش و بناء علیه غیر مؤثر بر طرزده یاپمایه چالیشدی شیک تحقننه و شعورلو بر حال آلماسنه خدمت ایدرلر . روحیات نقطه نظریدن ، امنیتله سوبله نه بیلیرکه ، بر معلک چوجو غي امر آلتنده اولارق بعض استقامتله اوزرنده یوروتک طرزینه اعتما کوسترمه سی ، چوجو غك یالاجق شی ونه ایچین یاپیلاجی حقنده کندی روحنده هیچ بر خیاله صاحب اولماماسی سینندن ایلری کلیر . حالبوکه یریلن استقامتله اویق طرزنده چوجو ق مراقبه قوتی قازانماز ، حقیقته ، اونی غایب ایدر . چونکه خارجی بر منبعه تابع قیلنمش اولور .

بحثه ختام و یریرکن ، بویله بر درس موضوعک و اصولک آلتی یاشنده کی ( ایلک مکتبک برنجی صنفه تقابل ایدن ) چوجو قلم طائد مساعیه دوغروندن دوغرویه ربط ایدیله بیله جکی ده ذکر اولوناییلیر . اؤ حیاتک اویون و تمثیل صورتیه استحصالی ، بالطبع اؤك استناد ایتدیکی داها کنیش اجتماعی اشتغاللرک داها متنوع و جدی بر صورتده تبصنه قادار ایلر یلیر ؛ بر طرفندن ده تصور و اجرا ایچین چوجو غك کندی قبلیتندن تمادی و مزاید بر صورتده ایسته نن فاعلیت اونی ، داها متمیز ذهنی موضوعلر اوزرنده داها مراقبه لی طرزده استعمال دفته سوق ایدر . اونو تولمامالیدرکه کیندر غارتق ایل « برنجی صنف ، ایشلری آراسنده اتصال و تمادی تأمین ایتک ایچین مقتضی اصلاحات ، یالکیز « برنجی صنف ، جهندن حرکت صورتیه تماماً ساحه حقیقه ایصال ایدیله ممز . مکتب تحولاتی ، چوجو غك نماسی کبی غایت تدریجی و غیر محسوس اولوق لازمدر . بوا یسه ، ایلک مکتبدن اولکی مکتبی تشکیلات ، کندیسی یوقاریکی قسملردن تجرید ایدن شیلری آلدنن بر افاقه ممکن دکلدیر ؛ بونلری بر اقالی و چوجو غك قواسنک تماماً انکشافه مساعد و معاون اولان مواد و منابه قاپیلری آچالی ، اونلری حسن قبول ایتله ، و بوسورتله چوجو غي بوندن صوکر ایا باجی ایشلر ایچین حاضرقلی و حاضر بولوندورمالیدر .



## اشتغاللارک روحیاتی

اشتغالدن مقصدیمیز، صیراده اوطورورکن یارامازلوق ویا تنبلک ایتمه سین دییه، چوجوغه ویریلن « مشغولیت ایشی »، درس تمرینلری قیلندن بر شی دکدر . اشتغال کلهسی ایله چوجوق طرفندن ، اجتماعی حیاته یاپیلان ایش شکللرندن برینک استحصالی ایچین ویا اوشکله موازی اولارق ، اجرا ایدیلن فاعلیت طریخی قصد ایدیورم . « دارالفنون ایلك مکتبی » نده بو اشتغاللارتنجه و آلتلرله دستکاه ایشلری ؛ طباحت ، دیکیش و بوراده بحث ایدیلن دو قوما مساعیسی ایله تمثیل اولونورلر .

بر اشتغالک روحیاتنده اساسلی نقطه اونک ، تجربه نك ذهنی صفحه سی ایله عملی صفحه سی آراسنده موازنه تأمین ایتمه سیدر . اشتغال اولوق حیثیتله ، او فاعل و محرکدر ؛ افاده سی اعضای بدنیه - کوزلر ، اللروساثره - ده بولور . لاکن عملی و اجرائی جهت متوالی بر صورتده ایفا ایدیله ییلک ایچین مواد و مالزومه برصدی ، و تمادی بر تصور و ملاحظه یرده استلزام ایدر . بناء علیه ، بوصولته تلقی ایدیلن اشتغال بر حرفته چرأقلق تربیه سی ویرن مساعیدن اعتنا ایله تمیز ایدلک لازمدر . موضوع بحث اشتغال اوندن فرقلی در ، چونکه غایه سی کندیسینده در ، فکرلرک تمادی فاعلیت متقابله لرندن و فعله انقلابلرندن تحصیل ایدن نما وانکشافده در ، خارجی بر نفعده دکدر .

بو اغوزجده مساعی ، حرفت مکتبلرندن باشقا مکتبلرده ده ، بوتون اهمیت ال ویدن جهته ویریلک صورتیه ، تطبیق ایدیله ییلر . بوکجه حالانده ایش ساوه بر کوره نك وحدت دوکسنه ایندیریش اولور ، و تربیوی قوتی زواله اوغرار . هر هانکی ایشده مثلاً علی الموم ال ایشلرنده ، اک باشلی غایه بعض آلتلری ای قوللانق ویا بر طاقیم شیئر اعمال ایتمک اولنجه ، و چوجوغه امکان دارممنده ، مالزومه و آلات دن اک ال ویریشی اولاتلوی سچمک خصوصنده ذهنی بر مسؤولیت توجیه ایدیله ییجه ، موده لی وایش پلانق دوشونوب تا صارلامق ، یابدینی خطالری کورمک و صورت تصحیحلری بولق خصوصنده چوجوغه ، مساعد زمین احضار ایدیله ییجه ، یوقاریکی نتیجه نك حصوله ( یعنی مساعی نك

عادی بر کوره نك حالى آمانه ) غير قابل احتراز بر تمایل وجود بولور . بوتون بو صایلانلر ايسه ، بالطبع چوجوگك قابليتلىرى حدودى داخلنده اولان شيلدر . روحى و اخلاقى حالاتدن ، و نتیجه و وصول و تیره سنك تضمن ايتديكى نما و انكشافدن زياده خارجى نتیجه نك کندیسی استهداف ايدیلنجه ايشه ال ایشی نامى ویريله بيلير ، فقط بزم قصد ايتديکمز معناده اشتغال ديمك دوغرو اولماز . طبيعى ، ساده اعتياد ، کوره نك ويا حادث اولان هر شى شعور سز و ميخانيكى بر نتیجه و ارمایه مهيلدر . اشتغاله ايسه پاپيلان ايشی اعظمى درجده شعور لاندیرمق نتیجه یی استهداف ايدیلکده در .

بو ، بزی ( آ ) دو قومه ایشلريله علاقه دار شخصى تجرب ، تصور و یکیدن ایجاد فللرينه ، و ( ب ) بومساعينك ، تاريخى انكشاف خطريله اولان موازى لکنه ، عطف ايدیلن اهميتى تفسير ايجمه قادر ايله بور . برنجيسى چوجوگك خارجه متوجه مساعى ي لايقيه اجرا ايدم بيلمك ايچين ذهناً هر جهته جوال و اوبانيق اولماسنى استلزام ايدر . ايکنجيسى پاپيلان ايشه - اونى ، اجمال ايتديكى اجتماعى حياتك تلقين ايتديكى قيمتله اشباع ايتك صورتيله - زنکينك و دهرينك ورير .

بوصورتله نظر تقدیره آنان اشتغاللر هم حواس تريبه سى هم ده ذهنى انضباط ايچينه مکوروى فرصلر تهيه ايدرلر . حواسى تريبه ايتك ملاحظه سته ابتنا ايدن على العاده . مشاهده درسلي نك ضعى شودر که بونلرک محر جلى بالذات کندیلر نده در ، بواعتبارله ، مقتضى محر کدن هر روم درلر . فردک و عرقک طبيعى حياتنده حاسه - مشاهده سى ايچين دائماً بر سبب موجوددر . دائماً و اريلاجق بر غايه دن تولد ايدن ، بر احتياج موجوددر که انسانه ، کنديسنه معاون اولاجق بر شى کشف ايتك ، فرق و تميز ايتك ايچين اطرافى آرادرير . حال طبيعى ده احساسلر اونک ياباجنى ايشلره ، فاعليتیه استقامت و یرمک ايچين دليل ، يارديمچى ، ومنه اولوق اوزره اجراى عمل ايدرلر ؛ يوقسه کندى باشلرينه غايه دکدرلر . حقيقى احتياج و محر ککردن تجريد ايدیلنجه ، حواس - تريبه سى على العاده بر ژيمناستيك اولور ، وسوؤتله حادثا ساده جه مشاهده معرفتلى ، حقماز لقلرى حالته تردى ايدر ، يا خودده اعضاى حواسک بوشى بوشنه تحر کدن عبارت قالير .

عینى مبدأ حال طبيعىده نفکرده قابل تطيقدر . تفکر صرف تفکر اولوق ايچين تحدث ايجمز ، اونک غايه سى ده کنديسنده مندمج دکدر . تفکر بر مشکله قارشى قومق ، اونى اقتحام ايچين الک اى يوللرى ملاحظه ايتك احتياجندن دو غارق ، و اريلاجق نتیجه حقنده ذهناً پلانلر قورمق ، تصورلرده بولونمق ، آتيلاجق آديملرى و بونلرک صير و

ترتیب لری تعیین ایتمک فعللرینه دوغرو کیدر . مشخص فعل و حرکت منطقی ، صرف معاقله ویا مجرد استکناه منطقنک چوق اوکند یورور ، و برنجینک تشکیل ایتدیکی ذهنی اعتیادلر ایکنجی ایچین الک اینی حاضرلر اولور .

اشتغاللار روحیاتنک ، اوزرینه فائده لی برور عطا ایتدیکی دیگر برتریه مسله سی ده علاقه نک مکتب ایشلرنده کی موقعیدر . مکتب ایشلرنده چو جوغ نک علاقه نه کنیش ویا مثبت بر موقع ویرمک فکری علیهنه منتظماً سرد ایدیلن اعتراضلرن بری ، و اساسه کوره موافق بر انتخاب اچراسنده کی امکانشالره ایتنا ایدیور . ( چرنک ) چو جوغ نک دورلودورلو علاقه لری واردر ، ایسی واردر ، کوتوسی واردر ، لاقیداولانی واردر ، دینیور . یو علاقه لر آراسنده حقیقه مهم اولانلره عبث و معناسر اولانلری ، فائده لیلره ، ضررلیلری کلوب کچجی ویا الجائی بئریک مومنی اولانلره ، دوامی و تاثیرلی متادی اولانلری تفریق و تعیین ایتک اقتضا ایدر . کورونیورکه علاقه دن استفاده ، بر اساس بولایلمک ایچین علاقه نک اوتیه طرفه کچمه من لازمه ایش .

هیچ شبهه ایدله مزکه اشتغال مساعیسی چو جوق ایچین قوتلی بر علاقه منبعنه مالیکدر . بوایشلره اشتغال ایدیلن هرمانکی بر مکتبه سریع بر نظر عطنی بو واقعه کانی برشهادت تشکیل ایدر . مکتب خارچنده چو جوقلرک اویونلرک بؤک بر قسیمی اجتماعی اشتغاللارک استحصالی ایچین آرزوق کوجوک مقیاسده وکلشی کوزل تعدیلدر . بو اشتغاللره برلکده نبعان ایدن علاقه انموذجلرک تماماً صحی ، دوامی ، و حقیقه تربیوی نوعدن علاقه لر اولدیفنه ؛ و اشتغاللره داها کنیش بر موقع ویرمکه چو جوغ نک هاجمی علاقه لرینه خطاب ایچین مکمل ، بلکه ده الک کوزل یولی بولایلمه جکمزی ، ومع مافییه ، عینی زمانده یونلرک سادده جه اکلندیرن ، تحریک و تهییج ایدن وکلوب کچجی اولانلری ایله مشغول اولمادیفمه آرزوق بر امنیتده حاصل ایدله یله جکمزه اینانق ایچین بعض سبیلر واردر . اولاً ، هر علاقه بر انسیاقدن ویا بر اعتیاددن - که یوده نهایت الهایه اصلی بر انسیاقی تمکنه استناد ایدر - دوغار . بو افاده دن ، بوتون انسیاقلرک مساوی قیمتده اولدوقری ، ویا حیاته مفید اولق ایچین طمین ایدیلکدن زیاده تحویل ایدیلیمه محتاج بر جوق انسیاقلر توارث ایلمه دیکمز نتیجه سی چیقار یلما لیدر . لاکن شعورلو صدورلری و افاده لرینی اشتغالده بولان انسیاقلرک زیاده سیله اساسی و دوامی انموذجده انسیاقلر اولمالری ایجاب ایدر . حیات فاعلیلری ، بالضروره ، طبیعتک مانده وقوتلری مقصدلر بزمک حکمی آلتنه آلمایه ؛

اونلری حیاتک غایالرینه خدام تابعلر یاتمایه متوجهدر . انسانیلر یاشامق ایچین چالیشدق مجبورینده درلر . چالیشدق طریقله و چالیشدق طریقه حاکم اولدیلر ، کندی شرائط حیاتیلری حایه ایندیلمر وزنکیناشدیردیلمر ، کندی قوتلری حس ایندیلمر و بو حس ایله اویاندیلر . ایشاره ایتمیه ، تهوورلر تورمایه و اکتساب دنرذوتی دویمایه قدار ایلار یلادیلمر . انسانلک ایچنده یاشادینی طاقله اولان بوتون انسانی مناسبتلری اطرافینده طویلانان اشتغاللر قیلمه شو فعايتلره تعریف ایدیلایمیز : حیاتک ادامیه ایچین خدا تدارک اینک ، صیانت و تربیت ایچین ایس و سکن تأمین اینک ، و بویلاجه دایم یوکسک و دایم روحانی تلاللرک ترکیزینه مساند دایم بر یورد تأسیس اینک . آرقولنده بویلا بر تاریخه ملک اولان علاقلرک ده کرلی نوعدن اولملری ایجاب ایدمککی فرض و قبول اینک دییچده غیر معقول دکلدر .

مع مافیه جوجوتدن انکشاف ایدن بو علاقلریالکیز عرنک مضیده کی موم فعايتلری . اجمال اینکله قالمز ، جوجوشک بوکونکی محیطک فعايتلریده استحصال ایدر . جوجوشک متمادیاً ، بویوکارک بو قبیل ایشلرله مشغول اولدتلری کورور . بو ایشلرک نتیجه ای اولان شیلر هر کون اوکده تعاق اینکدهدر . جوجوشک او یله و تعادلرله تاسه کیرک معشاری آنجاق بو عمومی اشتغاللرک نتیجهلرینه کوره تمین ایدر . بونلری حل حاضرده کی اجتماعی حیاتک خرجنه چیمارک ، کری به پک آز بر شی قلاجینی کورور . سکر - هم بو حل یالکیز مادی جهته دکلدر . ذمی ، اخلاق ، و بدایی فعايتلره نظر آده بویلا در ؛ چونکه بونلرده واسع مقیاسده ضروری اولارق اشتغاللره مربوطدرلر . بناء علیه جوجوشک بو استقامتده کی انسیاقی علاقلری کندی اطرافینده جریان ایندیکی کوردیکی ، دویدینی ، وایشیدیکی شیلرله علی الدوام تقویا اولونور . بو خط اوزرنده جوجوشک متمادیاً تلقینلر کایر ؛ محرکلی اویانیر ؛ و قدرتلری فعله تحریک ایدیلیر . بو درجه دایم صورتده تماس ایدیلان ، و بوقدار جوجوشک جهتی اولان علاقلرک قیمتی و دوامی نوعدن اولدتلری فرض اینک البته غیر معقول دکلدر .

ثالثاً ، تربیه ده علاقه مبدائی عاینه توجیه ایدیلان اعتراضلردن بری ده بو مبداءک جوجوشک متمادیاً شو و یا بو جهته تحریک ایدرک دوام و کمالی احصا صورتیه روحی اقتصادک تامینی اخلال ایتمیه ناسی اولماسیدر . لاکن بر اشتغال ( مثلاً بوراده موضوع بحث اولان دو قومه اشتغالی ) بالضروره متمادی برشیدر . دکل کونلرجه ، حتی آیلر ، سنلرجه

دوام ایدر. اونك تمثيل ايتديكى شى متجرد وسطى قدر تترك تحريكى دكل، بلکه داها زیاده بعض عمومى خطر استقامتنده ثباتلى ودواملى بر تمضى قوتدر. عینی شى، بالطبع، دیگر هر هانكى شكلده بر اشتغال، مثلا آلتلرله دستكاهده چالشمق، يمك پيشيرمك، حقندهده دوغرودر. اشتغاللر، متجرد ومرتفش بر حالده اولان متنوع برچوق الجالرى يكدیكرینه ربط ایدر.ك هیئت عمومیه سنى صلاغلام بر بل کیكى اوزرنده دایانیقلى بر اسكلهت حاله قویار. مع مافیه بو شكلده، مكتبك بوتون حیاته، آغاجك اوزى كې، داخل اولان منتظم ومرتقى فاعلیت طرزلى خارجنده اولارق «علاقه» مبدأنه مكتب مساعیسنده بویوك بر موقوع ویرمهك دأما امین بر طرز حرکت اولاجى ده پك چوق شبهه كوتوره بیلیر.







## دقتك انكشافى

(مكتبمترك) تحت الابتدائى ياخود كيندر غارتن شعبهسى، كيندر غارتن مساعيسى ايله ايلك مكتب ايشلارنى بربرينه ربط ايتك تشبثدن دوغان پداغوجى مسئله لر ينك حلقه روعنموى مواد درسيه ايله فنيه (تكنيك) نك حال حاضرده كى اجتماعى شرائط و بوكونكى غير زيات و روحيات معلوماتنه كوره تعديل و تطبيقى درعهده ايتكمده در. بو يابدم كى مساعى ايلريده تفصيلاتيله نشر ايديله جكدر.

كوچوك چوچوكلرك مشاهده و تفكر لرى اك زياته خلقه ميتوچهدر: هر كسى نيه يابار، فاصيل برطور و حركت آلير، ناهيله مشغول اولور، بومشغوليتدن نيجيقار، علاقه لرى بيشيمى، ذهنى اولمقدن زياته شخصى نوعنددر. بو علاقه نك ذهنى متناظرى جكاو - شكىلى دن؛ مكتب و درس وظيفه سى، ياخود شعورلو صورتده معين غايه ويا مسئله بركلدر - جكاو شكلندن روحى برمعنى قصد ايدىوروز، يعنى مختلف اشخاصى و اجتماعى و اولور؛ حسى تضمن ايدن مشترك بر فكر اطرافنده بر آرايه طوبىلامق ديمك ايتسه بورفد؛ خارجه بر تحكيه ويا ماسال دكل. كوچوكلرك روحلى؛ فقره لرله تنوع ايدن، فعل وحر كيه شطارت قازانان، بارز شمائل اعتباريله معين، كللى (جهت مجموعى) و اولور ايشى؛ حركت و قوللانما، ايشله تمه حسى (اشيانك محموله اولور) فكردن آليرى اولورقا مابينه سى) موجود اولما ليدر. شكل و بنديه عائد متحرده تغيراتك، تحليل اولورى علاقه دار ايتمديكى كىي تطمين ده ايله موز.

موجود اجتماعى اشتغاللرك ويره جكى موادك، كوچوكلرك بو طور، و روحلر نه تقابل ايدم جكى و اولورى تفديه ايله جكى ملاحظه ايدلشدن. داها اولور، سنلريده چوچوكلر او اشتغاللرى، و اولورك بربريله و خارجى حياتله اولان تيماسلرله علاقه لانلر بولشدن؛ آرتق شيمدى جميتك داها كندش انموزجى اشتغاللر، ياناشايلر (بو)، چوچوكلر



کیفیتک پسیقولوجیائی بر مسئله اولدینی واقعہسی کوزدن قاجیریور . بوخارجی و همان همان ٹولو نقطہ نظرک تولیدایتدیکی عکس العمل ، علی الاکثر ، اشیانک مطلوب اولان بشری معنایی آجاق اولرک دوغرون دوغرویہ تشخیص واذطاق ایدیلهلری صورتیلہ اکتسا ایدہجکلری فرضہنہ محل ویریور ، وونک ایچن اوکزه متادیاً رمزیلہشدیریلش نیات ، بولوط ویانمرر قونیور ، کہ بونرک یاپاییلہجکی آنجاق ممکن اولدینی قادر سـاختہ برعلم ویرمکدر . بوطرز ، طبیعتک کندیسـنہ قارشی محبت تولد ایدہجک یرده ، علاقہیی احساسی وهیجانی مترافقیرینہ چوریر ونهایت اونی داغییر ، کول ایدر ، براقیر . حتی طبیعتہ ادبیاتک تـوـطـیـاہ تقرب ایتمک ، مثلاً چام آغاچنی « کوجـمـش چام » ماصـالی وسائر کچی شیلرلہ اوکرنمک بیلہ ، بشری مشارکتک لزومی طانیقلہ برابر ، روحدن اشیایہ کیدن داها دوغرو و سالم ـ وحياتک کندیسـیـلہ بلا واسـطـہ حائز ارتباط ـ یولی فرقی ایدہمهمک ؛ شعر و حکایہنک ، ادبی تعبیرلرک ، بوخـصـوصـہ تمـل طاشی اولمادقـلـری ، بلکہ مشـاهدـلری قوتلہندیرمک ومفکورلہشدیرمک موقعندہ بولوندقـلـریخی آکلایاماق ، دیمکدر . دیگر بر افادہ ایلہ ، مطلوب ، چوجوغک روحیلہ طبیعت آراسندہ بر رابطہ تأسیس ایتمک دکل ، اساساً موجود رابطہیی سربست ومؤثر بر فاعلیتہ سوق ایتمکدر .

۲ . بو ، در حال ، « مناسبت متقابلہ » [۱] عنوانی آلتندہ مناقشہسی معتاد عملی مسئلہلری تلقین ایدر ، یعنی مطالعہ اولونان موضوعلر ایلہ اکتساب ایدیلن قوتلرک ، ضیاع واسرافہ محل ویرمہیہجک ونمای روحینک وحدتی محافظہ ایدہجک طرزده متفاعیلترلی مسئلہسی . قبول ایدیلن نقطہ نظرہ کوره مسئلہ علی العادہ آکلایشیلدینی کچی برمناسبت متقابلہ مسئلہسی اولمقدن زیادہ برتفارق [۲] مسئلہسی در . چوجوغہ کوروندیکی شکلدہ ، حیات وحدتی ؛ نباتلرده ، حیوانلرده وجوغرافی شرائطده کی تنوع وتخالفلری مختلف اشتغاللرلہ بربرینہ باغلار وبرآرادہ یوروتور ؛ رسم ، مودل یاپمق ، اویونلر ، انشائی مساعی ، حساب عملیلری حیات وحدتنک بعض خصوصیتلریخی چوجوغک روح وهیجانک تطمین واکالته کوتورن طریقہلردر . بو سنہ او قوما وایامایہ هیچ فضلہ بر اهمیت ویریلہمشدر ؛ لاکن بدیهیدرکہ ، بونلر شایان آرزو عد ایدیلسلردي ینہ عینی مبداء کوره حرکت ایدیلہجکدی . درس موضوعنک مشترکلیکی واتصال وتمادیسی درکہ

Correlation [۱]

Differentiation [۲]

تمضیٰ و مناسبت متقابلہ میں کثیریر ؛ یوقسہ اساساً غیر مرتبط شیلری بربرینہ باغلامق ایچین مہلک استعمال ایندیک کی تدریس ترتیباً تندن مناسبت متقابلہ حقیقہ ماز .

۳ . ایلک تربیہ نك ایکی مسلم مطالبی ، حال حاضر دہ ، اکثریا ، غیر متحد وحق بربرینہ ضد بولونیور . مجہولہ وبعیدہ دوزخرو ایلریلہ مک ایچین معلوم و معتاد شیلری اس الحركہ اتخاذ ایتک لزومی خرج عالم اواش بر فکر در . چو جو غلک مخیلہ سنک بر حامل اولارق آلینامی ادعای دہ نہایت قبول ایدیلہ یہ باشلانہ شد . مسئلہ ہوا یکی توتی آری آری دکل ، بر لکدہ چالیشدیر مقرر . اکثریا ، چو جو ق برنجی مبداء حکمنہ توفیقاً معلوم و معتاد اشیا و فکر لرلہ تعایم ایدیلر کن ، ایکنجی مبداء توفیق حرکت ایچین ، بابانجی ، غریب و غیر ممکن موضوع لر دہ درجہ متساویہ اولاق بلا واسطہ ادخال ایدیلور . نتیجہ ، پک فضلہ سولہ مہیہ لزوم یوق ، ایکی قاتلی بر افلاسدر . غیر شانی وبری ماصالی قبلندن شیلرلہ تحیل روحی فاعلی آراسندہ ہیچ بر رابطہ مخصوصہ موجود دکادر . تحیل امکانسز بر درس موضوعی دکادر ، ہر ہانکی بر درس موضوعی مسئولی بر فکر آلتندہ مطالعہ ایچین بر طریقہ قدر . مہم اولان نقطہ ، پک معلوم شیلر اوزرندہ بوروجی بر فکر لہ تواف ایتک و مشاہدہ درسی ماسکسی آلتندہ حواسی ذاتاً اولجہ لایقیلہ طائش موادہ توجیہ ایلہ مک دکل ؛ علی العادہ ، خرج عالم ، کوندہ لک شیلری تاشیط و تنویر ایتک ، و بونلری قولالاتی یولیلہ اولجہ تعقل ایدیلہ مش بابانجی وضعیتلری انشا و تقدیر ایتکدر . ایشتہ بودہ مخیلانک تحریشدر . بعض محرر لر ، چو جو ق مخیلہ سنک زمین فاعلی آنجا ق ازمنہ قدیمہ نك و اوزاق یرلرک اساطیری ایلہ پری حکایہ لری ویا کونش ، آی ویدیلزلر - قندہ نسج ایدیلہ جک خارق العادہ تصنیعات اولاییلہ جکی الطباعنہ مالک کی کورونیدور لر ، - تی - چو جو غلک حاکم تخبانی تطہین ایچین برطرز اولق اوزرہ - بوتون « علم » ک اساطیرلہ درلور و ماسنی ادعا ایتدکاری بیلہ واقعدر . لاکن برکت ویرسین کہ بو قبیل شیلر عمومیت اعتباریلہ چو جو نلر جہ دائما اشتغال ایدیلن موضوع لر دکل ، مسئلتی مہیتدہ شیلر در . چو غمزک طائیدینی ہومر لر ، ہیر لر [۱] مخیلہ لرینی حیات جاریہ نك معتاد تماشلری و حادثہ لری ایلہ اشتغال ایدر لر - بابلری ، آفالری ، آرقاداشلری ایلہ ، واپور لر ، لوتوہ و تیفلر ایلہ ، قویونلر و اینکار ایلہ ، حیقتلک واورمان ، بالی و داغ حکایہ لری کی شیلرلہ . خلاصہ ، لازم اولان ، چو جو غہ فرصت تہیہ ایتکدر ؛ بوفرصت اونی مدخر تجربہ لرندن ، ساحہ معلوماتندن استخراج لر بابمایہ ، کندی تجربہ

و معلوماتی باشقالرینک کیلرله مبادلله ایتمه ، یکی مشاهده لرله توسیع و تصحیح معلومات طریقیه خیاللرینی دائماً حرکتده بولوندورمايه ، یکی اولان و نظرنده کیتدکجه وسعت و جسامت قازانان شیلری معین و جانلی بر صورتده قاورامق صورتیه روحی بر حضور واطمئنان بولمايه سوق ایدر .

ملاحظه لی دقتک انکشافی اوزرینه چوجو غک طرز تعلیمنده بر تبدله لزوم و امکان حاصل اولیور . بوندن اولکی بحثرده چوجو قده یدی یا شنه قادار - یکی تجربه و معلومات ایسته مک و خیاللر تشکیل ایتک و بونلری اویونلرله افاده ایلهمک صورتیه ، قسماً صاحب اولدینی تجربه یی و معلوماتی اکمال ایتک آرزوسی شکلنده - تبارز ایدن طور روحی ایلله علاقه دار اولمشدق . مؤلفلرک هاجسی دقت تسمیه ایتدکلی ، ویا بعضیلرنجه غیر ارادی دقت دینیلن بو طور انمودجی برشیدر .

چوجوق یا مقده اولدینی ایشه تماماً دالار ؛ مشغول اولدینی شی اوئی تماماً حکمی آلتنه آلیر . کندینی ایشه بلا احتیاط قایدیریر . بوسیلله صرف ایدیلن پک چوق قدرت اولدینی حالده شعورلو هیچ بر جهد موجود دکلدیر ؛ چوجوق عادتاً انحصاری بر درجه ده قصده مشغول اولدینی حالده اور تاده شعورلو هیچ بر قصد یوقدر .

داها اوزاق غایه لره عائد برحسک ، و فعللری بو غایه لره واسطه اولارق سوق و توجیه ایتک احتیاجنک ( که ۲ نومرولو فقره ده مناقشه ایدیلشیدی ) انکشافی ایلله بالواسطه دینیلن ویا بعض محررلرک ترجیحاً ارادی نامی ویردکلی دقت انتقال ایتش اولورز . بر نتیجه یی تخیل ایدن چوجوق ، به نتیجه نک حصوله یارایاجنی ایچین ، اوکنده بولونان ویا او آنده مشغول اولدینی شیشه عطف دقت ایدر . یالکیز باشنه آلینجه بو شی ویا ایش هیچ بر علاقه نولید ایتمه یلک ، حتی بلکه معکوس تأثیر یاپاجق بر شی اولاییلیر . لاکن آرزو ایدیلن ویا قیمتی عد اولونان بر شیشه مناسبتدار حس ایدیلدیکی ایچین ، اونک جاذب و مسخر قوتی استعاره ایدر .

بو ، ارادی دقتک انتقال حالیدر ، لاکن ساده جه انتقال . اصلی ارادی دقت ، آنجاچ چوجوق نتیجه لری ، حاللرینی و جوابلرینی بالذات آرایاجنی ، مسئله و سؤاللر اولوق اوزره تلقی ایتمه باشلا نجه ظهور ایدر . متوسط صفحه ده ( سکزدن اون بر ویا اون ایکی یا شنه قادار ) چوجوق برهیرا متوسط فاعلیلری ، واصل اولوق ایسته دیکی برغایه اساسنه کوره سوق

توجیه ایدرسهده ، غایهسی یاییلاجق ویا میدانه چیقاریلاجق شیدن عبارتدر ؛ مسئله ذهنی بر دعوا اولمقدن زیاده عملی بر مشکلدن ، لاکن چوجوق ، تمی و انکشاف ایدن قوتی ایله ، غایهیی استمزاج ویا کشف ایدیهلجک برشی اولارق تلقی ایدیهیلجک حالهکلیر ، وخیال و فعللری مسئلهنک تفحص و حلنه خادم صورتده مراقبه ایدیهیلیر . ایشته اصل ملاحظهلی دقت بودر . تاریخ مساعیسنده ؛ روایت و ترجمه حال شکلندن ، ظهور ایدن مسئلهلرک مناقشهسی حالندن مسئلهلر ترتیب و تشکیل ایتک حالنه برتبدل واقع اولور . تاریخده دائما اختلاف آرایه امکان ویرهجک مسئلهلر ، تجربهندن ، ملاحظهندن والح . استفادهیه فرصت ویرهجک موضوعلر ظهور ایدر . لاکن مناقشهیی بومشکوک و مختلف فیه مادهلری معین ر مسئله حالنه انکشاف ایتدیرهجک صورتده قوللایق ؛ چوجوغه اصل مشکل جهتی حس ایتدیرمک ؛ سوکرامشکلک حلی ایچین محاکمه ایتسی ، مناسب فکرلری آراقق و نهایت نتیجه حلی بولمق خصوصلرنده کندی منابع ذهنیهسنه مراجعت ایتسی ؛ بوتون بونلر بارز برترقی ذهنیه دلالت ایدر . علمدهده بویلهدر ، فوطوغراف آلترلی یایمق و قوللایق طور عملیسنندن ، بو عملیهنک تضمن ایتدیکی ذهنی مسئلهلری ( ضیا ، زاویوی مساحلر والح . مبدألری ، که عملیهنک نظریهسی ویا ایضاحیدر ) ملاحظه ایتک حالنه برتبدل وقوع بولور .

بونما صورت عمومیهده ، طبیعی بروتیرهدر . لاکن اونک لایقوله تقدیری و استعمالی تدبیرسده ذهنی جهندن بلکه الک جدی مسئلهدر . ملاحظهلی دقت قوتی ؛ یعنی مسئله و دعوالری حضور روحده توقیف ایتک قوتی قازانمش اولان کیمسه ، ذهنی جهندن ، تربیه ایدیش برکیمسه عد اولونور . چونکه انضباط روحیه - روح ده دوغان وروح ایچیه اولان قوته - صاحب اولمشدر . بونمز روح عاده و خارجی تلقینلره اسیر قالیر . مشکلاتندن بعضلری ، مثلاً انموذجده تدبیرساده همان همان حاکم برخطایه ارجاع نظر صورتیه عیان صورتده کوستزیهیلیر . اکثریا فرض و قبول ایدیلیر که آلهه او یغون ترتیبات وکوکده آرزو اولدقدن سوکرا ، دقت هر هانکی بردرس موضوعنه دوغروندن دوغرویه عطف ایتدیرهیلیر . موفقیتسزلک آنجاق آرزو و انقیاد فقداننه علامتدر . حساب ، جوغرافیا و صرف درسلری چوجوگک اوکنه سورولور . واکرتمک ایچین دقت ایتسی توصیه اولونور . لاکن روحده موجود اولان ودقه اسی مرکز تشکیل ایدن برسوال ، برشبه مستثنی اولمق اوزره بویوله ، موضوعلری دقت امکان یوقدر . اگر موضوعک کندیسنده کافی بر درولی علاقه موجودسه ، بلا واسطه وهاجسی بر دقت حادث اولایلیر ، که ایشک دوای ایچین بویک

اعلا بر شیدر . لا کن یالکز باشنه تفکر قوتی ویا داخلی مراقبه روحیه یی تأمینه کافی دکلدر . موضوعك اصل کنديسنده جاذب بر قوت موجود اولمانجه معلم ( مزاجنه ، تحصیل و تربيه سنه و مکتبک سوابقنه و اوندن بکله نه جک طرز اداره يه کوره ) یا موضوعه خارجی ویا یابانچی بر جاذبه اضافه ایتک ، « درسی علاقه آور » یا یقی ایچین چو جوقلرک دقتلرینه معنوی رشوت و یرمه جک ؛ و یا خود مقابل تحریکاته (نومرو قیرمق ايله ، دوندورمک ايله ، توقیف ویا اذلتسز جزالری ايله تهدید ایتک ، دورلو دورلو شخصی اخطار و تکدیرلرده متدایاً « دقت ! » توصیه لرده و سائرده بولونمق کی ) مراجعت ایدمه جک و بلکه ایکی طرز یی ده بردن قوللانه جقدر .

حالبوکه (۱) بوصورتله قازانیلان دقت قسمانی ویا منقسم بر دقتدن هیچ فضله برشی دکلدر ؛ و (۲) بویله دقت دائماً خارجی بر شیئه تابع اولور . بو سببله جاذبه انقطاعه اوغرا یجه ویا تصنیق رفع ایدیلنجه داخلی ویا ذهنی مراقبه یا پک آز قالیر ، ویا هیچ قالماز . (۳) بویله دقت دائماً « اوکرتمک » ، یعنی باشتالری طرفندره صرورلاجهی ممکن سؤالدره تقابل ایدمه جک حاضر یا بیلمسه هر ایدری ایزر ایتک ایچیندر .

دیگر طرفدن ، حقیقی ملاحظه لی دقت ایسه دائماً محاکمه یی ، تعقلی ، موازنه یی استلزام ایدر . بو نوع دقتك معناسی چو جوغك کنری کنریسنه سؤاله مالک اولماسی ؛ و بوکا جواب ویرمک ایچین مناسب موادی آرامق و سچمک ايله ؛ بو موادك - آرادینی صورت حله - موافقت و مناسبتنی تقدیر ایتک ايله فعلاً و حقیقه اشغال ایلهمه سیدر . مسئله انسانك کنديسنك در ؛ بویله اولدینی ایچین دقتك جبری ، تنبیه ده کنديسی طرفندن ایقاع ایدیلیر ؛ ینه بو سبیدن ، تحصیل ایدن تربیوی نتیجه ده کنديسنك در . بو ، روحی انضباط ویا مراقبه قوتیك اکتسابی در ؛ یعنی مسئله لری مطالعه و تقدیر ایتمه اعتیادیر .

اوزون اوزادی یه آ کلامایه لزوم یوقدرکه عنعنوی تربیه ده چو جوغه حاضر یا بیلمش مواد ( کتابلر ، عیانی درس لر ، معلملرک سوزلری و سائره ) عرض ایتک کیفیتنه پک زیاده اهمیت ویریلیر ، و بو صورتله چو جوغه قالان قورو مسئولیت ، درسی بو حاضر - یا بیلمش مواد اوزرینه اوکره نوب آ کلامقندن عبارت اولدیغندن ملاحظه لی دقتك انکشافی ایچین آنحاق عارضی بر فرصت و محرک موجود اولایلیر . اک اساسلی لازمه یه - کندی کنديسنه سؤال چیقارمق ، و صوکر ا بو سؤاله مناسب جواب بولق ایچین نفسنی دقت

تشویق خصوصنده چوجوغه دلالت ایتمک لازمه‌سنه - همان هیج اهمیت عطف ایدیلنهز .  
بوکندی باشنه مسئله‌ار بولوب چیقارمق اهلینتی تأمین ایچین مقتضی شرائط اودرجه اهل  
ایدیلشدرکه اصل ارادی دقت فکری بیله ، جذری صورته ، ترس آ کلاشیلشدر .  
ایسته‌کسر جهد - کندیلکنندن دوغان جهد دکل ، خارجی و یابانچی و بویله اولدینی ایچین  
واقع (علاقه) موادک جبری شرائطله جاب اینسدیکی فاعلیت - ایله ئولچولن بر شی عد  
اولومشدر . «ارادی» کلمه‌سی شخصی علاقه ، وقوف وقوت نتیجه‌سی اولارق دوغان  
کندیلکنندن استقامتلی و حر معناسنده دکل ، کرهی و ناخوش معناسنده تلقی ایدیلشدر .





## ایلك تریهده تاریخك هدفی

اگر تاریخنه کچمش زمانلرک قیوداتی نظریله باقارسق، اونک ایلك تدریسات پروغراملرنده بویوک بررول اویناماسنی ادعا ایتیه سبب بولاماز؛ ماضی کچمشدر، وئولور دهرین اویقولرینه کومولهیه، امنیتله، ترک ایدیله بیلرلر. حالک پک چوق مبرم طلبری واستقبالک اشیکندهده آتی ایچون پک چوق دعوتلر واردر، بونلر چوجوغک الی الابد کچوب کیتمش شیلره دالوب قالماسنه مساعد دکلدرد. لاکن تاریخ اجتماعی حیاتک قوت وشکللرینک محاسبه سی عد ایدیلنجه ایشده کیشیر. اجتماعی حیات هر وقت بزمه برابردر؛ اوماضی، حال فرقلرینه لاقیدرد. اجتماعی حیاتک ماضیده یاشاماسی ایله حالده یاشاماسی ساده خفیف بر آن مسئله سی در. اوماضیدهده حیاتدر، حالدهده. اجتماعی حیات انسانلری بربرینه یاقلاشدیران و بربرندن اوزاقلاشدیران محرکری کوسته ریر و هانکی سنک شایان آرزو، هانکی سنک ضررلی اولدیغی بیلدیر. تاریخ، بر مورخ ایچین نه اولورسه اولسون، مربی ایچین بالواسطه بر اجتماعیات اولمالیدر - یعنی جمعیتک صیورت و تیرملرینی وتعضی طرز لرینی آچوب اورتایه سرن بر تتبع. حالده موجود جمعیت چوجوغک مطالعه ایدمه یه جکی درجهده هم چوق معضل، همده چوق یاقین وملاصقدر. چوجوق اونک تفرعات لایرملرینی دولاشمق ایچین رهبره مالک اولامایاجنی کبی، ترتیبات واقسامنی مناظری بر مشاهده آلتنه آلمق ایچین اوزرینه چپقاقچ برشاهقهده بولاماز.

اگر تاریخ تدریسک هدفی چوجوغی اجتماعی قیملری تقدیره، انسانلرک بربرلیله مؤثر اشتراک مساعیلرینی تسهیل و تشویق ایدن قوتلری تمثیل وتصوره، ایلرله تن ویا کرله تن سنجیه نوعلرینی آکلامایه، قادر ایتک ایهلک اساسلی نقطه، چوجوغه بودرسک حال حرکتده، قوانی اولارق وریله سیدر.

تاریخ، متراکم آثار و نتایج شکلنده، اولمش بیتمش شیلرک سساده جه نقل و بیانی صورنده دکل؛ قوتله دولو، حال فعلده برشی اولارق عرض ایدیله لیدر. محرکک تبارز

ایتمه ایدر. تاریخ تتبع ایتمک ، معلومات ادخار ایتمک دیمک دکدر، بلکه معلوماتی، انسانلر ناصل ونه دن شو ویا بوصورته حرکت ابتدکلری، نه صورته ونه ایچین موقیته ایردکلری، خسرانه اوغرادقلری جانلی برلوحه حالنده انشا ایتمک ایچین قوللنمق دیمکدر .

تاریخ قوانی، حال حرکتده اولارق، تلقی ایدیلنجه اونک اقتصادی و صناعی منظره لری کسب اهمیت ایدر. بونلر بشریتک لایققطع مشغول اولدینی بر مسئله یی افاده ایچین قوللانیلان فنی اصطلاحلردن عبارتدر، اوده ناصل یاشامالی، ناصل طبیعت حاکم اولمالی واونی نه صورته رفاه بشره خراجگذار ایتمه لی مسئله سیدر . مدنیتده بویوک ترقیلر ؛ ذکاتک ، انسانی طبیعت ایلیم بر تالیتم درکسندن قالدیرارق یوکسلتن، واکا قوای طبیعتیه یی کندی مقصدلری ایله برلکده چالیشدیرمایی الهام ایدن ، بوتجلیاتندن کچرک میدان چیقمشدر. چوجوغلک شیمدی ایچیریسنده یاشادینی اجتماعی عالم اوقادار زنکین ودولفوندرکه بونک نهیه مال اولدینی ، آرقاسنده نه قدر جهد وتفکر بولوندیغنی ادراک ایله مک قولای دکدر. انسانلر بوکون اللرینک آلتنده حاضر مهیب تجهیزاته مالکدرلر. بوحاضر - یاپیلش منابعی سیال تعبیرلرله ترجمه ایده بیلیمه سی ایچین چوجوغه دلالتده بولونمالیدر، چوجوق انسانی، موروث سرمایهدن ، آلتدن ، معمول اشیادن محروم اولارق ، طبیعتله یوز یوزه ، کورمه یه سوق ایدیلیدر . ایچنده بولوندیغنی وضعیتک حاجتکلری انسانه طانیتان وتیره لری آدیم آدیم تعقیب ایتمه لی ، بشری بونلرله مجادله یه قادر ایدن سلاح و آلتلری تفکر ایتمه لی ، وبویکی منابعک انسانلره ناصیل یکی نما وانکشاف افقلری آچدیغنی ، ناصیل یکی مسئله لر یاراتدیغنی اوکرنمه لیدر . بشرک صناعی تاریخی مادی ویا نفی برشی دکدر . بر ذکا مسئله سی در. او، تفکری، بالذات حیاتی فرقلی برحاله کتیره جک صورتده حیات شرائطی ده کیشدیرمه یه مؤثر اولان طرز تفکری انسانلرک ناصیل اوکرندیکنی قید ایدر . عینی زمانده اخلاقی درده ؛ چونکه غایه لرینه خادم اولمق اوزره، انسانک کمال صبرله ایشله یوب میدان کتیردیکی شرائطک محاسبه سی اجمال ایله .

فی الحقیقه ، انسانلرک طرز حیاتی مسئله سی چوجوغی تاریخ موضوعلرینه یاقلاشدیران اک حاکم علاقینی کوسته ریر . بونقطة نظر درکه ماضیده چالیشمش اولانلری، چوجوغلک بوکونکی حیات یومیه سنده مساعیلرینه قاریشدیغنی انسانلره تقریب ایدر ، واکا تجاذبی برنفوذ نظر اهدا ایله ر .

انسانلرک کچیردکلری حیات طرزیه ، قوللاندقلری آلتلرله ، میدان چیقاردقلری

اختراع لرله ، وبوصورتله قازانیلان قوتدن و مساعده زماندن دوغان حیات استحاله سی ایله علاقه دار اولان چوجوق مئائل و تیرملری کندنی فعلی ایله تکرار ایتمه ، آلتلری یکیدن یا بایمه ، مالز مهینی یکیدن استحصال ایتمه پک خواهش کردر . اولنرک معروض اولدقلری مشکلاتی ، احراز ایتدکلری موفقیاتی ، آنجاق طبیعتده نه کیبی موانعه قارشیلادقلری ونه کیبی منابع بولدقلری کورمک صورتیه اوکره نمش اولدینی ایچین چوجوق تارلا ایله اورمانه ، دکیزله داغه ، نباتله حیوانه قارشیه علاقه دو یار . مطالعه ایتمکده اولدینی انسانلرک ایچنده یاشادقلری طبیعی محیطی تصوراً انشا ایده رک حیاتلری مکملاً قاورار . بو استحصالی ایسه ، بالذات کندیسینی محیط اولان طبیعی اشکال وقوایه لایقیه وقوف کسب ایتدکن صوکر یا بایار . تاریخده دویدینی علاقه ، طبیعتی تتبع ایدرکن ، اوکا داها بشری بر رنک ، دها کنیش بر معنا ویردیرر . طبیعت معلوماتی ده تاریخ تتبعنه قوت وصحت اعطا ایدر . تاریخ ایله علمک طبیعی « مناسبت متقابله سی » ایشته بودر .

بوعینی غایه ، یعنی اجتماعی حیاتک درین صورتده تقدیری ، تاریخ تدریسنده ترجمه حال عنصریک اشغال ایده جکی موقعی تعیین ایدر . تاریخ موضوعی چوجوغه فردی شکله ، بعضی تهران سبجه لرک حیات وفعللرنده طوپلانمش اولارق عرض ایدیلنجه تام ودها جانلی برعلاقه تولید ایده جکنده شبهه ایدیه مهز . مع مافیه ترجمه حاللری ، ساده جه حکایه شکله ، بلکه احساسیلک نقطه نظرندن علاقه آور اولابیله جک طرزده قوللانمق ، بناء علیه چوجوغی اجتماعی حیاتک ادراک نه هیچ یاقلاشدیرما مقده ممکندر . بو ؛ منقبه نیک قهرمانی اولان فردک اجتماعی محیطدن تجریدی حالنده ؛ قهرمانک افعالی اظهار ایتمه سینه وسیله اولان اجتماعی وضعیتلری ، وبو افعالک خادم اولدینی اجتماعی ترقی چوجو غک حس ایتمه سینه میدان ویریه یین حاللرده واقع اولور . اکبر ترجمه حال اجتماعی احتیاجات واجرا آتک تماشائی Dramatic بر اجمالی شکله عرض اولونور ، اگر چوجو غک مخیله سی قهرمانی حرکت کثیرن اجتماعی نقایض ومسائل ، واونک ایجاب حالی ناصیل قارشیلادیغنی تصور ایده بیلیرسه اوزمان ترجمه حال اجتماعی تتبعک برعضوی اولور .

تاریخک اجتماعی هدفنک شعوری ، تاریخی اساطیره ، پری ماسالارینه ، و صرف ادبی مقالاته بو غمق تمایلنه مانعدر . هربارت مکتبی نیک ایلک تدریسات پروگراملرنده تاریخ درسنک زنکیله شه سی خصوصنده پک زیاده یاردیمی دوقوندیغنی سوله مکله برابر ، تاریخ ایله ادبیات آراسنده کی حقیقی مناسبتک ، علی الاکثر ، ضدینه

حرکت ایله دیکنی بیانندن ده کندیمی آلامام. آمریقانك استعمار تاریخی ایله دی فور[۱] نك « روبنزن قروزو ، سی » تیز ، اعتباریله بدرجهیه قادر یکدیگریك عینی در . هرایکیسی ده متحصل برمدنیه منسوب ، آرزوق ایرکین برمفکرهیه صاحب ، مفکورملری ، فعل واسطه لری انکشاف ایتمش ، لاکن بردن بره ، صرف کندی قوتلرینه استناد صورتیله ایشله نهمش واکثرا دشمن حالنده برطیعتله مجادله ایتك وضعیتنه دوشمش و صرف ذکاسی ، فعالیت و سجه سنك متاتی ایله احراز موفقیت ایتمش انسانی تمثیل ایدر . لاکن « روبنزن قروزو ، اوچنچی ویا دردنجی صنف چوجوقلرینه مخصوص درس پروغرامنه موضوع تشکیل ایدنجه عیبا آرایابی بیکیرك اوکنه طاقش اولمازمیز ؟ نیچین چوجوغه حیات ایچین تأثیری داهابووک ، قوتلری شدید ، قینتی داهاجانلی ودواملی اولان شأنتی ویرمه یورز ، نهدن « روبنزن قروزو ، پی بومسثله و فاعلیتلك خصوصی برنوعنك غیله ایله مفکورمله . شدیریش شکلی اولارق استعمال ایتمه یورز ؟ کذا ، عمومیتله وحشت حیاتنك ، وخصوصیله شمالی آمریقا هندیلرینك حیاتنك تبعی ، ناصیل برقیمتی حائر اولورسه اولسون ، بوکا تقرب ایچین نهدن دوغروندن دوغرویه اوحیات تتبع ایدیلرله یورده دولاشیق بریولدن کیدیلور ، « هاپاواثا ، [۲] نك توسطنه مراجعت ایدیلور . حالبوکه بو ، چوجوغك اولجه خصوصی برطرزده تحقق ایتدیردیکی برچوق شرائط وجداله ، مفکورمله شدیریش و بوکسك بدرجه شعریته وارمش برتماس تأمین ایتك ایچین قوللانیلمالیدر . هندیلرک ( امریقایی ریلر ) حیاتی یا اجتماعی حیاتده دواملی بعض مسئله وعاملر عرض ایدر ، ویاخود برتدریسات پروغرامنده هیچ برموقعه صاحب اولماز . اگر اویله برقیمتی حائزه دوغروندن دوغرویه بو قیمتك اظهاری لازمدر . یوقسه مقصدك ، تماماً ادبی برتصویرك اینجه لکلری و نفاستی ایچنده غایب ایدیلرله سی دکل .

عینی غایه ، یعنی سجه نك و اجتماعی مناسبتلك طبیعی تابعیتلری داخلنده ادراك ایدیلرله سی غایه سی ، ظن ایدرم که ، بزی ، تاریخ تدریساتنده تقویمی صیرایه عطف ایدیلن اهمیت حقنده برحکم ویرمه یوده قادر ایدر . صوگ زمانلرده ، مدنیتك انکشافی ، بوانکشافك متوالی خطوه لرنده تعقیب ایتك لزوم مفروضه پك زیاده اهمیت عطف ایدیشدر - فرات ونیل وادیلرندن باشلایه رق یونان، روما وسائرهدن کچمك صورتیله عصر حاضره دوغرو

De Foe [۱]

Hiawatha [۲] بووک آمریقان شاعری لوفغ فهلونك مشهور داستانی . - مترجم .

كلك طرزی . بونی ابرام ایدن ، حالك ماضییه و ماضیك هر صفحه سنك ده كندیسندن اولكي صفحهیه تابع اولماسی ، نقطه سی در .

بوراده قارشیمزه تاریحك منطقی تفسیری ایله پسقولوجیائی تفسیری آراسنده برزاع چیقیور . اكر هدف اجتماعی حیاتك ، نه اولدیغنی و ناصل جریان ایندیكنی تقدیر ایتك ایسه بو حالده البته چوجوق روحاً كندیسنه یاقین اولان شیرله اشتغال ایتمه لیدر ، اوزاق اولانلرله دكل . بابل و مصر حیاتك مشكللكی پك ده اولنرك بزه زمان جهتیله اوزاقلقلرنده دكلدر ، اجتماعی حیاتك شیمدیكى علاقه و هدفلرینه نظراً اولان اوزاقلقلرنده در . بو اوزاقلق موضوعی درجه كافیله ساده لشدیرمه یور ، درجه كافیله ده عمومیه لشدیرمه یور ، ویا بویه یاپسه بیله لایقی وجهله یایما یور . یاپدینی ، بو عامللری كوچوك مقیاسده ترتیب و تشکیل ایدیش شكلده عرض ایتكدن زیاده ، بوتون معنیدار اولان جهتلرینی ترك و امال ایتك اولیور . او حیاتك بارز شمائلی بیله حتی متخصصلرك زور قاواریوب آكلایا بیلدكلی درجه ده چیندر .

اوحیات شبهه سز مؤخر حیاتك تشككنه خادم اولان ، جریان زمانده مجرای حادثائی تعدیل ایدن عامللر كوسته ریر . لاكن چوجوق مجرد علتلری و پك اختصاصی ماهیتده یاردیم و خدمتلری تقدیر ایده جك درجهیه واصل اولماشدر . اونك احتیاجی انمودجی مناسبترك ، شرائطك و فاعلیتلك تصویریدر . بو اعتبارله قبل التاریخی حیاتده اونك ایچین ، بابل و مصر ك معضل و جعلی حیاتلرندن چوق داها یاقین شیرل واردر .

برچوجوق مؤسسه لری تقدیر ایده جك حاله كلنجه تاریخی ملتزدن هر برینك هانكی خصوصی مؤسسه فكرینی تمثیل ایندیكنی و بوكونكی مؤسسه لر معضله سنك تشككنه هانكی عامللرله خادم اولدیغنی آكلایمه قادر اولور . لاكن بو دور چوجو غك آنجاق دیگر علم ساحه لرینده علتلری تجرید ایتك قدرتی كوسترمهیه باشلاماسی ، تعبیردیكرله ، اورتا تحصیل چاغنه یاقلاشماسی ایله حلول ایدر .

بو عمومی پلانده اوج دوره ویا صفحه قبول ایدیلشدر : اولاً عمومیه لشدیریش و ساده له شدیریش تاریخ کثیر - بو موضعی ویا تقویمی معنی ایله تاریخ دینه مهیه جك بر تاریخدر ، لاكن اجتماعی فاعلیتلك انواعی حقندر چوجو غه وقوف و تجاذب و یرمه یی استهداف ایدر . بودور آلتی یاشنده چوجو قلا ایچین ، حال حاضرده کی انسانلرك شهرلرده و کویلرده کی انمودجی اشتغاللرینی تدقیق ایتك ؛ یدی یاشنده کیلر ایچین اختراعلرك تكاملنی

وحیات اوزرینه ایقاع ایتدکاری تأثیری چالیشارق بولق ، و سکیز یاشنده چوجوقلر ایچینده بوتون کره ارضی انسانلرک ساحه رؤیتنه ادخال ایدن بیوک مهاجرت ، سیاحت و کشفیات حرکتلرینی چالیشارق بولق مساعیسنی احتوا ایدر . ایلک ایکی سنه مساعیسنک هر هانکی بر قوم و شخص ایله - یعنی اصطلاحک دار معناسیله تاریخی معطالره - علاقهدار اولمایاجنی بدیهیدر . عینی زمانده تماشائی تمثیلر طرزیه مساعیه فردی عاملک ادخالده کندیش بر میدان براقه شدر . بیوک سیاح و کشفلرک مطالعه سی موضعی و خصوصی اولان صفحه یه انتقال دوره سی تشکیله خدمت ایدر ، بودوره خصوصی شرائطی حائر محل وزمانلرده یاشامش ، بعض خصوصی اوصافده شخصلره مناسبتداردر .

بو ، بزى ایکنجی دوره یه ادخال ایدرکه بوراده موضعی شرائط و برقومه خاص معین فاعیلر تبارز ایدر - بوده چوجوغلک معین و مثبت واقعلره اشتغال قوتنک نمانسه تقابل ایلدر . ش یقاغو ، دول متحده ، طبیعت مصلحت اقتضاسی اولارق چوجوغلک مؤثر صورته اشتغال ایده بیلجکی محللر اولدینی ایچین رنجی دورهدن سوکرا کلن اوچ سنه ایچین موضوعلر ، بلاواسطه ویا بالواسطه هپ بو منبعدن چیقاریلیر . بوراده اوچنجی سنه بر انتقال سنه سیدر ، آمریکا حیاتی ایله اروپا حیاسنک ارتباطی بوسنه موضوع بحث اولور . بوزماندن اعتباراً ، چوجوق ؛ یالکیز عمومی صورته اجتماعی حیاته ، ویا یالکیز کنديسنک الک زیاده آلیشیق اولدینی اجتماعی حیاته دئل ، حتی بعضاً تامیله فرقلی ، و بردرجه قادار خصوصی انموذجلرده ، اجتماعی حیاتلره ؛ هر برینک خصوصی معناسی ، و جهان تاریخده ایفایتدیکی خصوصی خدمت ایله اشتغال ایده بیلجک صورته حاضر لانشدر . بناء علیه بوندن سوکراکی دورده تقویمی صیرا تعقیب ایدیلرک بحرسفید اطرافنده کی عالم قدیمدن باشلانیر ، اروپا تاریخندن کچیلرک تکرار آمریقا تاریخنک خصوصی و فرقلی عامللرینه کلنیر . پروغرام دعوایه توافق ایدن یکانه بر نمونه اولق اوزره دکل ، ساده جه ، بوساحده ایفا ایدیلن بر خدمت اولارق عرض ایدیلشدر ؛ و تفکر محصولی اولمایوب سنهدن سنه یه موضوعلر اوزرنده اجرا ایدیلن پک مهم تجریب و تبدیللرک نتیجه سی در . بو تجریب و تبدیللرده ؛ چوجوغه ، کنديسنی حیاتی برصورته یا قالا یاجق ، و عینی زمانده اجتماعی حیاتک مبدأ و واقعلرینک تام و هیج علمنه آدیم آدیم یوروتهجک ، داها ایلریده کی اختصاصی تبعات تاریخیه ایچین اوکا حاضرلق تأمین ایدهجک مواد و مالزیه یی ویرمک دعواسنه مستنددر .

## خطالر

نخيفه	سـطر	ياكلش	دوغروسی
۲۰	۱۵	.	،
۹۶	۲	تمتی	تمتی
۹۶	۳	استمزاج	استخراج
۹۸	۳	.	؛
۹۸	۳	واقع (علاقه)	دافع (علاقه یی)